

Kuyantika 1

Yobi

Kuyantika 2

Kuyantika 3

Kuyantika 4

Kuyantika 5

Kubasika-Levi

Kutanga-Kulonga

Yozue

Bazuzi-Ruti

1 Samuele, Bankunga

2 Samuele, 1 Bansangu

1 Bantotila

Luzingu ya Salomo

(1 Bantotila, 2 Bansangu,
Bingana, Longi, Kitoko)

Kimfumu ya Kukabana

2 Bantotila, 2 Bansangu




Photo: www.freebibleimages.org/MoodyPublishers Matondo!

KIMFUMU YA KUKABANA

**(1 & 2 Bantotila, 2 Bansangu
Yonasi, Ozea ti Amosi)**

(Baleso 40 sambu na bana
ti bajeune)



**Musoniki: Mama Lorella Rouster. –
Edition 2022**



Le Projet MWINDA—Ministères pour Chaque Enfant
Merci à www.freebibleimages.com/SweetPublishing sambu na dessein.

ecmafrica@ecmafrica.org

KIMFUMU YA KUKABANA

Leso 1. Mawa na Yeroboami ya twadisaka Israele kusamba biteki.

1 Bantotila 12:25 -13:33, 14

Leso 2. Roboami (Yuda-S) mpi fulusaka ntoto na biteki. Yo yina Nzambi yantikaka kupesa Kimfumu ya Yuda mpi ndola.

2 Bansangu 11 -12, 1 Bantotila 14: 21-31, 15 :1-8

Leso 3. Abiya (S-Y) bingaka Nzambi na mvita, kansi sambaka biteki na luzingu ya konso lumbu.

2 Bansangu 13, 1 Bantotila 15:1-8

Leso 4. Mfumu Aza (S-Y) salaka mbote na mambu mingi, kansi yandi waka ve conseye ya mutubi ya Nzambi .

1 Bantotila 15 :9-24 , 2 Bansangu 14 – 16

Leso 5. Bamfumu ya mbi na Israele (N-I) natila bantu na bo kaka mawa.

1 Bantotila 15 :25-16 :28 (Luyalu ya Nadabi, Basha, Zimri, Omri, ti Akabi)

Leso 6. Nzambi lundaka bantu na Yandi na ntangu ya nzala.

1 Bantotila 16 :29—34, 17 :1-16

Leso 7. Elia tedimisaka mwana ya mufwidi na lufwa.

1 Bantotila 17 :17-24

Leso 8. Elia kutaka muntu ya kinzambi Obadia na nzo ya Akabi. 1 Bantotila 18 :1-16

Leso 9. Elia tesaka baprofete ya luvunu, kusonga nani Nzambi ya kieleka.

1 Bantotila 18 :17-40

Leso 10. Nzambi tindaka mvula na ndinga ya Elia.

1 Bantotila 18 :41-46

Leso 11. Jezebel sosaka kufwa Elie, kansi Nzambi bumbaka yandi.

1 Bantotila 19 :1 -----29

Leso 12. Elia bingaka Elisa kuvanda profete. 1

Bantotila 19 :19 -----33

Leso 13. Akabi yumaka ntima na kilanga ya Naboti. 1

Bantotila 21 :1 -----35

Leso 14. Baprofete ya luvunu pesaka bamfumu conseye ya luvunu. 1 Bantotila 22 :1 -----37

Leso 29. Mfumu ya Israele vutulaka nkento ntoto na yandi.

Leso 15. Akabi fwaka na mvita bonso ndinga ya Nzambi tubaka. Ahazia yingaka yandi ti landaka kaka na nzila ya mbi. 1 Bantotila 22 :29-35, 52-----41

Leso 16. Basoda ya Yozafati nungaka mvita na bankunga ya kumisa Nzambi. 2 Bansangu 20 :1-30

Leso 17. Mfumu ya Yuda Yozafati tindaka balongi ya ndinga ya Nzambi, kansi bantu waka ve. 1 Bantotila 22 :41-50, 2 Bansangu 17, 19, 20

Leso 18. Nzambi buyaka Ahazia sambu yandi sosaka lusadisu ya kiteki. 2 Bantotila 1 :1-17

Leso 19. Nzambi bakaka Elia na zulu na pusupusu ya tiya. Ebuna Elisa yingaka Elie bonso profeti. 2 Bantotila 2 :1-25

Leso 20. Elisa sadisaka nkento ya kinzambi kubaka mafuta. 2 Bantotila 4 :1-7

Leso 21. Nkento ya bwala Shunemi salaka chambre sambu Elisa kupema. Nzambi kangulaka divumu na yandi kubuta.

2 Bantotila 4 :8-17

Leso 22. Elisa tedimisaka mwana na lufwa. 2 Bantotila 4 :18-27

Leso 23. Elise katulaka poison na kati ya masa, baprofeti kudia. 2 Bantotila 4 :38-44

Leso 24. Elisa beluluka Namani, kapita ya basoda ya Syrie, ya maladi ya lepre.

2 Bantotila 5 :1-14

Leso 25. Elisa buyaka makabu, kansi nsadi na yandi Gehazi yumaka ntima. Yandi sosaka yo na nzila ya luvunu. 2 Bantotila 5 :15-27

Leso 26. Elisa salaka na mpila nde disoka ya me denda kubasika na masa. 2 Bantotila 6 :1-7

Leso 27. Armee ya bawanzio ziungaka armee ya Israele.

2 Bantotila 6: 8-33

Leso 28. Nzambi tindaka makelele sambu bantu ya Israele kubaka madia.

2 Bantotila 7 :1-20

K19 Kimfumu ya Kukabana tii Kubwa ya Israele – Mikanda ya 1 ti 2 Bantotila, 2 Bansangu, Yonasi, Ozea ti Amos
3

2 Bantotila 8 :1-6

Leso 30. Mwana ti ntekolo ya Yozafati landaka Nzambi ve—kaka lufwa, mawa ti mpasi.

2 Bansangu 21, 22 :1-4

Leso 31. Mwana ya bamvula 7 kumaka mfumu ti yalaka mbote sambu yandi wilaka malongi ya Nzambi. 2

Bantotila 11:1-20, 12 :1-3

Leso 32. Yoashi yidikaka Nzo-Nzambi.

2 Bansangu 24 :1-14

Leso 33. Na nima ya Yoyada, Yoashi landaka conseye ya mbi ti yo nataka mpasi. 2 Bansangu 24 :15-25

Leso 34. Yoakazi bingaka Nzambi na ntangu ya mpasi kansi vilaka Yandi na nima. 2 Bantotila 13 :1-13, 14

:24

Leso 35. Israele nungaka Syria mbala tatu, bonso ndinga ya Nzambi na munoko ya profete Elisa. 2

Bantotila 13 :14-24

Leso 36. Nzambi pesaka Amasia (S-Y) na maboko ya bambeni sambu yandi salaka lulendo kulanda

banzambi ya Edomi ti kubuya profete ya Nzambi. 2

Bansangu 25

Leso 37. Israele ti Mbeni na Bo Nineve, Nzambi wilaka yonso zole mawa na ndinga ya profete Yonasi. 2

Bantotila 14 :23-29 , Mukanda ya Yonasi

Leso 38. Lulendo bebisaka luyalu ya mbote ya Oziasi. 2

Bansangu 26

Leso 39. Na Israele, baprofete bingaka bamfumu kuvutuka na Nzambi, kansi bo kaka mbi. 2

Bantotila 15 :8-31, Mikanda ya Ozea ti Amosi

Leso 40. Ndola kubwaka na Kimfumu ya Israele. Ozea mfumu ya nsuka. 2 Bantotila 17 :1-23

Leso 41. Revisio

KIMFUMU YA KUKABANA

Moniteur, atasio ! Na baleso yai, kimfumu me kabana, ebuna beto ke landa bamfumu ya bimfumu zole mbala mosi. Bazina ya bamfumu kele mingi. Yo yina, na nima ya zina ya mfumu beto me yika (N-I) kana yandi vandaka mfumu na norde, kimfumu ya Israele. Beto me yika (S-Y) kana yandi vandaka mfumu na sude, kimfumu ya Yuda.

Bambuka ! (N-I) =Norde, Israele
(S-Y) =Sude, Yuda

Leso 1. Mawa na Yeroboami ya twadisaka Israele kusamba biteki.

1 Bantotila 12:25 -13:33, 14 I.


PREPARATION SAMBU NA

MONITEUR--

Kuyidika na ntwala :

Sosa to sala carte geografika ya ke songa bimfumu ya Israele na norde ti Yuda na sude.

Nge lenda dessiner carte mutindu yai :



Kikuma ya Leso :

Beto landa Yesu kaka na munoko ve, kansi na kulemfuka na ndinga na Yandi.

II. REVISIO--

Kuyindula diaka baleso me luta :

Na ntangu ya Mfumu Salomo, kimfumu ya Israele vandaka nene. Kansi na nima mwana na yandi Roboami kumaka mfumu, nki salamaka na kimfumu ? (Yo kabanaka, sambu Roboami waka ve conseye ya mbote. Yandi landaka conseye ya banduku na yandi.)

Ntangu yai, beto ke landa bimfumu yina zole. Kimfumu na norde partie ya ntoto, bo bingaka yo Israele. Beno ta bambuka nde Yeroboami kumaka mfumu ya ntete na yo. (Moniteur, songa na carte geografika.)

Kimfumu na sude partie ya ntoto, bo bingaka yo Yuda. Mwana ya Salomo, Roboami, vandaka mfumu ya ntete na bo. (Songa yo mpi na carte geografika.) III. KULONGA LESO YAI--

Kuyantika :

Bamfumu vandaka zole—Roboami na Yuda na sude, Yeroboami na Israele na norde. Yonso zole tubaka nde bo zolaka Nzambi. Yonso zole sambaka Nzambi. Keti bisambu na bo vandaka ya kieleka ? Keti bisambu na BETO kele ya kieleka ? Yai kele mambu ya beto ta yindula bubuyai. Malongi ya nene ya lesa yai (developpement) na banti 4 :

1.1 Yeroboami tungaka biteki zole sambu bantu ta zola diaka ve kukwenda kusamba na Yeruzalemi. 1 Bantotila 12 :25-28

Tangila bana baverse yai :

25-27 Ntotila Yeroboami ...kuditubilaka yandi mosi nde : «...Kana bantu na mono fweti kwenda na Yeruzalemi sambu na kupesa makabu na bo kuna na nzo ya Mfumu Nzambi, bo ta kuma kuzola diaka ntotila na bo...bo ta fwa mono...

28 ...yandi sadisaka bangombe zole ya wolo, yandi tubilaka bantu ya Israele nde : « Beno ke kwendaka mbala na mbala na Yeruzalemi na

kusamba. Imene ntangu yai ! Bantu ya Israele, tala banzambi na beno yina basisaka beno na nsi ya Ezipte ! »

? Yula bana bangiufula kiteso ya tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

1.2 Yeroboami yidikaka bisambu ndambu ya Nzambi ti ndambu ya biteki, na mpila yandi mosi monaka mbote. 1 Bantotila 12 :30-33 Tangila bana baverse yai :

30 Mpidina yandi bendaka bantu na kusala masumu...

31 Yeroboami yidikaka mpi bisika ya kusamba na zulu ya bangumba... kusambila... banzambi ya biteki. Yandi solaka mpi banganga Nzambi ya bantu ya vandaka ya dikanda ya Levi ve (mutindu Nzambi me tuba).

32-33 Yandi tulaka mpi kilumbu ...ya nkinsi sambu na bantu yonso ya Israele, bonso Nkinsi ... ya bo vandaka kusala na Yuda. ? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

1.3 Profete ya Nzambi songaka Yeroboami mpasi ya ta landa nzila yandi me sola, kansi yandi landaka kaka nzila na yandi ya mbi. 1 Bantotila 13 :1-6, 33-34

Tangila bana baverse yai :

1 Ntangu yai Mfumu Nzambi songaka profete mosi ya Yuda na kwenda na Betele. Yandi

kumaka kuna ntangu Yeroboami me telama na ntwala ya mesa-kimenga, ke pesa makabu.

2 Yandi singaka mesa-kimenga mutindu Mfumu Nzambi songaka yandi...

4 Ntangu ...Yeroboami waka mutindu muntu ya Nzambi singaka mesa-kimenga, yandi songaka musapi ti kutuba nde : « Kanga muntu yina ! » Na mbala mosi diboko ya ntotila yumaka, mpila ya kuvutula yo kele ve.

5 Na mbala mosi mpi, mesa-kimenga kubwaka, putulu yina vandaka na zulu na yo mpi losanaka, kaka mutindu profete tubaka...

6 Ntotila Yeroboami tubaka na profete nde : “Pardo, samba Mfumu Nzambi...Yandi belula diboko na mono. » Profete sambaka... Nzambi, ebuna diboko ya ntotila belukaka.

33-34 Ntotila Yeroboami bikaka ve bikalulu na yandi ya mbi...Bikalulu na yandi yai bendaka fami na yandi yonso na kusala mbi...

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

1.4 Nzambi pesaka Yeroboami ndola ya ngolo, kansi yandi landaka nzila na yandi ya mbi. Yandi twadisaka Israele na yo tii na lufwa na yandi. 1 Bantotila 14 :1-18

Tangila bana baverse yai :

1-2 Na ntangu yo yina ...mwana ya ntotila Yeroboami belaka ngolo. Yeroboami tubaka na nkento na yandi nde : “...bumba ilungi na nge na mpila nde bo zaba ve nde nge kele nkento na mono. Kwenda na ...kisika profete Ahiya kele...

3-4 ...Yula yandi nki mambu ta bwila mwana na beto... » Nkento ...kwendaka ...na nzo ya profete Ahiya. Ahiya vandaka me kuma mununu, meso me fwaka yandi,

5 kansi Mfumu Nzambi songaka yandi na ntwala nde : “Nkento ya Yeroboami ke kwisaEbuna... Nzambi songaka Ahiya nki yandi fweti tubila yandi.

6 Mpidina, ntangu Ahiya waka ...muntu ke kwisa kukota na nzo, yandi tubaka nde : “Kota, nkento ya Yeroboami ! Sambu na nki nge ke kusa nde nge kele muntu ya nkaka ? ...

7-9 Kwenda kusonga YeroboamiNge me sala mbi ya nene... nge me buya (Nzambi)...na kusala biteki ...ya kusambila.

10-12 Yo yina (Nzambi) ke kotisa fami na nge na mpasi.... mwana na nge mpi ke fwa.

14-16 Mfumu Nzambi ta tula ntotila ya nkaka ...ta pesa Israele ndola....ta panza bo ...Yandi ta buya Israele sambu Yeroboami salaka masumu, yandi bendaka mpi bantu ya Israele kusala masumu. »

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

>< Kumanisa Malongi :

Nzambi ndimaka ve bisambu ya Yeroboami sambu yandi landaka ve ndinga ya Nzambi tubaka. Ata yandi tulaka zina ya Nzambi na kati na yo, na kieleka yandi landaka mabanza na yandi mosi kaka.

Bisambu ya Nzambi ke ndimaka kele ve yina ya munoko kaka. Yo kele bisambu ya muntu ya ke landa ndinga na Yandi.

Verse ya Kulonguka :

Luka 6 :46 (Yesu ke tuba) « Sambu na nki beno ke bingaka Mono : ‘Mfumu, Mfumu,’ kansi beno ke salaka ve mambu yina ya Mono ke tubilaka beno ?’

Bankunga ya kwenda nzila mosi ti lesu :

Kana Beno Ke Zolaka Mono

Ee, Mfumu, Ee

[Moniteur, tala bandinga ya bankunga yonso kele na nsuka ya mukanda yai.]

Devoir sambu na bakristo :

Devoir mono ke pesa beno bakristo bubuyai, yo yai : Tula ngolo mposo yai kulanda Yesu Kristo kaka na munoko ve, kansi na ntima yonso ti na kieleka yonso.

Invitation sambu na bo ya me yamba Yesu ntete ve :

Kana nge zaba ntete ve nde nge me zenga kulanda Yesu Kristo, zaba nde, kana Mpeve ya Nzambi ke bula na ntima na nge, nge lenda balula ntima bubu yai. Kana nge ke na mawa sambu na masumu ya nge me sala, zaba nde Nzambi zola kulolula nge kana nge ta ndima yo na ntwala na Yandi. Yesu kele Mwana ya Nzambi ya me bika nzo ya kitoko na Yandi na zulu, me kulumuka awa na nsi-ntoto sambu na kugulusa konso muntu ya ta kwikila Yandi. Keti nge ta binga zina na yandi bubuyai ?

Bana, nki muntu lenda sala kana yandi zola ndima Yesu, ti yandi ke sosa beto kutendula yo kuluta to kusamba ti yandi ? (Ee, yandi bikala awa na bakiti yai na nima ya ecodim. Na kiese yonso, beto ta kwisa kusadisa yandi. Kwisa bubu kana Nzambi ke benda nge.)

==NSUKA YA LESO 1

Leso 2. Roboami (Yuda-S) mpi fulusaka ntoto na biteki. Yo yina Nzambi yantikaka kupesa Kimfumu ya Yuda mpi ndola.

2 Bansangu 11 -12, 1 Bantotila 14: 21-31, 15 :1-8

I. PREPARATION SAMBU NA MONITEUR--

Kikuma ya Leso :

Nzambi ke ndima nde beto samba Yandi kaka. Yo yina, beto kudipesa kusamba ti kulanda Mfumu Nzambi.

II. REVISION--

Kuyindula diaka baleso me luta :

Beto ke landa histoire ya bantu ya Israele na kati ya ntoto ya Nzambi pesaka bo. Histoire na bo kele mfunu, sambu Nzambi solaka bo kusonika ndinga na Yandi na Bible na beto ya Kuwakana ya Ntama, mpi kupesa beto Mvulusi na beto Yesu Kristo.

Beto me mona nde na nima ya Mfumu Salomo, kimfumu kabanaka. Batribu kumi na norde partie ya ntoto, bo bingaka bo Israele. Mfumu na bo vandaka Yeroboami. Yandi tulaka biteki ti bendaka bantu kusamba yo. Nzambi vandaka na yandi makasi. Yandi zengaka nde Yandi ta manisa dikanda ya Yeroboami.

III.KULONGA LESO YAI-- Kuyantika :

Ntangu yai, beto kuma na sude parti ya ntoto.

Batribu zole landaka mwana ya Salomo, Roboami.

Tribu ya nene ya landaka yandi, Yuda. Yo yina, bo bingaka kimfumu yina, Kimfumu ya Yuda.

Keti bantu ya Yuda ta sala kuluta mbote ti bampangi na bo na Kimfumu ya Israele ? Ketii Roboami ta sala na mpila ya ta pesa Nzambi kiese ? Beto ta mona na lesu yai.

Malongi ya nene ya lesu yai (developpement) na banti 4 :

2.1 Roboami (S-Y) zolaka kunwana na bampangi na kimfumu ya Israele sambu kimfumu yonso vutuka na yandi. Kansi profete ya Nzambi songaka yandi kusala yo ve, ebuna Roboami waka conseye na yandi. 2 Bansangu 11 :1-4 Tangila bana baverse yai :

1 ...Roboami... bakaka bantu 180,000...yandi tindaka bo na kwenda kunwana ti makanda ya Israele ... ya norde, sambu na kuvutula kimfumu na yandi...

2-3 Kansi Mfumu Nzambi songaka profete Shemaya na kwenda kusonga Roboami... ti bantu yonso... nde :

4 « Mono Mfumu Nzambi ke tuba nde, beno kwenda ve kunwana ti bampangi na beno bantu ya Israele ; beno vutuka na babwala na beno, sambu mambu yai me bwa, Mono muntu me sala yo. » Bo yonso landaka ndinga ya Mfumu Nzambi, bo vutukaka na babwala na bo.

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

2.2 Yeroboami (N-I) katulaka Banganga-Nzambi na kimfumu na yandi, ebuna bo kwendaka na Yuda (S-Y). Bamvula tatu, banganga pesaka bantu ngolo kulanda Nzambi.

Tangila bana baverse yai :

2 Bansangu 11 :13 Banganga-Nzambi ti bantu ya dikanda ya Levi katukaka na ntoto yonso ya Israele, bo kwisaka na Roboami na ntoto ya Yuda.

14sambu Yeroboami ti bana na yandi kangaka bo nzila na kusala kusalu na bo ya kinganga-Nzambi na ntoto ya Israele.

15 Yeroboami yandi mosi solaka bantu na kuvanda banganga-Nzambi ya banzambi ya luvunu...

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

2.3 Na nima Roboami kumaka ngolo, yandi landaka Nzambi diaka ve. Yuda yonso landaka mbandu na yandi. 2 Bansangu 12 :1

Tangila bana verse yai :

12 :1 Ntangu Roboami kumisaka kimfumu na yandi ngolo imene...bo bikisaka kulanda bansiku ya Mfumu Nzambi. ? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

2.4 Nzambi pesaka bo ndola na maboko ya Shishaki, Mfumu ya Ezipte. Shishaki yibaka bo. Kansi bo kudikulumusaka, yo yina Nzambi kangaka yandi nzila kubebisa bo yonso. Bo kumaka kaka bampika na yandi. 12 :2-5, 9,10, 12

Tangila bana baverse yai :

2-3 ...Shishaki ntotila ya Ezipte kwisaka kunwanisa Yeruzalemi sambu bantu ya Yuda salaka mubulu na Mfumu Nzambi. Shishaki kwisaka na bapusupusu ... ti basoda mingi...

5 Ntangu yai profete Shemaya kwisaka kukuta Roboami ti bambuta ya Yuda... Yandi tubaka... nde : « Mfumu Nzambi me tuba nde beno me bikisa Mono, yo yina Mono mpi...me buya beno,... me pesa beno na maboko ya Shishaki.” 9 (Shishaki) nwanisaka Yeruzalemi;

yandi bakaka kimvwama yonso ya Nzo-Nzambi ti ya nzo ya kimfumu....

12 Mfumu Nzambi wilaka Roboami makasi diaka ve, Yandi fwaka yandi ve kimakulu sambu Roboami ndimaka mbi na yandi, sambu mpi bantu ya mbote monikaka na ntoto ya Yuda.

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Roboami salaka mbi sambu yandi kudipesaka ve kulanda nzila ya Nzambi. Ntangu ya nkaka, yandi landaka. Ntangu ya nkaka, yandi landaka ve. O, Nzambi zola beto kudipesa ntangu yonso kulanda Yesu.

Verse ya Kulonguka :

2 Bansangu 12:14 Kansi Roboami salaka mbi sambu yandi kudipesaka ve na kuzaba luzolo ya Mfumu Nzambi.

Bankunga ya kwenda nzila mosi ti leso :

Kana Beno Ke Zolaka Mono
Ee, Mfumu Ee

[Moniteur, tala bandinga na nsuka ya mukanda yai.]

Devoir sambu na bakristo :

Devoir mono ke pesa beno bakristo, yo yai : Na mposo yai, yindula mbote konso lumbu. Ketu nge kele kudipesa kulanda Yesu ? Landa kusala mutindu Nzambi ta songa nge. Invitation sambu na bo ya me yamba Yesu ntete ve :

Nge lenda kudipesa na Yesu kaka na nima nge me zaba Yandi bonso Mvulusi ti Mfumu na nge. Yandi me fwa na zulu ya kulunsi ti Yandi me telama na

lufwa. Yonso sambu na nge. Yo ke bikala mvutu na nge. Keti nge ta yamba Yandi na maboko zole ?

==NSUKA YA LESO 2

Leso 3. Abiya (S-Y) bingaka Nzambi na mvita, kansi sambaka biteki na luzingu ya konso lumbu.

2 Bansangu 13, 1 Bantotila 15:1-8

I. PREPARATION SAMBU NA MONITEUR-

Kikuma : Beto sosa lusadisya ya Nzambi ntangu yonso—na ntangu ya mpasi ti konso lumbu.

II. REVISION

Kuyindula diaka baleso me luta :

Beto me mona nde mwana ya Mfumu Salomo, Roboami, yalaka na Yuda na sude.

Beto me mona nde yandi landaka Nzambi ve. Yandi fulusaka ntoto na biteki. Yo yina, Nzambi pesaka Mfumu ya Ezipte mpila kukwisa kunwanisa yandi. III. KULONGA LESO YAI Kuyantika :

Bantu ya nkaka yindula nde kana bo kwisa na bisambu na nzo-Nzambi, Nzambi ta vanda na kiese na bo. Yo yindula nde, mambu ve nki mutindu bo zinga na kintete ti na kizole, ti na kitatu. Bubuyai beto ta mona mwana ya Roboami, zina ya Abiyami. Yandi yantikaka na mpila mosi ya mbote. Kansi nki landaka na nima ?

Malongi ya nene ya lesa yai (developpement) na banti 4 :

3.1 Abiya (S-Y) yingaka tata na yandi Roboami (SY). Abiya ti Yeroboam (N-I) vandaka kunwana bitumba. 1 Bansangu 13 :1-2a

Tangila bana baverse yai :

1-2 Ntangu Yeroboami lungisaka bamvula kumi na nana (18) na kimfumu na yandi na Israele, Abiya kumaka ntotila ya Yuda. Yandi yalaka bamvula tatu (3) na Yeruzalemi...

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

3.2 Abiya tulaka ntima na Nzambi kunungisa Israele na bitumba. 1 Bansangu 13 :2c-12

Tangila bana baverse yai :

2c,4 Abiya ti Yeroboami nwanaka bitumba. Abiya kwendaka kutelama na zulu ya ngumba.... Yandi tubaka na Yeroboami ...nde : “Beno wa mono !

5 Keti beno me zaba ve nde Mfumu Nzambi... wakanaka kuwakana mosi ya kukonda nsuka na Davidi...? Kuwakana yai, muntu lenda kufwa yo ve.

8 Ebuna ntangu yai, beno ke zola kubuya kimfumu ya Mfumu Nzambi... Beno me kwisa na basoda mingi, beno mpi ke na biteki ya ngombe ya wolo...

9 Beno me kulaka banganga-Nzambi mpenza... Ebuna ...Beno me sala banganga ya beno mosi...ya banzambi ya luvunu.

10 “Kansi beto, Mfumu Nzambi kele Nzambi na beto. Beto me buya Yandi ve....

12 Nzambi Yandi mosi kele na beto. Banganga-Nzambi na Yandi mpi kele awa... Bo ke zola kubula mpungi na kusonga nde, beno ti beto, bitumba kele. Beno... kunwana ve na Mfumu Nzambi, Nzambi.... Beno ta nunga ve !”

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana

yimba ti kina mambu ya nene ya bo me wa na kitini ya malongi yai.

3.3 Nzambi nungisaka Abiya na bitumba.

Bambeni na bo tinaka. 2 Bansangu 13 :13-21a

Tangila bana baverse yai :

14 Ntangu bantu ya Yuda balulaka ti kutala mpidiyai, bo monaka nde basoda ya Isarele me ziunga bo. Bo didilaka Mfumu Nzambi sambu Yandi kusadisa bo. Ntangu banganga-Nzambi bulaka mpungi,

15 basoda ya Yuda tulaka milolo ya bitumba, ebuna na mbala mosi Nzambi salaka na mpila nde...

16-17 Bantu ya Israele tinaka bantu ya Yuda. Nzambi pesaka bo na maboko ya bantu ya Yuda. Abiya ti basoda na yandi bedisaka bo mpenza....

18 Kilumbu yo yina, bantu ya Israele monaka nsoni, kansi bantu ya Yuda nungaka, sambu bo lemfukaka na Mfumu Nzambi...

20 Ntangu Abiya vandaka ntotila, Yeroboami kumaka diaka ve ngolo...

21a Kansi Kimfumu ya Abiya kumaka ngolo mpenza.... Yandi butaka bana (mingi). ? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

3.4 Kansi ata Nzambi nungisaka yandi na bitumba, Abiya landaka Nzambi ve na luzingu na yandi lumbu na lumbu. Yandi landaka biteki ya tata na yandi. 1 Bantotila 15 :3

Tangila bana baverse yai :

1 Bantotila 15 :3 Abiya salaka mpi masumu kiteso mosi bonso tata na yandi. Yandi

lemfukaka ve na Mfumu Nzambi, Nzambi na yandi, mutindu vandaka nkaka na yandi Davidi.

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi : Mfumu Abiya sosaka lusadisu ya Nzambi na ntangu ya mpasi, ya mvita, ebuna Nzambi sadisaka yandi. Kansi Nzambi zola beto sosa lusadisu na Yandi ntangu yonso, na luzingu na beto yonso. Verse ya Kulonguka : Bingana 3:6 Yindula Mfumu Nzambi na mambu yonso ya nge ke salaka. Yandi ta songa nge nzila ya mbote.

Yimba mosi ya bankunga ya kwenda nzila mosi ti leso, bonso : [Tala bankunga na luyantiku ya mukanda yai.]

Kilumbu Yai
Konso Lumbu Kiese Kele
Ee, Mfumu, Ee

Devoir sambu na bakristo :

Devoir mono ke pesa beno bakristo kele kusosa lusadisu ya Nzambi na mambu yonso nge sala na mposo yai.

Invitation sambu na bo ya me yamba Yesu ntete ve :

Beto ke na mfunu ya Nzambi ntete-ntete na mambu ya kuguluka. Ata muntu mosi ve lenda guluka na ngolo na yandi mosi. Beto tanga na mukanda ya Tite (3 :5) nde: “Beto gulukaka ve sambu beto salaka mambu ya mbote, kansi beto gulukaka sambu Yandi (Nzambi) wilaka beto mawa. » Nge mpi, nge lenda ve sala mambu ya mboe ya ta gulusa nge. Na ngolo na beto mosi, beto lenda ve kuma na zulu.

Kansi nsangu ya mbote ikele nde na ngolo ya Yesu Kristo beto lenda guluka. Na mawa na Yandi. Yandi dezia me fwaka sambu na kufuta mfuka ya masumu na nge na meso ya Nzambi. Yandi me telama na lufwa kusonga nde Nzambi me ndima yonso ya Yandi salaka.

Keti nge ta tula Yandi ntima bubuyai? Yandi kaka lenda gulusa nge. Konso mposo, beto kangula nzila nde muntu ya zola kwisa na Yesu, yandi bikala na nima ya ecodim, beto samba ti yandi. Kana nge me balula ntima na Yandi ntete ve, keti nge ta kwikila Yandi bubuyai?

==NSUKA YA LESO 3

Leso 4. Mfumu Aza (S-Y) salaka mbote na mambu mingi, kansi yandi waka ve conseye ya mutubi ya Nzambi .

1 Bantotila 15 :9-24 , 2 Bansangu 14 – 16

I. PREPARATION SAMBU NA MONITEUR-

Kikuma ya Leso :

Beto kuwa conseye ya mbote. Kana beto me sala mbi, beto ndima yo ti bika mambu yina. II. REVISION

Kuyindula diaka baleso me luta :

Na mposo me luta, beto monaka mpila Mfumu Abiya sosaka lusadisya ya Nzambi na ntangu ya mpasi, ti Nzambi sadisaka yandi.

III. KULONGA LESO

YAI Kuyantika :

Mpila mosi Nzambi lenda sadisa beto kele na conseye ya mbote ya bamitubi na Yandi. Ketu beto kele nswalu na kuwa conseye ya mbote, to ve? Malongi ya nene ya lesa yai (developpement) na banti 4 :

4.1 Aza kumaka ntotila na Yuda (S-Y). Yandi salaka mbote, landaka Nzambi (1 Bantotila 15 :9 & 11) ti longaka bantu na yandi kusala kiteso mosi. Nzambi pesaka Aza ngemba ntangu mingi.

(2 Bansangu 14 :3, 13 :23b).

Tangila bana baverse yai :

1 Bantotila 15 :9,11 ...Aza kumaka ntotila ya Yuda. Aza vandaka kusala mambu ya mbote na meso ya Mfumu Nzambi, bonso nkaka na yandi Davidi.

2 Bansangu 14 :3 Yandi songaka bantu ya Yuda na kusambaka Mfumu Nzambi...ti na kulemfukilaka bansiku na Yandi yonso.

2 Bansangu 13 :23b ...Ntangu Aza vandaka ntotila, ntoto ya Yuda vandaka na ngemba bamvula kumi.

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

Bana sala bageste to mwa-senete :

Bana yimba ti kina :

4.2 Aza katulaka biteki ti bampila ya nsoni ya bantu sadilaka bo, ata na fami na yandi mosi. (1 Bantotila 15 :12-13) Yandi lemfukaka kaka na Nzambi. 1 Bantotila 15 :14-15 Tangila bana baverse yai : 1 Bantotila 15 :12 Yandi kulaka bantu yonso, babakala ti bankento, yina vandaka kusala pite na bisika ya kusambila biteki ; yandi katulaka mpi biteki yonso...

13-14 Yandi katulaka nkaka na yandi Maka na ndonga ya kimfumu, sambu yandi salaka kiteki ya nsoni mpenza... Aza bwisaka yo, yandi yokaka yo ...yandi lemfukaka kaka na Mfumu Nzambi na luzingu na yandi yonso.

15 Bima yonso ya wolo ti ya arza ...yandi kotisaka yo na Nzo-Nzambi. ? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

4.3 Mfumu ya Etiopi nwanisaka Aza. Yandi sosaka Nzambi, ti Nzambi nungisaka yandi. Yandi waka ndinga ya mutubi ya Nzambi, ti Nzambi sakumunaka yandi. Tangila bana baverse yai :

2 Bansangu 14 :8 Zera...ya Etiopia, bakaka basoda (MINGI MINGI), ti bapusupusu ya bitumba... ebuna yandi kwisaka kunwanisa bantu ya Yuda...

10 Ntangu yai, Aza bondilaka Mfumu Nzambi....nde :”Mfumu Nzambi, Nge ...ke sadisaka basoda ata bo kele ngolo, ata bo kele ngolo ve. Kwisa, Nge sadisa beto... sambu beto me tula ntima na beto na Nge. Beto mpi me kwisa kunwana na basoda yai mingi-mingi na zina na Nge, Mfumu Nzambi.... Muntu lenda kuka ve kubedisa Nge.

11 Mfumu Nzambi kulaka basoda ya Etiopia na meso ya Aza ti basoda ya Yuda. Bo tinaka. ? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

4.4 Na nima, Mfumu ya Israele kwisaka kunwanisa Aza. Kansi, mbala yai Aza sosaka Nzambi ve, kansi yandi sosaka mbeni Siria, bo sadisa yandi. Yandi waka ve ndinga ya mutubi ya Nzambi Anani. Yandi yantikaka kuniokula bantu na yandi. 2 Bansangu 16:1-3, 7-10

Tangila bana baverse yai :

2 Bansangu 16 :1 ...Basha ntotila ya Israele kwisaka kunwanisa ntoto ya Yuda.....

2 Yo yina, Aza bakaka arza ti wolo yonso yina bikaka na nzo ya Nzambi ti na nzo ya kimfumu. Yandi pesaka yo na ...ntotila ya Siria.... Aza tubaka na yandi nde :

3 « Mbote beto wakana ... Arza yai ti wolo yai kele kado.... Ntangu yai, fwa kinduku na nge ti Basha ntotila ya Israele....

7 Na ntangu yina, profete Anani kwisaka kutuba na Aza nde : “Nge me sosa ve na kuzaba luzolo ya Mfumu Nzambi...kansi nge me kwenda kulomba ntotila ya Siria na kwisa kusadisa nge....

9 Mfumu Nzambi ke talaka bantu yonso ya nsintoto ya mvimba sambu na kusadisa bayina me kudipesaka na Yandi mpenza. Kansi mbala yai, nge me sala makambu bonso zoba...

10 Aza wilaka profete Anani makasi sambu na mambu yai...Yandi tulaka yandi na boloko. Na ntangu yo yina kaka, Aza yantikaka kuniokula bantu na yandi...

? Yula bana bangiufula tatu na zulu ya malongi yai, selon niveau na bo. Bana sala bageste to mwa-senete ya songa nki bo me wa na kitini ya malongi yai. Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Aza yantikaka mbote, ti yandi salaka mambu mingi ya pesaka Nzambi kiese. Kansi bu yandi me nuna, yandi sosaka lusadisu ya Nzambi diaka ve, kansi lusadisu ya bambeni. Nzambi tindilaka yandi mutubi Anani sambu na kubinga yandi kuvutuka na Nzambi. Kansi Aza waka makasi. Yandi tulaka Anani na prison. Na makasi na yandi, yandi yantikaka kuniokula bantu na yandi. Mawa na yandi ! Kana muntu ya Nzambi pesa beto conseye, mbote beno ndima yo. Beto kuwa bansongidila.

Verse ya Kulonguka :

Bingana 1:5 Ata bantu ya mayele, bo wa, mpidina

bo yika mayele na bo. Ata bantu yina me

Devoir sambu na bakristo :

Beno bakristo, devoir mono ke pesa beno na mposo yai, yo yai : Kuwa bansongidila ya bantu ya Nzambi ke pesa nge. Yindula yo mbote. Tula ngolo kulanda yo.

Bankunga ya kwenda nzila mosi ti leso :

Mawa, Mawa

Kuwa Bansongidila ya Mbote Invitation
sambu na bo ya me yamba Yesu ntete ve :

Bansongidila ya mbote ta twadisa nge na Yesu Kristo. Yandi kwisaka na ntoto yai sambu na kuma Ngulusi na nge. Yandi zola kukitula nge mwana na Yandi bubuyai. Keti nge me ndima kubika nzila ya masumu, nzila ya nge mosi ? Keti me me ndima kukota na nzila na Yandi ? Kana nge zola solula mambu yai, bikala na nima ya ecodim bubuyai. Beto ta vanda na kiese kusadisa nge.

==NSUKA YA LESO 4

Leso 5. Bamfumu ya mbi na Israele (N-I) natila bantu na bo kaka mawa. 1 Bantotila 15 :25-16 :28 (Luyalu ya Nadabi, Basha, Zimri, Omri, ti Akabi)

I. PREPARATION SAMBU NA MONITEUR-

Kuyidika na ntswala : Sosa to sala carte geografika ya ke songa bimfumu zole, ti carte ya bamfumu.

Kikuma ya Leso :

Beto landa Nzambi mbote, sambu beto zaba nde kubuya Yandi ke nata kaka mawa.

II. REVISION

Kuyindula diaka baleso me luta :

Beto me yindula bamfumu ya kimfumu ya Yuda na sud. [Moniteur, songa Yuda na carte geografika]. Bamfumu ya nkaka na Yuda salaka ndambu mbote. Ya nkaka na bo katulaka biteki ti sambilaka Nzambi.

Ntangu yai, beto ta yindula bamfumu ya kimfumu ya Israele na nord. [Moniteur, songa Israele na carte]. Bamfumu na kimfumu yai vandaka mutindu ya nkaka. Bo yonso kaka mbi, mbi, mbi. Ata mosi ve ya mbote.

III. KULONGA LESO YAI Kuyantika :

Kana bantu buya Nzambi, keti luzingu na bo ta vanda ya mbote? Nki beno banza? Beto ta mona mvutu na lesu ya bubuyai.

Malongi ya nene ya lesu yai (developpement) na banti 4 :

5.1 Na Israele na nord, Nadabi yalaka bamvula zole. Yandi landaka bampila ya mbi ya tata na yandi Yeroboami kaka.

Tangila bana baverse yai :

1 Bantotila 15 :25 -26

25 ...Nadabi mwana ya ntotila Yeroboami kumaka ntotila ya Israele. Yandi yalaka bamvula zole.

26 Yandi salaka masumu na meso ya Mfumu Nzambi bonso tata na yandi. Yandi bendaka bantu ya Israele na kusala masumu.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

5.2 Basha fwaka Mfumu Nadabi. Yandi simbaka kimfumu ti fwaka dikanda yonso ya Yeroboami, bonso profete Ahiya me tuba. Mawa, kaka mawa.

Tangila bana baverse yai :

1 Bantotila 15 :27-28 Basha... sosaka mpila na kufwa Nabadi, ebuna yandi fwaka yandi ntangu basoda ya Israele nwanaka ti bantu ya Filistia.... ..Yo yina Basha yingaka Nadabi na kimfumu ya Israele.

29 Na mbala mosi, yandi yantikaka kufwa bantu ya fami ya Yeroboami.... Ata muntu mosi bikalaka ve, kaka na mutindu Mfumu Nzambi tubaka na munoko ...ya profete Ahiya....

30 Mambu yai yonso kubwaka sambu Yeroboami pesaka ...Nzambi...makasi ntangu yandi ...kubenda bantu ya Israele kusala mpi masumu.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

5.3 Ela mwana ya Basha yingaka Basha. Lumbu mosi Basha vandaka kunwa malafu, ebuna Zimri,

mfumu ya basoda, fwaka yandi. Yandi fwaka mpi dikanda yonso ya Ela, bonso profete Yehu tubaka.

Tangila bana baverse yai :

1 Bantotila 16 :7 Mfumu Nzambi waka makasi ve kaka sambu na masumu ya Basha salaka, kansi Yandi waka makasi mpi sambu Basha fwaka Yeroboami ti fami na yandi yonso.

8-9 ...Ela mwana ya Basha kumaka ntotila ya Israele. Yandi yalaka bamvula zole... Zimri, mfumu ya basoda ... sosaka mpila ya kufwa ntotila Ela. Kilumbu mosi, Ela vandaka kunwa malafu...

10-12 Zimri kwiskaka kukota, yandi fwaka Ela, ebuna yandi kumaka ntotila ya Israele....na kukuma ntotila mpidiyai, yandi fwaka bantu yonso ya fami ya Basha....kaka mutindu Mfumu Nzambi tubaka na munoko ya profete Yesu.

13 Basha ti mwana na yandi Ela pesaka Mfumu Nzambi...makasi na biteki ya bo salaka ...(ti) sambu bo bendaka bantu ya Israele na kusala masumu.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

5.4 Bamfumu ya nkaka landaka kaka kusala mbi, kusamba biteki, ti kufwa bo na bo. Mawa, mawa, kaka mawa.

Tangila bana baverse yai :

1 Bantotila 16 :15-16 ...Zimri kumaka ntotila ya

Israele. Yandi yalaka bilumbu 7... Basoda ...ntangu bo waka nde Zimri ...me fwa Ela, bo yonso ko kuna ya bo vandaka, bo tulaka mfumu na bo Omri, ntotila ya Israele.

17-18 Ntangu yai, Omri ti basoda na yandi ...kwendaka kuziunga (bwala ya Zimri). Ntangu Zimri monaka nde bo ke botula bwala, yandi tinaka...Yandi kotaka na... nzo, yandi tulaka yo tiya, ebuna yandi fwaka kuna na kati ya tiya.

19 Mambu yai kubwaka sambu yandi salaka masumu na meso ya Mfumu Nzambi. Yandi mpi salaka mambu ya mbi bonso Yeroboami ti kubenda bantu ya Israele na kusala masumu.

25 Kansi Omri salaka masumu na meso ya Mfumu Nzambi, nkutu yandi lutaka bantotila ya nkaka na kusala mbi.

28 Omri kufwaka. Bo zikaka yandi... ebuna mwana na yandi Akabi bikaka kuyinga yandi na kimfumu.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Bamfumu ya Israele (N) landaka kaka mbi ya biteki ya Yeroboami, ti bo yikaka konso ntangu mbi na mbi. Ata mosi ve balulaka ntima to landaka Nzambi. Luzingu na bo yonso kaka mawa. Bo yonso fwaka na nsoni, ti bampangi na bo mpi. [Moniteur, songa carte ya bamfumu ya Yuda ti Israele. Songa bamfumu beto me solula na carte yina.] Kubuya Nzambi ke natila bantu kaka mawa.

Verse ya Kulonguka :

Yeremia 7:19b ...Bo mosi ke kudipesa mpasi ti nsoni.

Bankunga ya kwenda nzila mosi ti leso :

Mawa, Mawa

Yezaya 53:6 Devoir sambu

na bakristo :

Bana bakristo, zaba mbote nde bo ya landa Nzambi ve me kota na nzila mosi ya mpasi ti ya mawa. Na mposo yai, keti nge ta tula ngolo kulanda Nzambi na mambu yonso ?

Invitation sambu na bo ya me yamba Yesu ntete ve :

Kana nge zaba ntete ve nde nge me yamba Yesu Kristo kuvanda Mvulusi ti Mfumu na nge, zaba nde nge kele na nzila ya mawa. Beto yonso, beto vandaka kulanda nzila yina tii ntangu ya beto monaka mbi na beto, beto balulaka ntima. Beto bikisaka nzila yina ya masumu, ti beto kotaka na nzila ya Yesu. Beto yantikaka kulanda Yandi. Keti nge ta yantika kulanda Yandi bubuyai ?

NSUKA YA LESO 5

Leso 6. Nzambi lundaka bantu na Yandi na ntangu ya nzala.

1 Bantotila 16 :29—34, 17 :1-16

I. PREPARATION SAMBU NA MONITEUR-

Kuyidika na ntswala : Sadila carte geografika ti carte ya bantotila.

Kikuma ya Leso :

Beto vanda na kikesa kusadisana, sambu beto zaba nde Nzambi ke lundaka bantu na Yandi.

II. REVISION

Kuyindula diaka baleso me luta :

Beto me mona nde na kimfumu ya Yuda na sud, bamfumu vandaka ndambu mbote ti ndambu mbi. Kansi na kimfumu ya Israele na nord, bo yonso salaka kaka mbi, mbi, mbi. Mawa mingi na bantu ya Israele ! [Moniteur, songa bimfumu zole na carte geografika.]

III. KULONGA LESO YAI Kuyantika :

Ntangu yai, Akabi me kuma mfumu ya Israele. Yandi mpi, kaka mbi. Kansi konso muntu na Israele vandaka mbi ve. Ndambu bantu zolaka Nzambi ti landaka Yandi, ata bamfumu na bo salaka nki mutindu. Nki mutindu Nzambi lundaka bantu na yandi na bilumbu yai ya mbi ?

Malongi ya nene ya lesu yai (developpement) na banti 3 :

6.1 Akabi salaka mbi kuluta bamfumu yonso na ntswala na yandi. Yandi kwelaka nkento ya me kudipesa na biteki ya mbi, yandi mpi kudipesaka na bo.

Tangila bana baverse yai :

1 Bantotila 16 :29-30 Akabi mwana ya Omri kumaka ntswala ya Israele. Yandi salaka masumu na meso ya Mfumu Nzambi....

31-32yandi kwelaka mpi Yezabele... Kima diaka lutilaka mbi : yandi tungilaka nzambi Baale nzo ti mesa-kimenga ...yandi kumaka kusambila yandi.

33 Yandi salaka mpi kiteki ya Ashera, nzambi ya nkento.Yo tedimisaka makasi ya Mfumu Nzambi...kuluta...

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

6.2 Profete Elia songaka Akabi nde Nzambi ta tinda mvula diaka ve. Na nima, Nzambi lundaka yandi na mwa-masa Keriti.

Tangila bana baverse yai :

17 :1 Kuvandaka na profete mosi ... Elia. Yandi kwisaka kutubila ntswala Akabi nde : « Na zina ya Mfumu Nzambi ...yina ya mono ke sadilaka, mono ke songa nge nde : Katuka ntangu yai ya mono ke tuba tii kuna ya mono ta tuba diaka, mvula ta noka diaka ve. Ata ditonzi ya malulu ta vanda ve. »

2-4 Na nima, Mfumu Nzambi tubaka na Elia nde, « Katuka awa. Kwenda bumbana ...penepene na mwa-masa ya Keriti. Nge ta nwana masa kuna. Mono me songa bandeke ...na kunatila nge madia.

5 Elia landaka ndinga ya Mfumu Nzambi tubaka. Yandi kwendaka kuvanda na mwamasa ya Keriti.

6 Yandi vandaka kunwa masa kuna, ebuna bandeke vandaka kwisa kunatila yandi mampa ti mbisi konso kilumbu na suka ti na nkokila.

7 Kansi na nima ya ntangu fioti, sambu mvula vandaka kunoka ve, masa yumaka.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

6.3 Nzambi lundaka yandi diaka na nzo ya mufwidi ya nkento na bwala Sarapeta. Nzambi sadilaka Elia kusadisa nkento yina, ti nkento yina kusadisa yandi.

Tangila bana baverse yai :

17 :8-9 Ntangu yai, Mfumu Nzambi tubaka na Elia nde :« Kwenda na bwala Serepeta....Mono me songa mufwidi mosi ya nkento ya bwala yina na kupesa nge madia.»

10 Yo yina, Elia simbaka nzila, yandi kwendaka.... yandi monaka mufwidi mosi ya nkento ke lokuta nkuni. Yandi tubilaka yandi nde : “Pardo, pesa mono masa, mono nwa. »

11 Ntangu nkento vandaka kwenda kubaka masa, Elia bingaka yandi, yandi tubilaka yandi nde : « Pardo, natila mono mpi kitini ya dimpa. »

12 Nkento vutulaka nde : « Mono ke zenga na zina ya Mfumu Nzambi...mono ke na mampa ve ata fioti.Mono me kwisa awa na kusosa nkuni sambu mono kwenda lamba ndambu yina me bikala sambu na mono ti mwana na mono. Yo ta vanda madia na beto ya nsuka. Na nima beto ta fwa na nzala. »

13 Elia tubilaka yandi nde : « Kumona mpasi ve...Katula ntete kadimpa mosi, kwisa kunatila mono. Na nima, nge ta sala mampa sambu na nge ti mwana na nge.

14 Mfumu Nzambi...ke tuba mpidiyai : ‘Fufu ...ti mafuta... ta mana ve tii kuna Mono Mfumu Nzambi ta nokisa mvula.’ »

15 Nkento yina kwendaka. Yandi salaka mutindu Elia tubaka, ebuna konso kilumbu, bo yonso tatu vandaka na madia mingi.

16 Fufu vandaka kukonda ve... Mafuta vandaka kukonda mpi ve... kaka mutindu Mfumu Nzambi tubaka na munoko ya Elia.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Profete Elia ti mufwidi ya nkento yai, bo zingaka na nsi ya Israele, kansi bo zolaka Nzambi ti landaka Yandi. Bamfumu na bo yonso kaka mbi, kaka kubuya Nzambi. Na kati na bo, Mfumu kuluta mbi Mfumu Akabi. Nzambi pesaka ntoto yina ndola. Yandi tindaka masa ve. Bantu vandaka na nzala. Kansi Nzambi lundaka bantu na yandi. Bo landaka Yandi, ti bo zwaka madia ya vandaka mfunu. Nzambi ke vilaka ve bantu na Yandi. Ata na ntangu ya mpasi, Yandi ke lundaka bo. Tala nkento yai kabaka, na ntangu ya yandi yindulaka kufwa na nzala. Nzambi pesaka yandi madia ya kulunga sambu na fami na yandi ti sambu na kukaba na Elia.

Verse ya Kulonguka :

2 Korinto 9 :8 Nzambi lenda pesa beno... Mpidina, beno ta vanda konso ntangu na bima yonso ya beno ke na yo mfunu sambu na beno mosi... bima mingi diaka sambu na kukaba na bantu ya nkaka.

Devoir sambu na bakristo :

Beto kaba ti bantu ya nkaka ya kele na mfunu ya lusadis, sambu beto zaba nde Nzambi ke lunda beto. Beno bakristo, na mposho yai kwenda kusosa muntu ya kele na mfunu ya lusadis. Sosa mpila kusadisa yandi. Nzambi ta sakumuna nge.

Bankunga ya kwenda nzila mosi ti leso :

Mfumu Zaba Nzila na Mono Sakumuna Bantu ya Nkaka

Invitation sambu na bo ya me yamba Yesu ntete
ve :

Beto bakristo kaba sambu Nzambi me tula luzolo na Yandi na ntima na beto. Kana nge me tula ntima na Yesu ntete ve, nge ta mona mpasi kukaba, to kusala yonso ya Nzambi ke zola.

Kukaba ta gulusa nge ve. Kusala konso mambu ya mbote, yo ta gulusa nge ve. Dezia beto me sala mbi. Beto me pesa Nzambi mukongo. Yandi tindaka Yesu Kristo sambu na kuvutula beto na nzila na Yandi. Kristo fwaka na zulu ya kulunsi

sambu na kubaka ndola ya mbi na nge. Kana nge me
tula Yandi ntima ntete ve, ntangu ya mbote, yo yai.
Beto kele awa sambu na kusadisa nge.

NSUKA YA LESO 6

Leso 7. Elia tedimisaka mwana ya mufwidi na lufwa.

1 Bantotila 17 :17-24

I. PREPARATION SAMBU NA MONITEUR-

Kuyidika na ntwala :

Sadila diaka carte geografika ti carte ya bamfumu.

Kikuma ya Leso :

Beto vidisa ve lukwikilu na ntangu ya mpasi. Beto kanga ntima kaka. Beto lomba lusadisu ya Nzambi.

II. REVISION

Kuyindula diaka baleso me luta :

Beto ke landa bamfumu na nord, na Israele. [Moniteur, lomba mwana mosi kusonga Israele na carte geografika.] Beto ke landa bamfumu na bo, ti beto me mona nde yonso vandaka mbi. Kansi ntangu yai, Akabi me kuma mfumu. Yandi mbi MINGI kuluta bo yonso. [Moniteur, songa Akabi na carte ya bamfumu.]

III. KULONGA LESO YAI Kuyantika :

Beto bambuka nde profete ya landaka Nzambi zingaka na Israele. Zina na yandi nani ? (Ee, Elia.) Nzambi songaka Elia kukwenda na nzo ya mufwidi ya nkento mosi ya zolaka kufwa na nzala. Ntangu yandi vandaka kusosa nkeni sambu na kudia nsuka ya madia na yandi, Elia kwisaka kulomba yandi madia. Nsuka ya madia na yandi, yandi kabaka na Elia. Ebuna Nzambi sadisaka yandi nde madia na yandi manaka ve. Yandi ti mwana na yandi ti profete Elia, bo yonso kudiaka bilumbu mingi. Na ntoto, madia vandaka ve, sambu Nzambi me kanga zulu nde mvula kunoka ve.

Malongi ya nene ya lesu yai (developpement) na banti 4 :

7.1 Na nima, mwana ya mufwidi yina belaka ngolo. Ebuna yandi fwaka. Mama na yandi vandaka kubokuta lufwa na yandi.

Tangila bana baverse yai : 1 Bantotila 17 :17-18

17 Na nima ya bilumbu fioti, mwana ya mufwidi yina kubelaka. Yandi belaka ngolo mpenza. Yandi vandaka kupema diaka ve.

18 Mama na yandi tubaka na Elia nde : « Muntu ya Nzambi, sambu na nki nge me sala mono mambu yai ? Keti nge kwisaka awa kusonga masumu na mono na Nzambi ti kufwa mwana na mono ? »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

7.2 Elia sosaka Nzambi sambu na moyo ya mwana yina.

Tangila bana baverse yai :

19 Elia vutulaka nde : « Pesa mono mwana. »
Yandi bakaka mwana na diboko ya nkento.
Yandi nataka yandi na mwa-shambre na yandi...

20 Ebuna yandi sambaka Nzambi nde :
“Mfumu Nzambi...nkento yai me yamba mono mbote na nzo na yandi. Keti ya kieleka Nge me zola kutula yandi na mpasi na kufwa mwana na yandi ?”

21 Elia lalaka mbala tatu na zulu ya mwana, yandi sambaka nde : “Mfumu Nzambi na mono, pardo, vutula moyo ya mwana yai.”

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

7.3 Nzambi waka lombilu ya Elia ti vutulaka moyo ya mwana yina.

Tangila bana baverse yai :

22 Mfumu Nzambi ndimaka bisambu na yandi. Mwana yantikaka kupema diaka !

23 Ntangu yai, Elia bakaka mwana. Yandi vutulaka yandi na mama na yandi. Yandi tubaka nde : « Tala, mwana na nge ke na moyo ! »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

7.4 Mufwikidi vilaka nswalu yonso bampila yonso Nzambi me sadisa yandi.

Tangila bana baverse yai :

24 Nkento tubaka nde :”Ntangu yai, mono me zaba nde nge kele muntu ya Nzambi. Ya kieleka nge ke tubaka na zina ya Nzambi.”

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

na madia ya Nzambi pesaka yandi, kansi ntangu mwana na yandi belaka, yandi yindulaka ve kulomba lusadisu na Yandi. Elia me songa yandi konso lumbu nde yandi vandaka profete ya Nzambi, kansi kaka na nima yandi tedimisaka mwana na lufwa, yandi bakisaka nde Elia vandaka profete. Mémoire mosi ya nkufi ! Mbala mingi beto mpi vila nswalu lusadisu ya Nzambi. Konso probleme ya mpa, beto dila bonso Nzambi kele ve. Bika beto dila bampasi diaka ve, kansi beto lomba lusadisu ya Nzambi. Beto tula Yandi ntima.

Verse ya Kulonguka :

Luka 18 :1 ... Yesu ...nde : “Beno fweti sambaka Nzambi ntangu yonso kukonda

kulemba.” Bankunga ya kwenda nzila mosi ti lesu :

Nzambi Ta Kuwa Nge

Nzambi Kuwa na Suka

Devoir sambu na bakristo :

Bana bakristo, keti nge ke bambuka kusamba Nzambi ti kutula ntima na Yandi na bampasi yonso ? Mposu yai, songa Yandi bampasi na nge ti tula ntima nde Yandi ta sadisa. Invitation sambu na bo ya me yamba Yesu ntete ve :

Ntangu mono tuba, ‘bana bakristo’, keti nge zaba nde nge kele na kati ya groupe yina? Keti nge zaba nde nge me yamba Yesu Kristo, Mwana ya Nzambi, kuvanda Mvulusi na nge? Keti nge me zenga kulanda Yandi bonso Mfumu na nge ? Kana nge ke sosa lusadisu na mambu yina, nge fweti sala nki ? (Ee, kwisa solula ti beto na nima ya ecodim. Beto ta samba ti nge.)

NSUKA YA LESO 7

>< Kumanisa Malongi :

Bonso beto, mama yai vilaka nswalu lusadisu yonso ya Nzambi. Yandi vandaka kuzinga konso lumbu

Leso 8. Elia kutaka muntu ya kinzambi Obadia na nzo ya Akabi.

1 Bantotila 18 :1-16

I. PREPARATION SAMBU NA

MONITEUR- Kikuma ya Leso :

Beto landa Yesu, ata bantu ya nkaka ke sala nki.

Nkunga ya kwenda nzila mosi ti leso :

Mono Me Sila Kulanda Yesu

II. REVISION

Kuyindula diaka baleso me luta :

Beto me mona nde mfumu ya kuluta mbi vandaka na kimfumu ya Israele na nord. Yandi nani ? (Ee, Mfumu Akabi.)

Beto me mona nde Nzambi pesaka kimfumu ya Israele ndola sambu na mbi na bo. Yandi tindaka mvula diaka ve. Kansi yandi sadisaka Elia kuzinga. Nki mutindu ? (Ntete kutinda yandi na mwamasa ti kutinda bandeke kunatila yandi madia, ya zole kutinda yandi na mufwidi mosi ya nkento ya sadisaka yandi.)

Elia mpi sadisaka mufwidi yina. Nki mutindu ? (Ntete, Nzambi pesaka bo madia, ya zole, Elia sambaka Nzambi, ebuna Nzambi vutulaka moyo ya mwana na yandi yina me fwaka. III.

KULONGA LESO YAI Kuyantika :

Kana masa kunoka ve ata fioti, keti bilanga lenda yela ? (Ikele ve.) Keti madia lenda monika ? (Ikele ve.) Na nsuka-suka, keti masa lenda monika ? (Ikele ve.) Na nima na yo, nki ke kwisa ?

(Lufwa.) Malongi ya nene ya leso yai (developpement) na banti 4 :

8.1 Nzambi songaka Eliz nde yandi kwenda kumona Mfumu Akabi, kusonga yandi nde Nzambi me zenga kutinda mvula diaka.

Tangila bana baverse yai :

1 Bantotila 18 :1 ...na mvula ya tatu ya mvula vandaka kunoka ve, Mfumu Nzambi tubaka na Elia nde : « Kwenda na ntotila Akabi. Mono ta tinda mvula. »

2 Elia kwendaka . Na ntangu yina, nzala na ntoto ya Samaria vandaka me kuma mingi.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

8.2 Kaka ntangu yina, Akabi bingaka Obadia kukwenda kusosa kana ata masa mosi lenda monika.

Tangila bana baverse yai :

18 :5 Akabi tubaka na Obadia nde : « Beto kwenda kutala banto ya masa yonso na ntoto ya mvimba, mbala ya nkaka beto lenda zwa ndambu ya matiti sambu na bampunda na beto. Mpidina, beto ta vandaka na mfunu ve ya kufwa bambisi na beto.

6 Bo solaka ntoto ya bo fweti kwenda, ebuna konso muntu kwendaka na ndambu na yandi.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

8.3 Elia kutaka Obadia. Yandi lombaka Obadia kukwenda kusonga Akabi nde yandi me kwisa kusolula ti yandi. Obadia vandaka muntu ya

kinzambi na kati ya nzo ya Akabi, kansi yandi vandaka na boma kusala mpila ya Elia me lomba.

Tangila bana baverse yai :

18 :7-8 Ntangu Obadia vandaka na nzila, na mbala mosi yandi kutanaka na profete Elia....

Elia ...nde ... Kwenda, nge songa mfumu na nge Akabi nde mono kele awa. »

9 Obadia nde : « ...Nge ke sosila mono lufwa !

....12 Ntangu mono ke kwenda kusonga Ntotila Akabi mpidina, a kana na nima Mpeve ya Mfumu Nzambi bika kunata nge kisika ya nkaka ya mono ke zaba ve...keti yandi ta fwa mono ve ? Zaba nde mono ke sambaka Mfumu Nzambi katuka kileki na mono.

13 Keti nge waka ve nde, ntangu Yezabele fwaka baprofete ya Mfumu Nzambi, mono bumbaka baprofete nkama mosi na mabulu... ebuna mono pesaka bo masa ti madia ?

14 Ebuna, nki mutindu nge lenda tinda mono na kwenda kusonga mfumu na mono nde nge kele awa ? Si yandi ta fwa mono ! »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

8.4 Na na boma, na nsuka Obadia kwendaka na Akabi, ti yandi kwisaka kukuta Elia.

Tangila bana baverse yai :

18 :15 Elia tubaka nde : “...bubu mono mosi ta kwenda kudisonga na Ntotila Akabi.”

16 Yo yina, Obadia kwendaka na Ntotila Akabi, yandi songaka yandi mutindo bo me monana ti Elia. Ebuna Akabi kwisaka kukutana na Elia.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Nki mutindu yo ta vanda kulanda Nzambi na kati ya nzo ya Akabi, mfumu ya kuluta mbi ? Kansi Obadia landaka Nzambi kuna. Yandi monaka mpila kuvulusa moyo ya baprofete nkama (100). Ata nge ke zinga wapi, zaba nde nge lenda landa Yesu. Ata bampani ya nkaka buya yandi, nge lenda landa. Ata tata me tula biteki to bima ya magie na nzo na nge, nge lenda landa Yesu. Mbote nge zenga nde nge ta landa Yandi, ata bantu ya nkaka kusala nki. Verse ya Kulonguka : Yoane 21:22b Yesu...nde...keti mambu yina me tadila nge? Kansi nge, landa Mono.

Devoir sambu na bakristo :

Devoir mono ke pesa beno bakristo na mposo yai, kele zole. Ntete, zenga nde nge mosi ta landa Yesu, ata bantu ya nkaka na lweka na nge kusala nki. Ya zole, samba konso lumbu sambu na bo ya me zenga kuvanda kwikama, ata na bisika ya mpasi. Beto lenda baka mbandu bakristo na bansi ya Chine ti ya Koree du nord. Na bisika yina, bo lenda tula nge na boloko kana bo zaba nde nge ke landa Yesu. Samba Nzambi nde bakristo yonso ta vanda kwikama na Yesu, na konso sika bo ikele. Invitation sambu na bo ya me yamba Yesu ntete ve :

Mbala ya nkaka nge me kota ntete ve na nzila ya Yesu. Zaba nde beto yonso vandaka na makambu ti Nzambi sambu beto me buya Yandi, me sola nzila ya masumu. Masumu na beto kangaka beto nzila kuvanda na kintwadi to na kinduku ti Nzambi. Yo kangaka beto nzila kukota bwala na Yandi.

Kansi Nzambi zolaka beto, yo yina Yandi tindaka Mwana na Yandi Yesu Kristo na nsi-ntoto yai. Yesu fwaka bonso nkailu kuvutula beto na kinduku ti Nzambi.

Kana nge me mona mpasi sambu na masumu na nge, tula ntima na Yesu. Kwikila nde Yandi fwaka na sika na nge, Yandi mpi telamaka na lufwa.

Kana nge ta binga zina na Yandi bubuyai, Yandi ta lolula nge ti pesa nge ntima ya mpa, ntima ya zola kulanda Yandi. Nge ta kuma mulandi na Yandi.

Na nima ya ecodim bubuyai, beto ta vanda na kiese kusadisa nge kubakisa kuluta mpila nge lenda guluka.

NSUKA YA LESO 8

Leso 9. Elia tesaka baprofete ya luvunu, kusonga nani Nzambi ya kieleka.

1 Bantotila 18 :17-40

I. PREPARATION SAMBU NA MONITEUR-

Kikuma ya Leso :

Beto landa Nzambi na kieleka yonso, sambu Yandi kele Nzambi ya moyo.

II. REVISION

Kuyindula diaka baleso me luta :

Beto me landa Mfumu Akabi, mfumu ya Israele na nord—mfumu mosi ya mbi mingi. Nzambi songaka profete Elia kukwenda kutana ti yandi. Bubuyai beto ta mona mambu ya nene ya salamaka ntangu ya bo vandaka kutana.

III. KULONGA LESO YAI Kuyantika :

Keti mbala na mbala, nge me mona kisakasaka na mabanza na nge ? Mbala ya nkaka, bantu ya nkaka tubaka nde, « Kusala yai. Yai kele mbote. » Kansi ya nkaka tubaka nde, « Ve, kusala yina ve. Kwisa, kusala mpila ya beto ke songa nge. Yai nzila ya mbote. » Kana ndambu ya bantu ke tuba kima

mosi, kansi bantu bantu ya nkaka kima ya nkaka, confusion lenda kota. Nki mambu ya kieleka ?

Bantu ya Israel vandaka na confusion na bilumbu ya Mfumu Akabi. Bo zabaka nde bambuta na bo sambaka Mfumu Nzambi, kansi Mfumu Akabi vandaka kudipesa na kiteki mosi zina ya Baale.

Nkento na yandi Yezabele vandaka kupesa baprofete ya Baale madia. Yandi vandaka kufwa baprofete mingi ya Nzambi. Mfumu Nzambi to

Baale—nani vandaka Nzambi ya kieleka ?

Malongi ya nene ya lesa yai (developpement) na banti 4 :

9.1 Profete Elia songaka Mfumu Akabi kubinga baprofete yonso ya kiteki Baale, bo tesa banzambi yai zole kusonga nani Nzambi ya kieleka.

Tangila bana baverse yai :

1 Bantotila 18 :17-19 ...Akabi monaka Elia...

Elia ...nde : « Songa bantu ya Israele bo kwisa kukuta mono na ngumba... Bo kwisa mpi ti baprofete ...ya ...Baale, ti...ya Ashera, nzambi ya nkento, bayina ke diaka na mesa ya ntotilankento Yezabele. »

20 ...Akabi bingaka makanda yonso ya Israele ti baprofete ya nzambi Baale na kwisa...

21 Elia...tubaka nde : “Sambu na nki beno vanda ve ntima mosi ? Kana Mfumu Nzambi kele Nzambi, beno samba Yandi. Kana Baale kele Nzambi, beno samba yandi !”...

...23 Beno kwisa kunata bangombe zole ... ngombe mosi, bo fwa yo...ebuna bo tula yo na zulu ya bankuni, kansi bo tula tiya ve. Mono mpi ta sala mutindu mosi na ngombe yina ya nkaka.

24 Baprofete ya Baale, bo ta samba nzambi na bo. Mono mpi ta samba Mfumu Nzambi. Nzambi yina ta tinda tiya, Yandi ...kele Nzambi. » Bantu yonso ndimaka nde : « Nge me tuba mbote. »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

9.2 Baprofete ya Baale bingaka yandi na bampila yonso, kansi yandi salaka kima ve.

Tangila bana baverse yai :

25-26 Elia tubilaka baprofete ya Baale nde : « Beno ...vanda bantu ya ntete...Bo bakaka ngombe ...bo yidikaka yo, ebuna bo yantikaka kusamba Baale ti kubinga zina na yandi katula suka tii midi. Bo vandaka kutuba na ndinga ya ngolo nde : « Baale, ndima bisambu na beto ! » Bo vandaka kukina kaka na lweka ya mesakimenga ya bo tungaka. Kansi bo bakaka ata mvutu mosi ve.

27 ...Elia yantikaka kuseka bo nde : “Beno samba kaka na ndinga ya ngolo... Mbala ya nkaka yandi ke yindula kima ya nkaka, to yandi me kwenda na wese (W.C.), to yandi kele na vwayaze. Mbala ya nkaka yandi me lala... »

28 Baprofete dilaka ngolo...Bo bakaka bambele, bo kudizenga-zengaka tii kuna menga kubasika.

29 Bo landaka kaka na kusamba na ndinga ya ngolo bonso bantu ya kilau tii kuna na nkokila. Kansi bo zwaka ...ata mvutu ve...

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

9.3 Elia tulaka masa mingi na mesa-kimenga sambu tiya kusimba yo ve. Yandi bingaka

Nzambi, ti Nzambi tindaka tiya na mesakimenga yina.

Tangila bana baverse yai :

30-33 Ntangu yai, Elia ...yantikaka kubongisa mesa-kimenga ya Mfumu Nzambi...” ...Yandi timunaka diaka na lweka yonso ya mesa-kimenga... Na nima, yandi tulaka bankuni na mesa-kimenga, yandi zengaka ngombe ...yandi tulaka yo na zulu ya bankuni.

34 Yandi tubaka nde : “Beno fulusa mabungu iya na masa, beno losa yo na zulu ya makabu ti bankuni.” Bo salaka mpidina. Yandi tubaka nde : “Beno yika diaka.” Ebuna bo yikaka masa ya nkaka. Yandi nde : “Beno yika diaka.” Bo yikaka.

35-36 Masa ... kufulumuka na ntoto na lweka ya mesa-kimenga, yo fulukaka dibulu yonso...Elia pusanaka penepene na mesa-kimenga. Yandi sambaka Nzambi nde, “Mfumu Nzambi, songa bubuyai nde Nge kele Nzambi ya Israele....

37 Mfumu Nzambi, wila mono... mpidina bantu yai kuzaba nde Nge kele Nzambi, Nge ke vutula bo na Nge mosi. »

38 Mfumu Nzambi tindaka tiya. Yo yokaka makabu yonso, bankuni, matadi ti ntoto. Masa mpi yumaka na dibulu.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

9.4 Bantu ndimaka nde Mfumu Nzambi kele Nzambi ya kieleka.

Tangila bana baverse yai :

39 Ntangu bantu monaka mpidina, bo kudilosaka na ntoto. Bo tubaka nde : “Mfumu Nzambi kele Nzambi. Yandi mpamba kele Nzambi !”

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>< Kumanisa Malongi :

Nzambi songaka bo nde Yandi kele Nzambi ya moyo, Nzambi ya ke wa bisambu ya bantu na Yandi. Ebuna bo ya monaka mambu yina, bo ndimaka Yandi. Nzambi me songa beto mpi mambu mingi ya ke songa nde Yandi kele Nzambi. Konso muntu na kati na beto mpi, beto fweti zenga kana beto ta sadila nani.

Bankunga ya kwenda nzila mosi ti leso :

Leso 10. Nzambi tindaka mvula na ndinga ya Elia.

1 Bantotila 18 :41-46

I. PREPARATION SAMBU NA MONITEUR-

Kikuma ya Leso :

Beto kwikila ndinga ya Nzambi, sambu beto zaba nde yonso Nzambi tuba, yo fweti salama kaka.

II. REVISION

Kuyindula diaka baleso me luta :

Na mposo me luta, beto monaka victoire ya nene sambu na Nzambi. Nki mutindu Nzambi songaka nde Yandi kele kieleka ? (Ee, Yandi waka lombilu ya Profete Elia. Yandi tindaka tiya kubaka nkailu ya bo me pesa.)

Banzambi ya Nkaka

Mono Me Sila Kulanda Yesu

Verse ya Kulonguka :

1 Bantotila 18 :21 ... « Sambu na nki beno lenda vanda ve ntama mosi ? Kana Mfumu Nzambi kele Nzambi, beno samba Yandi... » Devoir sambu na bakristo :

Beno bakristo, zaba nde Nzambi na beto kele ya kufwa ve. Yandi ke waka bisambu ya bantu na Yandi. Devoir mono ke pesa beno kele kubinga zina na Yandi na mposo yai na mambu yonso ya nge ke na yo mfunu. Invitation--bo ya

me yamba Yesu ntete ve :

Nzambi ke wa bisambu ya bantu na Yandi. Keti nge zaba kieleka nde nge kele muntu na Yandi ? Beto yonso kele bantu ya Nzambi salaka. Kansi beto yonso kele na fami na Yandi ya kimpeve ve. Beto kota fami na Yandi ya kimpeve ntangu beto yamba Yesu Kristo, mwana ya Nzambi, bonso Mvulusi ti Mfumu na beto. Kana nge zaba ve, beto lenda solula ti nge na nima ya ecodim bubuyai.

NSUKA YA LESO 9

Nki mutindu bo bakisaka nde Baale vandaka nzambi ya luvunu? (Ee, Yandi waka ve lombilu ya baprofete na yandi.) III. KULONGA LESO

YAI Kuyantika :

Akabi vandaka mfumu mosi ya mbi. Bantu ya Israele mpi me sala mbi mingi na bilumbu na yandi Yo yina, Nzambi me kangaka mvula sambu yo kunoka ve. Yandi zolaka kubaka atasio na bo, kusonga bo nde Yandi vandaka Nzambi ya kieleka. Beno ta bambuka nde Nzambi tindaka profete Elia kusonga yandi nde mvula na noka diaka ve tii ntangu yandi tuba diaka. Yo salamaka na mpila Elia tubaka. Bambuka, Akabi me tinda bantu kusosa ata ndambu ya masa, kansi bo monaka kima ve. Malongi ya nene ya leso yai (developpement) na banti 4 :

10.1 Nzambi songaka Elia kuyilama sambu Yandi ta tinda mvula diaka.

Tangila bana baverse yai :

1 Bantotila 18 :41 Elia tubaka na Akabi nde :
“Ntangu yai, kwenda kudia ti kunwa. Mono me wa makelele ya mvula. »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

10.2 Mbala nsambwadi nsadi na yandi talaka na zulu kumona ntangu ya mvula ta kwisa. Na mbala ya nsambwadi, yandi monaka dituti mosi ya fioti.

Tangila bana baverse yai :

42 Akabi kwendaka sambu na kudia ti kunwa, kansi Elia tombukaka tii na nsongi ya ngumba ya Karme. Yandi fukamaka na ntoto, ilungi na kati ya mabolongo.

43 Ebuna yandi tubaka na muntu na yandi nde :
« Kwenda kutala kuna na ndambu ya nzadi ya nene kana nki kima kele.” Muntu na yandi kwendaka kutala. Yandi kwisaka kuvutuka ti kutuba nde : “Mono me mona kima ve.” Mbala nsambwadi Elisa songaka muntu na yandi na kwenda kutala. Yandi vutulaka mpi mbala nsambwadi,

44a kansi na mbala yai ya nsambwadi, yandi kwisaka kuvutuka ti kutuba nde : « Mono me mona dituti. Yo kele fioti bonso diboko ya muntu. Yo me katuka na ndambu ya nzadi ya nene, ke tombuka na zulu.”

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

10.3 Na nswalu yonso, Elia tindilaka Akabi ndinga nde mvula ke kwisa.

Tangila bana baverse yai :

44b Ebuna Elia nde : “Kwenda kusonga Akabi, yandi mata na pusupusu. Yandi vutuka nswalu na bwala. Kana ve, mvula ke kangisa yandi.”

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

10.4 Mvula kwisaka nswalu ti ngolo bonso Nzambi me tuba. Yo simbaka bo yonso na nzila.

Tangila bana baverse yai :

45 Ntama ve, zulu yonso kangamaka na matuti ya ndombe. Mupepe kwisaka kuluta. Mvula ya ngolo yantikaka kunoka. Akabi mataka na pusupusu. Yandi vutukaka na bwala Yizrele.

46 Mpeve ya Mfumu Nzambi simbaka Elia. Yandi kangaka mukaba na yandi ngolo. Ebuna yandi bakaka ntinu. Yandi kwenda na ntwala ya pusupusu ya Akabi tii na munoko ya bwaka Yizrele.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Nzambi songaka nde mvula ta kangama ; ebuna yo kangamaka. Yo nokaka ve. Ntoto ti bambisi ti bantu yonso kumaka na mpasi. Nzambi songaka diaka nde mvula ta kwisa. Elia zabaka nde mambu yonso ya Nzambi me tuba, Yandi fweti sala yo. Yandi kwikilaka ndinga ya Nzambi. Yo yina yandi kwendaka kutala ntangu ya mvula ta kwisa. Nzambi tindaka yo mingi, bonso mpila Yandi me tubaka. Beto lenda kwikila ndinga ya Nzambi.

Verse ya Kulonguka :

Bankunga 19 :10a Bansiku ya Mfumu Nzambi kele ya masonga, yo ta vandaka tii kuna.

Nkunga ya kwenda nzila mosi ti lesu :

Bi bi la !

Devoir sambu na bakristo :

Bana bakristo, ndinga ya Nzambi bubuyai kele kusonika na Bible. Keti nge ke tanga ndambu na yo, to kuwa ndambu na yo, konso lumbu ? Kana nge me yantika ntete ve kutanga to kuwa ndinga ya Nzambi konso lumbu, beto pesa beno devoir kuyantika yo na mvula yai.

Invitation sambu na bo ya me yamba Yesu ntete ve :

Yesu me tuba nde : « Konso muntu yina ta kwisa na Mono, Mono ta buya yandi ve. » Nge lenda kwikila promese yina, sambu Yesu kele Nzambi ya kieleka. Kestio yo yai: Keti nge me kwisa na Yandi, kutula ntima na Yandi bonso Nzambi na nge, Mvulusi na nge, Mfumu na nge ? Kana nge kwikila nde Yesu kele Mwana ya Nzambi, nge lenda tula Yandi ntima bubuyai.

NSUKA YA LESO 10

Leso 11. Jezebel sosaka kufwa Elie, kansi Nzambi bumbaka yandi.

1 Bantotila 19 :1-18

I. PREPARATION SAMBU NA

MONITEUR- Kikuma ya Leso :

Beto kwenda na Nzambi na ntangu ya dekurazema, sambu Yandi zaba nki mutindu kulunda beto.

Verse ya Kulonguka :

Bankunga 46 :2 Nzambi kele kisika ya beto ke tininaka. Yandi Muntu ke pesaka beto ngolo.

Konso ntangu kana mpasi kele, Yandi ke

sadisaka beto. Nkunga ya kwenda nzila mosi ti lesu :

Nzambi Ta Kuwa Nge

II. REVISION

Kuyindula diaka baleso me luta :

Beto me mona nde mfumu ya mbi mingi zina ya Akabi me kuma mfumu na Israele. Yandi ti nkento ya mbi na yandi Yezabele sambaka biteki ya mbi. Nki mutindu Nzambi songaka bo nde Yandi vandaka Nzambi ya kieleka? (Yandi tindaka tiya na nkailu bu Elia bingaka Yandi.)

III. KULONGA LESO YAI

Kuyantika :

Beto monaka mpi nde Elia songaka Akabi nde mvula ta noka diaka ve tii ntangu ya yandi ta tuba. Bima yonso vandaka ya kuyuma ti kufwa. Mpasi. Na nima, Nzambi songaka Elia nde Yandi ta tinda mvula diaka. Yandi tubaka yo, ti yo salamaka kaka na mpila Nzambi tubaka. Kansi mambu yai yonso pesaka Yezabele kiese ve.

Malongi ya nene ya lesu yai (developpement) na banti 4 :

11.1 Elia zwaka dekurazema ya ngolo sambu Yezabele zolaka kufwa yandi. Yandi zolaka kaka kufwa. 1 Bantotila 19 :1-4

Tangila bana baverse yai :

19 :1 Akabi telaka nkento na yandi
Yezabele mambu yonso ya Elia salaka ... 2
(somere) Yezabele tindaka ndinga na Elia
yandi me zenga kufwa yandi na kati ya
lumbu mosi kaka.

3-4 Elia waka boma. Yandi tinisaka moyo na
yandi ...yandi salaka kilumbu ya mvimba na
kutambula na makulu na ntoto ya zelo na zelo.
...Yandi zolaka nde yandi fwa. Yandi tubaka
nde : « Mfumu Nzambi, mpasi me lutila mono.
Pardo, baka moyo na mono...”

? Yula bana bangiufula tatu na zulu ya
malongi yai, selon niveau na bo.

Bana sala bageste to mwa-senete ya songa
nki bo me wa na kitini ya malongi yai.

Bana yimba ti kina mambu ya nene ya bo
me wa na kitini ya malongi yai.

11.2 Wanzio ya Nzambi pesaka yandi masa ti
madia sambu na kupesa yandi ngolo diaka.

Tangila bana baverse yai :

19:5-6 Yandi lalaka na nsi ya nti, ebuna ...na
mpongi ...wanzio kwisaka kusimba yandi ti
kutubila yandi nde : « Telama. Nge dia. »
...yandi monaka dimpa mosi ... ti dibungu ya
masa penepene...

7 Wanzio ya Mfumu Nzambi kwisaka
kuvutuka. Yandi tedimisaka yandi diaka mbala
ya zole nde : « Telama. Nge dia. Nge ke
kwenda nzila mosi ya nda. »

8 Elia telamaka. Yandi diaka. Yandi nwaka.
Madia pesaka yandi ngolo mingi na kutambula
bilumbu makumi iya mpimpa ti mwini, tii na
...ngumba ya Nzambi.

? Yula bana bangiufula tatu na zulu ya
malongi yai, selon niveau na bo.

Bana sala bageste to mwa-senete ya songa
nki bo me wa na kitini ya malongi yai.

Bana yimba ti kina mambu ya nene ya bo
me wa na kitini ya malongi yai.

11.3 Elia vandaka kubokuta na Nzambi, ebuna
Nzambi vutulaka Elia na ndinga mosi ya fioti.

Tangila bana baverse yai :

19 :9 ...yandi kotaka na dibulu mosi na kati ya
matadi...yandi lalaka muna. Yandi waka
ndinga ya Mfumu Nzambi ke tuba nde : « Elia,
nki nge ke sala awa ? »

10 Elia vutulaka nde : « Mfumu
Nzambi...konso ntangu mono ke zolaka kaka
kusadila Nge. Kansi bantu ya Israele me fwaka
kuwakana ya Nge wakanaka ti bo. Bo me
...bwisaka bamesa-kimenga na Nge. Bo me
fwaka... bapofete na Nge. Kaka mono
mpamba muntu me bikala, kansi bo ke sosa
mpi na kufwa mono.

11 Mfumu Nzambi tubaka...nde : “Basika,
kwenda. Nge telama na ntwala na Mono
...Mono ke kwisa kuluta. » Ntangu yai,
mupepe ya ngolo telamaka. Yo pasulaka
ngumba ti matadi. Kansi Mfumu Nzambi
vandaka ve na kati ya mupepe yina. Na nima,
ntoto yantikaka kunikana, kansi Mfumu
Nzambi vandaka ve na kati....

12 Na nima, tiya pelaka, kansi Mfumu Nzambi
vandaka ve na kati ya tiya. Na nima, ndinga ya
fioti-fioti wakanaka.

? Yula bana bangiufula tatu na zulu ya
malongi yai, selon niveau na bo.

Bana sala bageste to mwa-senete ya songa
nki bo me wa na kitini ya malongi yai.

Bana yimba ti kina mambu ya nene ya bo
me wa na kitini ya malongi yai.

11.4 Nzambi pesaka Elia enkurazema nde kosalu ya mfunu me bikala sambu na Elia kusala, mpi nde yandi vandaka ve yandi mosi na lukwikilu. Bantu 7,000 ya nkaka me samba ve kiteki Baale.

Tangila bana baverse yai :

19:13 Ntangu Elia waka yo, yandi fikaka ilungi...Yandi telamaka na munoko ya dibulu. Yandi waka diaka ndinga ke tuba nde : « Elia, nki nge ke sala awa ? »

14 (somere) Yandi vutulaka kiteso mosi.

15 Mfumu Nzambi tubaka na yandi nde :
“Vutuka...Nge kwenda ...tula Azaele mafuta na ntu sambu yandi kuma ntotila ya Siria,

16 ebuna nge tula mpi Yehu ...sambu yandi kuma ntotila ya Israele. Na nima, nge baka Elisa...Nge tula yandi mafuta na ntu sambu yandi bika kuyinga nge na kiprofete.

18 Kansi ...bantu mile nsambwadi (7,000) (me bikala) na ntoto ya Israele, bayina yonso me fukamaka ve na ntuala ya biteki ya nzambi Baale ...kusambila yo.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Elia vandaka me lemba. Yandi waka bumosi ti dekurazema. Kansi Nzambi lundaka yandi. Wanzio bikisaka yandi kulala mpongi. Wanzio pesaka yandi madia mbala tatu. Nzambi songaka yandi nde kosalu ya mfunu me bikala sambu na yandi, nde bantu 7,000 ya nkaka me vanda kwikama na Nzambi, me samba ve kiteki ya Baale.

O, Nzambi zaba kulunda bantu na Yandi ! . Beto bokuta ve, kansi beto kwenda na Yandi na ntangu ya mpasi.

Devoir sambu na bakristo :

Beno bakristo, na mposo ke kwisa, konso mbala ya nge kuwa dekurazema, kwenda nswalu na Nzambi sambu Yandi kuvutula ngolo na nge.

Invitation--bo ya me yamba Yesu ntete ve :

Mpasi na beto ya nene keke masumu beto me sala—mambu ya me pesa Nzambi kiese ve. Beto yonso me sala masumu. Masumu yina me kanga beto nzila kuvanda na kinduku ti Nzambi. Kansi Nzambi zolaka beto mingi. Yandi tindaka Mwana na Yandi Yesu Kristo, Yandi kwisa awa na nsi-ntoto, Yandi futa menga ti moyo na Yandi bonso nkailu ya kulunga sambu na masumu na beto. Yesu fwaka na sika na beto. Yandi telamaka na lufwa. Bubuyai, Yandi ke binga beto kukuma balandi na Yandi.

Kana nge me guluka ntete ve, kwisa na Yandi

bubuyai. Yandi me sila nde, konso muntu ya kwisa
na Yandi, Yandi ta buya yandi ve.

NSUKA YA LESO 11

Leso 12. Elia bingaka Elisa kuvanda profete.

1 Bantotila 19 :19-21

I. PREPARATION SAMBU NA MONITEUR-

Kuyidika na ntwala : Nata lele bonso kazaki.

Kikuma ya Leso :

Beto kuwa kimpala ve na bansadi ya nkaka ya Nzambi. Beto vanda na mpeve ya competisio ve ti bo, kansi beto sadisana. Beto bakisa nde Nzambi me pesa beto yonso kisalu ya mfunu.

Verse ya Kulonguka :

1 Korinto 3 :9a Beto ke sadilaka Nzambi na kimvuka...

Bankunga ya kwenda nzila mosi ti leso :

Beto Bakristo Sadisana
Kusala Mbote na Kimvuka

II. REVISION

Kuyindula diaka baleso me luta : Beto me mona mpila Nzambi bumbaka Elia, sambu mfumu-nkento ya mbi Jezebele, yandi sosaka mpila ya kufwa yandi. Beto me mona mpila Nzambi tubaka na Elia, ti kisalu ya Yandi pesaka Elia. III.

KULONGA LESO YAI Kuyantika :

Na kati ya bisalu Nzambi pesaka Elia vandaka kubinga muntu ya ta yinga yandi—Elisa. Nki mutindu Elia ta mona yo ? Keti yandi ta kuwa kimpala sambu Elisa ta baka sika na yandi ? Keti yandi ta zola kusadisa kilandi na yandi ? Keti yandi ta mona bonso competisio ti yandi, nani ta luta nene to ngolo ?

Malongi ya nene ya leso yai (developpement) na banti 4:

12.1 Elia kingaka ve. Yandi kwendaka nswalu kusosa Elisa. Yandi kutaka yandi ya kubondula ntoto sambu na kilanga.

Tangila bana baverse yai :

1 Bantotila 19 :19 Elia kwendaka. Yandi monaka Elisa...ke bundula bilanga...
Bandonga ya bangombe vandaka kumi na zole...Elisa vandaka kunata ndonga ya nsuka yina ya kumi na zole.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

12.2 Elia losilaka Elisa kazaka na yandi ya kiprofete. Yai vandaka kidimbu ya songaka yandi vandaka kubinga Elisa kulanda yandi na kisalu ya kiprofete.

Tangila bana baverse yai :

19b Ntangu Elia kumaka penepene na yandi, yandi losilaka Elisa kazaba na yandi.
[Moniteur, losa kazaka na kipeka ya mwana mosi.]

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

12.3 Elisa landaka Elia nswalu. Kansi yandi lombaka nzila kaka kupesa bampangi bikala mbote.

Tangila bana baverse yai :

20 Elisa bikisaka bangombe, yandi landaka Elia ntinu. Yandi tubaka na Elia nde : “Bika mono ntete, mono kwenda kupesa tata na mono ti mama na mono mbote ya nsuka. Na nima mono ta kwisa kulanda nge. »

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

12.4 Elisa salaka fete ya kukabana ti bampangi, ebuna yandi kwendaka kulanda Elia, ti kusadila yandi. Yandi yantikaka kulonguka kosalu ya profete.

Tangila bana baverse yai :
21 Ntangu yai, Elisa vutukaka na bilanga na yandi. Yandi bakaka bangombe na yandi zole. Yandi fwaka yo, eubna yandi lambaka yo... Yandi pesaka yo na bantu, bo diaka. Na nima, yandi kwendaka kulanda Elia, ebuna yandi kumaka kusadila yandi.

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>< Kumanisa Malongi :

Elia zabaka nde Elisa fweti yinga yandi. Kosalu ya Elia ta suka ti Elisa ta landa kosalu yina. Kansi yandi waka ve kimpala. Yandi kingaka ve, kansi yandi kwendaka nswalu kubinga Elisa. Bo yantikaka kusala sika mosi, na mpeve ya competisio ve, kansi ya kusadisana. Bo zole vandaka kusala kosalu ya Nzambi, ti yina vandaka mambu ya kiese.

Devoir sambu na bakristo :

Beno bakristo, devoir mono ke pesa beno na mposo ke kwisa, yo yai : Bika konso kitini ya kimpala ya

nge ti bansadi ya nkaka ya Nzambi. Sosa mpila kusadisa bo, sambu beto yonso ke sadila kaka Nzambi.

Invitation sambu na bo ya me yamba Yesu ntete ve :

Mbala ya nkaka, kubinga ya kele mfunu na luzingu na nge kele ve kubinga na kosalu ya Nzambi.

Mbala ya nkaka nge zaba Nzambi ntete ve. Beto lenda zaba Nzambi na nzila ya Yesu Kristo. Yesu kele Mwana ya Nzambi. Yandi me zinga mvu ya mvu ti

Tata na Yandi na zulu, kansi Yandi bikisaka zulu, Yandi kulumukaka awa na nsi-ntoto sambu na kumanisa probleme ya masumu na beto bantu. Masumu kele kukanga beto nzila kuvanda na kintwadi ti Nzambi. Yo kele kukanga beto nzila kukuma na bwala na Yandi, na zulu.

Yesu kudipesaka moyo ti menga na Yandi na zulu ya kulunsi bonso nkailu ya Nzambi lenda ndima, sambu na kumanisa masumu na beto. Yandi telamaka na lufwa.

Yandi kele na moyo bubuyai. Yandi ta kuwa kana nge binga zina na Yandi. Yandi ta lolula masumu yonso ya nge ti pesa nge ntima ya mpa ya kinzambi. Kana nge me binga zina na Yandi ntete ve, mbote kusala yo bubuyai. Nge mpi ta kuma mukristo.

NSUKA YA LESO 12

Leso 13. Akabi yumaka ntima na kilanga ya Naboti.

1 Bantotila 21 :1-24

I. PREPARATION SAMBU NA

MONITEUR- Kikuma ya Leso :

Beto yuma ntima ve na konso kima, kansi beto vanda na kiese ti lutondo na bima ya Nzambi

me pesa beto. Verse ya Kulonguka :

Kubasika 20:17 (10eme ya Bansiku Kumi ya Nene Nzambi me pesa beto) Kuyuma ntima ve na

...konso kima ya ngani. Bankunga ya kwenda nzila mosi ti lesa :

Bansiku Kumi (nsiku ya kumi)

Mono Ta Mona Kiese

II. REVISION

Kuyindula diaka baleso me luta : Na mposo me luta, beto monaka nde Elia bingaka Elisa kukwisa kulanda yandi, sambu Nzambi me songa nde Elisa muntu ta yinga yandi. Beto ta kuwa mambu ya Elisa diaka na baleso ke kwisa. III.

KULONGA LESO YAI Kuyantika :

Nani me mona kima ya muntu ya nkaka, ti zolaka kuvanda na kima yina ? Mbala ya nkaka lele to velo to nzo ya kitoko to madia. Nzambi zaba nde nzala ya ntima ke bendaka beto kusala masumu mingi. Yo yina, nsiku kumi ya Bansiku Kumi ya Nene, yo vandaka, “Kuyuma ntima ve.” Na histoire beto ke landa bubu, beto ta mona nki salamaka bu Akabi yumaka ntima na kilanga ya muntu ya nkaka.

Malongi ya nene ya lesa yai (developpement) na banti 4 :

13.1 Akabi yumaka ntima sambu na kilanga ya Naboti. Yandi waka mawa ti makasi sambu Naboti buyaka kutekila yandi kilanga yina, ntoto ya bambuta me bikisila yandi.

Tangila bana baverse yai :

1 Bantotila 21 :1 Penepene na nzo ya Ntotila Akabi ...kuvandaka na kilanga mosi ya vinu ya muntu mosi... Naboti.

2 Kilumbu mosi, Akabi tubaka na Naboti nde :
« Pesa mono kilanga na nge ya vinu....Mono ta pesa nge kilanga ya nkaka ya kuluta mbote to,
...mbongo...

3 Naboti tubaka nde : « Na zina ya Mfumu Nzambi, mpila kele ve, Kilanga yai bankaka na mono bantu bikilaka mono yo, yo kele nsiku... »

4 Akabi vutukaka na nzo na yandi na mawa yonso ti makasi mpi sambu na mvutu ya Naboti pesaka....Yandi kwendaka kulala na zulu ya mbeto, ilungi na kibaka...buyaka kudia. »

5 Nkento na yandi Yezabele kwisaka kuyula yandi nde : « Ebwe ? Sambu na nki nge kele mawa-mawa ? ... (Ebuna Akabi tendulaka Yezabele mambu yina ya me luta.)

? Yula bana

Bana sala bageste to mwa-senete

Bana yimba ti kina

13.2 Yezabele salaka lukano ya mbi kuyiba ntoto ya Naboti. Yandi sosaka bantemwe ya luvunu sambu bo kufwa Naboti, bo botula ntoto na yandi.

Tangila bana baverse yai :

7 Yezabele nde : «Nge kele ntotila to ...ve?Mono muntu ta pesa nge kilanga ...ya Naboti ! »

8-9 Yandi sonikaka mikanda ...na bambuta ti na bantu ya leta ...yina vandaka kuzinga bwala mosi ti Naboti....kutuba nde : «... Beno binga bantu yonso kisika mosi, ebuna beno tula Naboti na ntuala....

10-11 Ntangu yai, beno tula bantu zole ya mabulu na ntuala na yandi. Bo funda yandi nde : « Nge me finga Nzambi ti ntotila na beto ! » Na nima, beno baka yandi...beno fwa yandi na matadi. » Bambuta ya bwala Yizrele salaka mambu yina ya Yezabele songaka bo.

14-15 Bo tindaka ndinga na Yezabele nde :
 “Naboti me fwa.” Ntangu Yezabele waka

nsangu yina, yandi tubilaka Akabi nde :
 “Naboti me fwa. Ntangu yai, kwenda kubaka
 kilanga na yandi”

16 Ntangu Akabi waka mpidina, na mbala mosi
 yandi kwendaka kubaka kilanga yango, yo
 kumaka na yandi.

? Yula bana

Bana sala bageste to mwa-senete

Bana yimba ti kina

13.3 Nzambi ponaka Elia kusonga Akabi mbi na
 yandi ti ndola Nzambi me zenga sambu na yandi.

Tangila bana baverse yai :

17-18 Ntangu yai, Mfumu Nzambi tubaka na
 profete Elia...nde” « Kwenda na Akabi, Ntotila
 ya Israele, yina ke vandaka na bwala Samaria .
 Nge ta mona yandi ...na kilanga ya vinu ya
 Naboti. Yandi me kwenda kuna sambu na
 kubaka kilanga yina.

19 Songa yandi mambu yai ya Mono Mfumu
 Nzambi ke tuba na nge, nde : ‘Nge me fwa
 muntu. Ntangu yai, nge ke zola kubotula mpi
 bima na yandi ?’ Yo yina, Mono Mfumu
 Nzambi ke tuba nde...

2-232 Fami na nge, Mono ta (manisa yo sambu
 beno yala diaka ve).

? Yula bana

Bana sala

Bana yimba ti kina

13.4 Akabi kudikulumusaka na ntwala ya Nzambi,
 ebuna Nzambi zengaka nde ndola ta kwisa na
 ntangu bana na yandi ta yinga yandi na luyalu.

Tangila bana baverse yai :

27 Ntangu Akabi waka mambu ya Elia tubaka,
 yandi pasulaka bilele na yandi. Yandi
 lwataka saki. Yandi buyaka kudia... Yandi

vandaka kutambula malembe-malembe ti
 mawa.

28 Ntangu yai, Mfumu Nzambi tubaka na
 profete Elia nde :

29 « Nge me mona mutindu Akabi me
 kudikulumusaka na meso na Mono ? Mpidina,
 Mono ta tindila yandi mpasi ve na bilumbu yai
 ya yandi ke na moyo, kansi Mono ta tindila
 fami na yandi mpasi na ntangu ya mwana na
 yandi me kuma ntotila. »

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Akabi vandaka mfumu. Yandi vandaka na mfunu
 ya kima ve. Kansi yandi monaka kilanga ya
 Naboti, ebuna yandi yantikaka kuyuma ntima na
 yo. Kuyuma ntima natilaka yandi kaka mawa ti
 makasi. Yandi vandaka na madia ya mbote, kansi
 yandi monaka kiese ve na kudia yo. Ntangu
 Yezabele tubaka nde yandi ta baka yo, Akaabi
 yulaka ve nki mutindu yandi ta sala yo--kana na
 mpila ya mbote to ya mbi. Na mabanza na yandi,
 mfunu vandaka kaka nde yandi baka yo.

Yezabele salaka na mpila nde bantu tuba luvunu
 sambu bo fwa nkwa-ntoto, yandi botulaka ntoto na
 yandi. Ntete, kuyuma ntima. Na nima, mawa,
 makasi, luvunu, kufwa muntu, kuyiba. O ! Tala
 mambi yonso ya landaka kaka sambu Akabi
 yumaka ntima.

Devoir sambu na bakristo :

Devoir mono ke pesa beno bakristo na mposo yai
 ke kwisa, yo yai : Beno tonda Nzambi sambu na
 bima yonso ya mbote Yandi me pesa beno, beno
 kuyuma ntima ve na bima ya bantu ya nkaka.
 Invitation--bo ya me yamba Yesu ntete ve :
 Nki mutindu muntu lenda vanda na ngolo kuzinga
 luzingu ya contentement ? Kuyuma ntima ve ?

Kaka Yesu Kristo lenda pesa beto ngolo kuzinga mutindu yai.

Keti nge zaba Yesu Kristo ya kieleka ? Ketu nge zaba nde nge me balula ntima, me zenga kulanda Yandi ?

Yesu bikisaka nzo na Yandi na zulu, Yandi kwiskaka kukota nsi-ntoto sambu Yandi gulusa beto. Yandi zola kumisa nge mwana na Yandi. Yandi lenda pesa nge ngolo ya kubuya mpukumunu. O, kwisa na Yandi bubuyai.

NSUKA YA LESO 13

Leso 14. Baprofete ya luvunu pesaka bamfumu conseye ya luvunu.

1 Bantotila 22 :1-28

I. PREPARATION SAMBU NA

MONITEUR- Kikuma ya Leso :

Beto tesa malongi ya baprofete na Ndinga ya Nzambi, sambu baprofete ya luvunu mpi ikele.

Verse ya Kulonguka :

1 Timoteo 4:1 Mpeve-Santu ke tubaka mbotembote nde, na bilumbu ya nsuka, bantu ya nkaka ta katula lukwikilu na bo. Bo ta lemfuka na bam- peve ya luvunu ti na malongi na bampeve ya mbi.

Bankunga ya kwenda nzila mosi ti lesu : Banzambi ya Nkaka Vutuka, Afrika ! Vutuka !

II. REVISION

Kuyindula diaka baleso me luta :

Na mposo me luta, beto me mona nde Mfumu Akabi ti nkento na yandi Yezabele, bo salaka nki mambu ya mbi ? (Ee, Yezabele tindaka bantu ya luvunu, bo funda Naboti sambu yandi kufwa. Na nima, yandi yibaka kilanga na yandi. Akabi yulaka yandi kima ve.)

Nki ndola Nzambi silaka bo? (Bo ta fwa lufwa mosi ya nsoni, ti bana na bo ta yinga bo ve na kimfumu.) III. KULONGA LESO YAI

Kuyantika : Malongi ya nene ya lesu yai (developpement) na banti 5:

14.1 Yozafati, mfumu ya Yuda, zolaka sadisa Akabi, mfumu ya Israele, na mvita. Kansi yandi lombaka bo ntete kusosa nki Nzambi ta tuba.

Tangila bana baverse yai :

1 Bantotila 22 :2-4 ... Yozafati, ntotila ya Yuda, kwisaka kutala Akabi, ntotila ya Israele. Akabi yulaka bantu na yandi nde : « ... « Ketu nge ke kwenda ti beto na kunwanisa Ramoti ? » Yozafati vutulaka nde, « Ee, mono ke kwenda. Basoda na mono ti bampunda na mono mpi ke kwenda.

5 Kansi yula ntete Mfumu Nzambi.”

? Yula bana

Bana sala bageste to mwa-senete

Bana yimba ti kina

14.2 Baprofete ya luvunu songaka bo kukwenda, Nzambi ta nungisa bo. Kansi Yozafati zolaka kusosa profete ya Nzambi. Bo bingaka Mika.

Tangila bana baverse yai :

22:6-7 Akabi bingaka baprofete kiteso ya 400. Yandi yulaka bo nde: “Ketu mono fweti kwenda kunwanisa bwala Ramoti to ve?” Bo vutulaka nde, “Ee, kwenda kunwanisa yo. Mfumu Nzambi ta nungisa nge.” Kansi Yozafati yulaka nde: “Profete ya nkaka kele ve sambu beto lenda yula Mfumu Nzambi ?”

8 Akabi nde : “Ee, muntu ya nkaka kele, Mika. Kansi mono ke zolaka yandi ve, sambu yandi ke tubilaka mono kaka mambu ya mbi...”

9 Ebuna Akabi bingaka muntu mosi ya kisalu, yandi tindaka yandi na kwenda kusosa Mika...

? Yula bana

Bana sala bageste to mwa-senette

Bana yimba ti kina

14.3 Bo lombaka Mika kutuba bandinga ya kiese bonso baprofete ya nkaka, kansi yandi tubaka nde yandi fweti tuba bandinga ya Nzambi ta pesa.

Tangila bana baverse yai :

22:10 Bantotila yina zole vandaka me vanda na zulu ya bakiti ya kimfumu...me lwata bilele na bo ya kimfumu. Baprofete yonso mpi vandaka kwisa ke tuba mambu na ntuala na bo.

13 Muntu yina kwendaka kubinga profete Mika nde: “Baprofete yonso me tuba kiteso mosi nde ntotila ta nunga. Nge mpi fweti tuba mutindu yo yina. »

14 Kansi Mika vutulaka nde : « ...mono ta tuba mambu yina ya Mfumu Nzambi ta songa mono. »

? Yula bana

Bana sala bageste to mwa-senete

Bana yimba ti kina

14.4 Mika songaka bo nde bampeve ya mbi na munoko ya baprofete ya luvunu zolaka kubenda Akabi na mvita sambu yandi kufwa kuna.

Tangila bana baverse yai :

22:15 ...Ntotila Akabi...yulaka yandi nde : »Mika, keti beto fweti kwenda kunwanisa bwala Ramoti to ve ? »

19 ...Mika tubaka diaka nde :”Wa mambu yina ya Mfumu Nzambi me songa mono. Mono me mona Mfumu Nzambi me vanda na kiti na yandi ya kimfumu, bawanzio na yandi me telama na lweka na yandi...

20 Yandi me yula nde : “Nani ta kwenda kukusa Akabi nde yandi kwenda kunwanisa bwala Ramoti, mpidina bo fwa yandi ? ...

21-23 Ebuna mpeve mosi kwisaka kutuba na Mfumu Nzambi nde :”Mono muntu ta kwenda kukusa yandi...Mono ta kwenda kusala na mpila nde baprofete yonso ya Akabi kutuba luvunu.” ...Ebuna Mika manisaka na kutuba

nde : « Mfumu, ntangu yai nge ke mona mutindu ...baprofete yai yonso kukusa nge....

? Yula bana

Bana sala bageste to mwa-senete

Bana yimba ti kina

14.5 Baprofete ya nkaka vandaka kusaula Mika ti Mfumu tulaka yandi na prison, kansi yandi landaka kutuba nde yandi me songa bo Ndinga ya Nzambi. 22 :24-28

Tangila bana baverse yai :

24 Ntangu yai, profete (mosi) kwendaka kubula Mika mbala na ditama. Yandi tubaka nde :”Nki mutindu Mpeve ya Mfumu Nzambi me katuka na mono sambu na kwisa kutuba na nge ?”

26-27 Ebuna Ntotila Akabi tubaka na muntu na yandi mosi nde: “Kanga Mika....Songa bo bo tula yandi na boloko, bo pesa yandi kaka kamwa-ndambu ya mampa ti masa tii kuna mono ta vutuka na bitumba.”

28 Mika nde :”Kana nge kwisa vutuka mbote, tuba nde Mfumu Nzambi tubaka ve na munoko na mono.” ...

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Bamfumu ya Yuda ti ya Israele vandaka na mfunu kuzaba kana Nzambi ta nungisa bo na mvita. Bo yulaka baprofete mingi ya monikaka bonso mitubi ya Nzambi. Kansi baprofete yai vandaka bantu ya luvunu. Bo tubaka na ngolo ya bampeve ya mbi.

Lukanu ya bampeve yina vandaka kubenda Mfumu Akabi sambu yandi kufwa na mvita. Kansi Akabi zolaka ve kundima Ndinga ya Nzambi, kansi kaka bandinga ya baprofete ya luvunu. Aii, yo ke nata yandi na lufwa !

□ Devoir sambu na bakristo :`

Bible ke tuba nde baprofete ya luvunu kele mingi. Beto fweti tesa malongi ya bantu yonso, kuzaba kana yo ke kwenda nzila mosi na Ndinga ya Nzambi. Kana yo ke kwelana ve, yo kele luvunu, malongi ya mpeve ya mbi.

Kuzenga nani profete ya luvunu, yo lomba nde beto zaba ntete nki Nzambi me tuba. Keti nge kele kutanga to kuwa ndinga na Yandi konso lumbu ?

Kana ve, yantika kusala yo na mposho yai. □

Invitation--bo ya me yamba Yesu ntete ve :

Malongi ya luvunu kele mingi ya ke zola kukanga nge nzila kukwenda na zulu. Kana muntu songa nge nde, “Kaka sala mbote. Nzambi ta yamba nge na zulu,” yai kele luvunu. Bible ke songa beto nde « Beto gulukaka ve sambu beto salaka mambu ya mbote, kansi ...sambu yandi wilaka beto mawa. » (Tite 3 :5).

Tula ntima na Yesu, ebuna nge ta baka moyo.

NSUKA YA LESO 14

Leso 15. Akabi fwaka na mvita bonso ndinga ya Nzambi tubaka. Ahazia yingaka yandi ti landaka kaka na nzila ya mbi.

1 Bantotila 22 :29-35, 52-54

Kikuma ya Leso :

Beto kwikila Nzambi ti lemfuka na Yandi, sambu beto bakisa nde ndinga ya Yandi keke sur. Mpila ya kukanga yo ikele ve. Verse ya Kulonguka : Bankunga 18 :31a Mambu ya Nzambi ...ke tubaka, Yandi ke lungisaka yo.

Bankunga ya kwenda nzila mosi ti lesa :

Bi-bi-la !

Bible Kieleka

II. REVISION

Kuyindula diaka baleso me luta :

Na mposo me luta, beto monaka nde bapofete mingi ya luvunu songaka Akabi nde Nzambi ta sadisa bo na mvita. Kansi profete mosi zina ya Mika, yandi tubaka ndinga ya Nzambi na kieleka. Mika tubaka nde Akabi ta vutuka ve na mvita yina. Bambeni ta fwa yandi na kati ya mvita. Yai vandaka ndinga ya Nzambi. III. KULONGA LESO YAI Kuyantika :

Kana profete ya Nzambi songaka nge nsangu nde nge ta fwa kana nge kwenda na mvita, keti nge ta zola kwenda ? (Ikele ve.) Nge ta sala nki ? Akabi vandaka kusala mambu mingi ya mbi. Mambu ya mbote kusala ta vanda kubalula ntima. Kulomba pardo ya Nzambi. Mbala ya nkaka Nzambi kuwila yandi mawa. Kansi yandi salaka yo ve. Yandi bakisaka ve nde “Mambu ya Nzambi...ke tubaka, Yandi ke lungisaka yo.” Yandi yindulaka nde yandi lenda kusa Nzambi ! Bana, nki beno banza ? Keti Akabi vandaka mayele kuluta Nzambi ? (Ikele ve.)

Malongi ya nene ya lesa yai (developpement) na banti 5 :

15.1 Akabi balulaka lele ti Yozafati, mfumu ya Yuda, sambu bantu kuzaba ve yandi keke nani. Bo kwenda kunwana na yandi ve, kansi na Mfumu ya Yuda.

Tangila bana baverse yai :

1 Bantotila 22 : 29 Akabi ntotila ya Israele ti Yozafati ntotila ya Yuda kwendaka kunwanisa bwala ...

30 Akabi tubaka na Yozafati nde : « Ntangu beto ke kota na kunwana bitumba, mono ta kudibumba. Mono ta katula bilele ya kimfumu. Kansi nge, nge kwenda na bilele ya kimfumu.” Ebuna ntotila ya Israele katulaka bilele ya kimfumu, yandi kwendaka na bitumba na bilele ya mpamba, na mpila nde bo zaba yandi ve.

? Yula bana

Bana sala bageste to mwa-senete

Bana yimba ti kina

15.2 Mfumu ya Siria kwisaka kunwanisa bo. Yandi songaka basoda na yandi nde bo nwana kaka na Akabi, na muntu ya nkaka ve.

Tangila bana baverse yai :

31 Ntotila ya Siria tubaka na bamfumu ya basoda na yandi ... nde : « Beno nwanisa kasoda ve ti bamfumu na bo, kaka ntotila ya Israele mpenza. »

? Yula bana

Bana sala bageste to mwa-senete

Bana yimba ti kina

15.3 Bo yantikaka kunwana na Yozafati, kansi ntangu bo monaka nde yandi vandaka Akabi ve, bo vutukaka.

Tangila bana baverse yai :

32 Yo yina, ntangu bo monaka Yozafati, bo yindulaka nde yandi yai ntotila ya Israele.

Ebuna bo kwisaka penepene sambu na kunwanisa yandi. Kansi ntangu yandi tulaka milolo,

33 bo kwisaka kuzaba nde yandi ve ntotila ya Israele. Ebuna bo bikisaka na kulanda yandi.

? Yula bana

Bana sala bageste to mwa-senete

Bana yimba ti kina

15.4 Muntu bulaka tolotolo kaka mpidina. Yo kotaka Akabi, ebuna yandi fwaka, bonso Nzambi tubaka ta salama.

Tangila bana baverse yai :

34 Kansi soda mosi ya Siria losaka tolotolo na yandi mpidina, yo kwendaka kusimba Ntotila Akabi na...kazaka na yandi ya bibende. Ntotila Akabi tubaka na muntu yina vandaka kunata pusupusu na yandi nde : « Mono me lwala... »

35 ...Menga vandaka kubasika yanddi na mputa. Yo panzanaka na kati ya pusupusu. Ebuna na nkokila, yandi fwaka.

? Yula bana

Bana sala bageste to mwa-senete

Bana yimba ti kina

15.5 Mwana na yandi Ahazia yingaka Akabi, kansi mawa! Yandi landaka kaka na mbi yonso ya tata na yandi.

Tangila bana baverse yai :

52 Ntangu Yozafati lungisaka bamvula kumi na nsambwadi (17) na kimfumu na yandi na Yuda, Ahazia mwana ya Akabi kumaka ntotila na Israele. Yandi yalaka bamvula zole na bwala Samaria.

53 Yandi salaka masumu na meso ya Mfumu Nzambi na kulanda mbandu ya mbi ya tata na yandi Akabi, ya mama na yandi Yezabele...

54 Yandi vandaka kusamba ti kusadila nzambi Baale. Yandi pesaka Mfumu Nzambi, Nzambi ya Israele, makasi, mutindu salaka tata na yandi.

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Nzambi songaka Akabi nde kana yandi kwenda na mvita yina, yandi fweti kufwa kuna. Yina ndinga ya Nzambi. Mambu ya Nzambi ...ke tubaka, Yandi ke lungisaka yo.

Kansi Akabi yindulaka nde yandi vandaka mayele kuluta Nzambi Yandi mosi. Akabi tubaka nde mambu ve, yandi ta kudibumba na kati ya mvita. Bana, keti munti lenda kudibumba na mpila nde Nzambi mona yandi ve ? (Ikele ve.) Yandi yindulaka nde kana yandi lwata ve lele ya kimfumu, basoda ta mona ve nde yandi kele mfumu.

Kansi muntu lenda kusa Nzambi ve. Konso ndinga Yandi tuba, Yandi fweti lungisa yo. Yo yina, Akabi fwaka na tolotolo ya kwenda kaka mpidina. Muntu tesaka ve kubula yandi, kansi bo bulaka yandi, ebuna yandi fwaka. Ndinga ya Nzambi konso ntangu kieleka !

Devoir sambu na bakristo :

Benno bakristo, sakana ve na ndinga ya Nzambi. Ntangu beno tanga yo to kuwa yo na mposo yai, tula ngolo kulanda yo. Yo kele kieleka kaka. Invitation sambu na bo ya me yamba Yesu ntete ve :

Bible ke tuba nde Akabi ti nkento na yandi Yezebele vandaka mbi kuluta bantu yonso. Kansi mambu ya kieleka ikele nde beto yonso me sala

mbi—mambu ya Nzambi ke zola ve. Beto yonso kele na makambu ti Nzambi sambu na mbi na beto.

Yina kele nsangu ya mawa, ya mpasi. Kansi nsangu ya kiese kele nde Nzambi zolaka beto mingi. Yo yina Yandi tindaka Mwana na Yandi Yesu Kristo. Yesu zingaka mbote kaka, ebuna Yandi fwaka na zulu ya kulunsi na sika na beto. Yandi futaka lufutu ya mbi na beto, ti Yandi telamaka na lufwa. Konso muntu ya balula ntima ti tula kivuvu na Yesu, yandi ta guluka. Nzambi ta lolula masumu yonso na yandi. Mbote kuzaba mbote bubuyai nde nge me yamba Yandi. Beto kele awa sambu na kusadisa beno.

NSUKA YA LESO 15

Leso 16. Basoda ya Yozafati nungaka mvita na bankunga ya kumisa Nzambi.

2 Bansangu 20 :1-30

I. PREPARATION SAMBU NA MONITEUR-

□ Kikuma ya Leso :

Beto kumisa Nzambi mingi, sambu Yandi ke lunga na kubaka lukumu, mpi sambu Yandi zola sadisa bantu na yandi bu bo kumisa Yandi.

□ Verset ya Kulonguka :

2 Bansangu 20:22 Ntangu bo yantikaka kuyimba nkunga, Mfumu Nzambi kumisaka basoda ya bambeni kisakasaka, bo yantikaka kunwana bo na bo.

□ Bankunga ya kwenda nzila mosi ti lesa :

Aleluya !

Kumisa Nzambi

II. REVISION

□ Kuyindula diaka baleso me luta :

Akabi waka ndinga ya Nzambi ya songaka yandi nki sambu na mvita ? (Nde kana yandi kwenda na mvita yina, yandi ta fwa po pana.) Kansi Akabi landaka ndinga ya Nzambi ve. Yandi kotaka mvita ti nki salamaka ? (Ee, yandi fwaka, kaka mpila Nzambi songaka yandi.)

III. KULONGA LESO YAI □

Kuyantika :

Na mposo ya me luta, beto monaka mpila Mfumu Akabi fwaka sambu yandi kwikilaka ve ndinga ya Nzambi. Mfumu Akabi vandaka Mfumu ya Kimfumu Israele, na norde partie ya ntoto. Kaka ntangu yina, mfumu ya nkaka vandaka kuyala ya Kimfumu na ndambu ya sud, Kimfumu ya Yuda. Beno me wa zina na yandi dezia. Yandi mfumu ya zolaka ve kuwa bapofete ya luvunu. Basoda vandaka kulanda yandi na mvita, sambu yandi vandaka kulwata lele ya kimfumu. Bo banzaka nde yandi vandaka Akabi. Kansi ntangu bo monaka nde yandi Akabi ve, bo bikisaka yandi. Zina ya mfumu yai Yozafati. Yozafati zolaka Nzambi mingi. Bubuyai beto ta mona mpila Nzambi sadisaka yandi na mvita ya nkaka.

□ Malongi ya nene ya lesa yai (developpement) na banti 4 :

16.1 Bambeni kwisaka mingi kunwanisa Mfumu Yozafati ti bantu ya Yuda. Na boma, Yozafati twadisaka bantu ya Yuda kusosa Nzambi ngolo. □ Tangila bana baverse yai :

2 Bansangu 20 :1 Na nima, bantu... kwisaka kunwanisa bantu ya Yuda bitumba.

2 Bantu kwisaka kuzabisa Ntotila Yozafati nde : « Basoda mingi ...ke kwisa kunwanisa nge bitumba....

3 Boma simbaka Yozafati. Yandi tubaka nde yandi fweti yula Mfumu Nzambi. Yandi songaka bantu yonso ya ntoto ya Yuda na kubuya kudia.

4 Bantu katukaka na babwala yonso ya Yuda. Bo kwisaka na Yeruzalemi sambu na kusamba Mfumu Nzambi nde Yandi sadisa bo.

5 Yozafati telamaka na kati-kati ya lupangu ya mpa ya Nzo-Nzambi. Bantu yonso ya Yuda ti ya Yeruzalemi me ziunga yandi,

6 ebuna yandi sambaka Nzambi nde, “Mfumu Nzambi...Nge Muntu ke yala zulu ti ntoto. Nge ke vandaka na ngolo mingi mpenza. Muntu lenda kuka Nge ve.

10 « Mfumu Nzambi, tala. Ntangu yai, bantu ya Amoni ti bantu ya Moabi ti bantu ya ntoto ya bangumba ya Edomi ke kwisa kunwanisa beto. 12...Beto ke na ngolo ve. Beto ke kuka ve kunwana na basoda yai mingi-mingi. Beto ke zaba ve nki beto fweti sala, yo yina beto ke tula meso na Nge.”

? Yula bana

- Bana sala bageste to mwa-senete
- Bana yimba ti kina

16.2 Profete Zahaziele songaka bo nde mvita yai kele ya bo ve, kansi ya Nzambi.

Tangila bana baverse yai :

20 :14 Mpeve ya Mfumu Nzambi bwilaka ...Yahaziele....

15 Yahaziele tubaka nde: “Beno yonso beno bantu ya Yuda ti ya Yeruzalemi, ti nge mpi Mfumu Yozafati, beno yonso, beno wa mbotembote. ...Mfumu Nzambi ke tuba...: “Beno vanda kikesa, beno tina basoda yai mingi boma ve. Bitumba yai me tadila beno ve, kansi yo me tadila Mono, Nzambi na beno.

17 Benoitanda na mfunu ya kunwanisa bo ve. Benoitanda telama kaka pana, beno vingila, beno ta mona mutindu Mono ta gulusa beno. Beno... mona boma ve. Beno tekita va. Beno kwenda kaka kutana ti bo. Mono Mfumu Nzambi ta vanda na beno.

? Yula bana

- Bana sala bageste to mwa-senete
- Bana yimba ti kina

16.3 Bo yantikaka kaka kumisa Nzambi na bankunga.

Tangila bana baverse yai :

20 :20 Na kilumbu landaka na suka-suka, bantu kwendaka... Ntangu bo zolaka kwenda, Yozafati tubaka na bo nde : « ...Beno tula ntima na Mfumu Nzambi.... ebuna beno ta nunga. »

21 Yozafati ...songaka bantu ya nkaka ya kubula miziki na kulwata bilele ya nsiku. Yandi tulaka bo na ntwala ya basoda sambu na kukumisa Mfumu Nzambi nde : « Lukumu na Mfumu Nzambi, kuzola na Yandi ke manaka ve ! »

? Yula bana

- Bana sala bageste to mwa-senete
- Bana yimba ti kina

16.4 Ntangu bo yantikaka kumisa Nzambi, Nzambi tindaka bawanzio na yandi kutula mbeni kisaka-saka. Bantu ya Yuda nungaka kukonda kunwana ti bo. Bo vutukaka kaka na kumisa Nzambi .

Tangila bana baverse yai :

20 :22 Ntangu bo yantikaka kuyimba nkunga, Mfumu Nzambi kumisaka basoda ya bambeni kisaka-saka. Bo yantikaka kunwana bo na bo.

27 Yozafati vutulaka basoda na yandi na Yeruzalemi na kiese yonso, sambu Mfumu Nzambi bedisaka bambeni na bo.

28 Bo kwisaka kukota na bwala na kubula bagitare ti bampungu. Bo kwendaka na NzoNzambi.

29 Ntangu nsangu panzanaka nde Mfumu Nzambi me bedisa bambeni ya Israele, bantu ya bantoto yonso yantikaka kutina Nzambi boma.

? Yula bana

- Bana sala bageste to mwa-senete
- Bana yimba ti kina >|<

Kumanisa Malongi :

Profete ya Nzambi songaka Mfumu Yozafati nde bo nwana ve na mvita yai, kansi bo kaka kumisa Nzambi na bankunga. Ebuna, na mpila bo pesaka Nzambi lukumu, Yandi mpi sadisaka bo. Yandi

tindaka bawanzio na Yandi sambu na kunwanisa bambeni na bo. Bambeni kumaka kisaka-saka. Bo yantikaka kunwana bo na bo. Bantu ya Yuda vutukaka na kiese yonso. Nzambi nwanisaka bambeni na bo ntangu bo yimbilaka Yandi bankunga. O, Nzambi ke zola mingi beto kumisa Yandi. Yandi zola sadisa bo ya pesa Yandi lukumu.

Devoir sambu na bakristo :

Bana bakristo, na mposo yai, beto kumisa Nzambi kuluta. Kumisa Yandi konso lumbu na bankunga. Nzambi ke na kiese kana beto pesa Yandi lukumu na ntima na beto yonso.

Invitation--bo ya me yamba Yesu ntete ve : Mbala ya nkaka ntima na nge zola mingi ve kumisa Nzambi. Yai lenda vanda sambu kieleka, nge ke zaba Yandi ve. Nge me yamba Yesu ntete ve bonso Mvulusi ti Mfumu na nge. Tula ntima na Yandi bubuyai. Binga Yandi sambu Yandi vulusa nge ti lolula masumu yonso ya nge. Yandi ta kitula nge mpi mukristo, ti Yandi ta pesa nge ntima ya zola kumisa Yandi.

NSUKA YA LESO 16

Leso 17. Mfumu ya Yuda Yozafati tindaka balongi ya ndinga ya Nzambi, kansi bantu waka ve.

1 Bantotila 22 :41-50, 2 Bansangu 17, 19, 20

I. PREPARATION SAMBU NA MONITEUR-

Kikuma ya Leso :

Ntangu beto kuwa malongi ya Nzambi, beto tula ntima mpi kulanda yo. Verse ya Kulonguka :

Kulonga 4 :29 ...beno ta sosa Mfumu Nzambi...kana beno sosa Yandi na ntima yonso mpenza, beno ta mona Yandi. Bankunga ya kwenda nzila mosi ti leso :

Sosa Ntete

Kana Nge Me Vuluswa

II. REVISION

Kuyindula diaka baleso me luta :

Na mposo me luta, beto monaka mpila Nzambi nungisaka Mfumu Yozafati ti bantu na yandi na ntangu ya kingonsa. Yandi nungisaka bo kaka ntangu bo kumisaka Yandi na bankunga. Bubuyai, beto ta mona nsuka ya luzinga ya Yozafati. III.

KULONGA LESO YAI Kuyantika :

Kana nge me zwa kima ya mbote, keti nge zola bampangi na nge kuvanda na yo mpi ? Ee. Konso kima ya mbote, beto zola kaba yo na bampangi ya nkaka. Yozafati sosaka Nzambi na ntima na yandi yonso, ti Nzambi sadisaka yandi na mambu mingi.

Yandi zabaka nde kukwikila na Mfumu Nzambi, yo kele mambu mosi ya mbote. Yandi talaka bampangi na yandi bantu ya Yuda. Mingi na kati na bo me kangama na biteki ya mbi. Biteki yina lendaka kusadisa bo ve. Biteki yina ta sala bo mbi, sambu yo me kangama na bampeve ya mbi. Nki Yozafati lenda sala sambu na kusadisa bampangi ?

Malongi ya nene ya lesu yai (developpement) na banti 4 :

17 :1 Yozafati katulaka biteki na ntoto ya Yuda.

Tangila bana baverse yai :

2 Bansangu 17 :3 Mfumu Nzambi vandaka na Yosafati sambu yandi vandaka kulanda bifu ya mbote ya tata na yandi ... Yandi vandaka kusambila ve nzambi Baale,

4 kansi yandi vandaka kutula ngolo na kuzaba luzolo ya Nzambi ... ti kulemfukila bansiku ya Nzambi....

6 Ntima na yandi vandaka kumona kiese na lulanda luzolo ya Mfumu Nzambi. Yandi fwaka bisika yonso ya kusambila banzambi ya biteki na ntoto ya Yuda....

? Yula bana

Bana sala bageste to mwa-senete

Bana yimba ti kina

17 :2 Yozafati yandi mosi longaka bantu ndinga ya Nzambi, ti yandi tindaka banlongi sambu na

kulonga yo. Yandi tindaka mpi bazuzi ya kuzenga makambu na mpila ndinga ya Nzambi tubaka. Kiese ya nene !

Tangila bana baverse yai :

19 :4 Ntotila Yozafati ...konso ntangu yandi vandaka kutambula na ntoto yonso... Yandi vandaka kubinga bantu ...na kwisa kuvutuka na Mfumu Nzambi...

2 Bansangu 17 :4 ...yandi vandaka kutula ngolo na kuzaba luzolo ya Nzambi ya tata na yandi, ti kulemfukila bansiku ya Nzambi. Yandi vandaka kulanda ve bifu ya bantotila ya Israele.

7 Na mvula ya tatu ya kimfumu na yandi, yandi tindaka bantu (tanu) na kwenda kulonga bantu ya babwala ya Yuda.

8 Bo kwendaka nzila mosi na banganga Nzambi yai zole Elishama ti Yorami ti bantu ...uvwa ya dikanda ya Levi...

9 Bo nataka Mukanda ya Bansiku ya Mfumu Nzambi, ebuna bo tambulaka na babwala yonso ya Yuda na kulonga bantu.

19 :5 Yandi tulaka bazuzi na konso bwala ya ngolo na kimfumu ya Yuda,

6 yandi songaka bo nde : “Beni sala kisalu ya beni na nzila ya mbote, sambu beni ke zengaka makambu na zina ya bantu ve, kansi na zina ya Mfumu Nzambi.

8 Na bwala Yeruzalemi mpi, Yozafati tulaka bantu ya dikanda ya Levi, Banganga-Nzambi ti bambuta ya nkaka na kuzenga makambu...

? Yula bana

Bana sala bageste to mwa-senete

Bana yimba ti kina

17 :3 Kansi ata bo waka ndinga ya Nzambi, bantu ya Yuda yidikaka ve ntima na bo kusosa Nzambi. Mawa na bo !

Tangila bana baverse yai :

2 Bansangu 20 :31-32 Yozafati ...vandaka kulanda bifu ya mbote ya tata na yandi Aza. Yandi vandaka kusala mambu ya mbote na meso ya Mfumu Nzambi.

33 Kansi bisika ya kusambila banzambi ya biteki, yandi fwaka yo ve kimakulu. Mpidina, bantu vandaka kudipesa ve na ntima na bo yonso na Nzambi...

? Yula bana

Bana sala bageste to mwa-senete

Bana yimba ti kina

17.4 Bana ya Yozafati monaka mpila tata landaka Nzambi. Kansi na nima yandi fwaka, mwana na yandi Yorami landaka Nzambi ve. Yandi fwaka bampangi yonso ti salaka mbi na ntwala ya Nzambi. O, mawa mingi !

Tangila bana baverse yai :

2 Bansangu 21 :1 Ntangu Yozafati kufwaka...Mwana na yandi Yorami bikaka kuyinga yandi na kimfumu.

2 Yorami, mwana ya Yozafati ntotila ya Yuda, vandaka na bampangi sambanu ya babakala...

4 Ntangu Yorami me kumisa kimfumu na yandi ngolo, yandi fwaka bampangi na yandi yina yonso sambanu, ti bambuta ya nkaka ya Israele.

6 Yandi landaka bifu ya mbi ...mutindu vandaka bifu ya fami ya Akabi, sambu yandi kwelaka mwana ya ntotila Akabi. Yorami vandaka kusala masumu na meso ya Mfumu Nzambi.

? Yula bana

Bana sala bageste to mwa-senete

Bana yimba ti kina

>< Kumanisa Malongi :

Nzambi sakumunaka bantu ya Yuda na Mfumu ya zolaka Nzambi ti tulaka ngolo kulanda Yandi.

Mfumu yina tindilaka bo banlongi sambu bo mpi zaba ndinga ya Nzambi. Bo waka malongi ya Nzambi, kansi bo yidikaka ve ntima na bo kulanda yo. O, mawa ! Mwana ya mbuta ya Yozafati, Yorami, yandi yingaka tata, kansi yandi kwendaka nswalu kusala mbi, sambu na ntima na yandi, yandi zengaka ve kulanda Nzambi.

Devoir sambu na bakristo :

Bana bakristo, nki mutindu beno ke wa ndinga ya Nzambi ? (Ee, na nzo-Nzambi, na malongi ya ecodim, ti na kutanga to kuwa Bible na nzo.) Nki mutindu beno lenda sadisa bampangi ya nkaka sambu bo mpi kuwa yo? (Ee, kulomba bo kukwenda na bisambu to na ecodim ti nge, kutangila bo ndambu ya Bible, kulomba bo, bo kwisa kuwa ntangu muntu ya nkaka ke tangila nge.) Na mposo yai, beto sosa mpila kubenda mpangi ya nkaka, bo mpi kuwa ndinga ya Nzambi. Beto samba Nzambi nde malongi yina kota mbote na ntima na bo.

Invitation-- bo ya me yamba Yesu ntete ve :

Keti nge kele bonso Mfumu Yozafati, ya landaka Nzambi na ntima na yandi yonso ? To, keti nge kele bonso bantu ya Yuda, ya waka ndinga ya Nzambi kansi bo yidikaka ntima ve kusosa Nzambi ? To bonso Yorami, ya waka malongi ya tata ti monaka luzingu ya kinzambi na yandi, kansi yandi mosi zengaka nde yandi ta landa na nzila yina ve ? Ketu nge me yamba Yesu Kristo na ntima na nge yonso ? Ketu nge kele kulanda Yesu Kristo ?

Ata tata ti mama na nge ke landa Nzambi, nge fweti zenga kana nge mpi ta kuma mulonguki ya Yesu. Kana nge ke zaba ve mbote-mbote, bubuyai nge lenda zikisa mambu yina. NSUKA YA LESO 17

Leso 18. Nzambi buyaka Ahazia sambu yandi sosaka lusadisu ya kiteki.

2 Bantotila 1 :1-17

I. PREPARATION SAMBU NA MONITEUR-

Kikuma ya Leso : Beto sosa lusadisu ya Nzambi kaka, ya bantu ya nkaka ve.

Verset ya Kulonguka : 2 Bantotila 1:3 ...”Sambu na nki beno ke kwenda na Baale-Zebubi, nzambi ya bwala Ekroni? Keti ke na Nzambi ve na Israele, yo yina beno ke kwenda kuna ?”

Bankunga ya kwenda nzila mosi ti leso :

Banzambi ya Nkaka
Lomba na Nzambi Kaka

II. REVISION

Kuyindula diaka baleso me luta :

Na leso me luta, beto landaka bamfumu ya ndambu ya sud, na kimfumu ya Yuda. Beto monaka nde Yozafati vandaka mfumu ya mbote ya tindaka banlongi sambu bantu kuwa ndinga ya Nzambi. Kansi bantu landaka malongi yina na ntima na bo yonso ve. Mwana na yandi Yorami kumaka diaka mfumu ya mbi. III. KULONGA LESO YAI Kuyantika :

Na mposo yai, beto ke vutuka na ndambu ya norde, na kimfumu ya Israele. Akabi, mfumu ya mbi mingi, me fwaka. Mwana na yandi Ahazia yingaka yandi na kimfumu ya Israele.

Malongi ya nene ya leso yai (developpement) na banti 4 :

18.1 Ahazia bwaka, ye yandi zolaka kuzaba kana yandi ta zinga to yandi ta fwa.

Tangila bana baverse yai :

2 Bantotila 1 :2a

Kilumbu mosi Ahazia, ntotila ya Israele, vandaka kuna na etaze ya nzo na yandi na bwala Samaria. Yandi bwaka na ntoto. Yandi lwalaka ngolo.

? Yula bana

Bana sala bageste to mwa-senete

Bana yimba ti kina

18.2 Yandi tindaka ndinga kuyula mambu yina ya kiteki, nzambi ya bwala Ekron.

Tangila bana baverse yai :

2b Yandi tindaka bantu na yandi nde : « Beno kwenda na Baale- Zebubi, nzambi ya bantu ya Filistia na bwala Ekroni. Beno yula yandi kana mono ta beluka na bamputa yai to ve.”

? Yula bana

Bana sala bageste to mwa-senete

Bana yimba ti kina

18.3 Nzambi tindaka Elia kusonga yandi nde yandi ta fwa sambu yandi sosaka lusadisu ya nzambi ya nkaka, kansi ya Mfumu Nzambi ve.

Tangila bana baverse yai :

3 Kansi wanzio ya Mfumu Nzambi songaka profete Elia ya bwala Tishebe na kwenda kukutana ti bantu yina ya Ntotila Ahazia tindaka ti kuyula bo nde : « Sambu na nki beno ke kwenda na Baale-Zebubi, nzambi ya bwala Ekroni ? Keti ke na Nzambi ve na Israele, yo yina beno ke kwenda kuna ?

4 Beno kwenda songa Ntotila Ahazia nde : ‘Mfumu Nzambi ke tuba nde mbeto ya nge me lala, nge ta telama na yo diaka ve. Nge ta fwa kaka !’ “ Elia kwendaka kusala mutindu Mfumu Nzambi songaka yandi.

? Yula bana

Bana sala bageste to mwa-senete

Bana yimba ti kina

18.4 Ntangu Elia kwisaka, yandi songaka mambu yina diaka. Ebuna Ahazia fwaka bonso Nzambi me tuba.

Tangila bana baverse yai :

15 Wanzio ya Mfumu Nzambi tubaka na Elia nde : « ...kulumuka tibasoda ya Ntotila Ahazia.

16 Elia tubilaka Ahazia nde : « Mfumu Nzambi me tuba nde : ‘Sambu nge me tinda bantu na nge na Baale-Zebubi, nzambi ya Ekroni, bonso nde Nzambi kele ve na Israele ya nge lenda yula, nge ta telama ve na mbeto ya nge me lala. Nge ta fwa kaka. »

17 Ahazia fwaka mutindu Mfumu Nzambi tubaka na munoko ya Elia. Ahazia vandaka na bana ve, yo yina leki na yandi Yorami yingaka yandi na kimfumu....

? Yula bana bangiufula tatu na zulu ya malongi yai, selon niveau na bo.

Bana sala bageste to mwa-senete ya songa nki bo me wa na kitini ya malongi yai.

Bana yimba ti kina mambu ya nene ya bo me wa na kitini ya malongi yai.

>|< Kumanisa Malongi :

Nzambi zola bantu na Yandi kubinga zina na Yandi, kulomba lusadisu na Yandi, ya banzambi to bantu ya nkaka ve. Sambu na nki Ntotila Ahazia bingaka kiteki yai Baale ? Ketu yandi yindulaka nde kima yai ya bantu me sala na maboko na bo, yo vandaka ngolo kuluta Nzambi-Mpungu ? Nzambi vandaka na kiese na yo ve. Yo yina, Yandi songaka Ahazia nde yandi ta zinga ve. Yandi ta fwa. Ee, nswalu yo salamaka kaka na mpila Nzambi tubaka. Mbote yandi sosaka lusadisu ya Mfumu Nzambi ?

Devoir sambu na bakristo :

Bana bakristo, devoir mono ke pesa beno na mposo yai kele kusosa lusadisu ya Nzambi na mambu yonso, sambu yai ke pesa Yandi lukumu.

Invitation sambu na bo ya me yamba Yesu ntete ve :

Mbala ya nkaka nge kele nswalu ve kulomba lusadisu ya Nzambi sambu kieleka, nge ke zaba Yandi ntete ve. Mbala ya nkaka nge me yamba Yesu Kristo na ntima na nge ntete ve.

Nzambi tindaka Mwana na Yandi Yesu sambu na kugulusa konso muntu ya ta balula ntima ti tula Yandi kivuvu. Yandi fwaka ti telamaka sambu na nge.

Kana nge me balula ntima na Yandi ntete ve, nki ta kanga nge nzila kutula ntima na Yandi sesepiyai ?

NSUKA YA LESO 18

Leso 19. Nzambi bakaka Elia na zulu na pusupusu ya tiya. Ebuna Elisa yingaka Elie bonso profeti.

2 Bantotila 2 :1-25

I. PREPARATION SAMBU NA MONITEUR-

Kikuma ya Leso :

Beto landa Nzambi ata bantwadisi kuchanger, sambu beto zaba nde Nzambi kele kiteso mosi. Yandi ke changaka ve.

Verset ya Kulonguka :

Ba-Ebreo 13 :8 Yesu Kristo kele kiteso mosi ntangu yai mutindu Yandi vandaka ntete, ebuna Yandi mpi ta vanda kaka kiteso yina mvula na mvula.

Nkunga ya kwenda nzila mosi ti lesu :

Mazono, Bubu, Mvu ya Mvu

II. REVISION

Kuyindula diaka baleso me luta :

Elia me manisa kisalu na yandi. Yandi me binga Elisa, ti yandi me sala sikamosi ti yandi. Ntangu yai, luzingu ya Elia na ntoto yai me kuma penepene. Baprofete yonso ya Nzambi ke zaba yo.

III. KULONGA LESO YAI Kuyantika :

Keti nge me vanda na dibundu sika nge zolaka pasteur to ntwadisi mingi ? Kansi na nima, pasteur ya nkaka kwisaka. To mbala ya nkaka nge vandaka na longi ya nge zolaka mingi, to ntwadisi ya chorale. Nki bantu ya Nzambi fweti sala ntangu Nzambi pesa bo ntwadisi ya mpa ? Beto tala bubuyai mutindu Elisa salaka ntangu Nzambi bakaka longi na yandi Elia.

Malongi ya nene ya lesu yai (developpement) na banti 4 :

19.1 Elisa vandaka kutambula ti longi na yandi Elia. Nzambi songaka yandi ti baprofete ya nkaka nde ntangu me lunga Nzambi kubaka Elia.

Tangila bana baverse yai :

2 Bantotila 2 :1-3

1 Ntangu Mfumu Nzambi tombulaka Elia na zulu na kati ya mupepe ya ngolo, Elia vandaka na nzila ti Elisa...

2 Ebuna ...Elia tubaka na Elisa nde : « Bikala awa... » Kansi Elisa vutulaka nde : « Monota bika nge ve. »

3 Ndonga ya baprofete ...bo kwisaka kusonga Elisa nde : « Ketu nge ke zaba nde bubu yai Mfumu Nzambi ke katula nge mfumu na nge, yandi ke nata yandi na zulu ? » Elisa nde, « E, mono me zaba... »

? Yula bana

Bana sala bageste to mwa-senete

Bana yimba ti

19.2 Na ngolo ya Nzambi, Elia kangulaka masa ya Yordani na lele na yandi.

Tangila bana baverse yai :

2:8 Ntangu yai Elia bakaka kazaka na yandi, yandi kangaka yo, ebuna yandi bulaka yo na masa. Masa kabanaka na ndambu zole, ebuna yandi ti Elisa kwendaka na simu na zulu ya ntoto ya kuyuma.

? Yula bana

Bana sala bageste to mwa-senete

Bana yimba ti kina

19.3 Kulomba ya nsuka ya Elisa: nde mpeve ya Nzambi kuvanda na yandi double. Elia vutulaka nde kana Elisa mona yandi kwenda na zulu, yo ta salama.

Tangila bana baverse yai :

2 :9 Ntangu bo me sabuka imene, Elia tubilaka Elisa nde : « Awa ya Mfumu Nzambi me katula mono ntete ve, songa mono nki nge zola mono sala nge. » Elisa vutulaka nde : « Pardo, bikila mono mpeve na nge ya kiprofete mbala zole. Mpidina mono ta zaba kuyinga nge. »

10 Elia nde : « Nge me lomba mono kima mosi ya ngolo, kansi nge ta baka yo kana nge mona mono ntangu Nzambi ke katula mono. Kana ve, nge ta baka yo ve. »

? Yula bana

Bana sala bageste to mwa-senete

Bana yimba ti kina

19.4 Elisa monaka Nzambi kubaka Elia na zulu na bampunda ti shariot ya tiya. Yo yina, yandi kangulaka masa ya Yordani kuvutuka kaka mpila Elia salaka, ti baprofete yonso monaka nde Mpeve ya Nzambi vandaka na yandi.

Tangila bana baverse yai :

2 :11 Ntangu bo vandaka ke kwenda ti kusolula na nzila, pusupusu mosi ya tiya ti bampunda ya tiya kwisaka kukabisa bo ; ebuna mupepe ya ngolo nataka Elia ti na zulu.

12 Elisa ...yantikaka kudidila Elia nde : « Tata na mono, tata na mono !» Yandi bikaka kumona Elia diaka ve. Mawa simbaka Elisa ngolo. Yandi pasulaka bilele na yandi na ndambu zole.

13 Ebuna yandi lokutaka kazaka ya Elia yina kubwaka na ntoto....Yandi kwendaka kutelama na lweka ya Yordani,

14 ebuna yandi bulaka kazaka ya Elia na masa ti kutuba nde : “Wapi ...Nzambi ya Elia?” Yandi bulaka diaka kazaka na masa, masa kabanaka, ebuna yandi sabukaka na zulu ya ntoto tii na simu.

15 Ntangu baprofete yina makumi tanu...monaka Elisa na simu, bo tubaka nde :

”Mpeve yina vandaka kunata Elisa, Yandi me kuma na Elisa!”....

? Yula bana

Bana sala bageste to mwa-senete

Bana yimba ti kina

>< Kumanisa Malongi :

Nzambi bakaka moyo ya profete Elia, kansi ngolo ya Nzambi manaka ve. Ngolo ya Mpeve ya Nzambi kwisaka na Elisa, na mpila Elisa me lomba. Elisa vandaka na mpila kusala bimpa kaka kiteso mosi na yina ya Elia salaka. Bansadi ya Nzambi ke fwa, ke kwenda na sika ya nkaka. Bansadi ya nkaka ke kwisaka, kansi ngolo ya Nzambi kele kiteso mosi. Yo kele kuchanger ve. Beto landa Yandi kaka.

Devoir sambu na bakristo :

Beno bakristo, devoir mono ke pesa nge kele kulanda Nzambi na mposho yai, ata nge zola mingi bantwadisi na ntwala na nge, ata nge zola bo mingi ve. Beto ke landa bantu ve, kansi Nzambi.

Invitation sambu na bo ya me yamba Yesu ntete ve :

Bu ntangu lungaka Elia kukwenda na zulu, yandi vandaka na boma ve. Yandi zabaka nde Nzambi ta vanda na yandi ti Nzambi ta baka yandi na nzo na Yandi.

Keti nge zaba Nzambi mutindu yina ? Ketu nge zaba nde kana Nzambi baka moyo na nge bubuyai, nge ta kwenda na bwala na Yandi ? Ketu nge zaba nde Yesu Kristo me lolula masumu yonso ya nge ? Kana nge kele ve sur, nge lenda zenga mambu yina bubuyai. Kana nge ke na mfunu ya lusadis, kwisa kumona beto na nima ya ecodim. Beto ta vanda na kiese kusadisa nge.

NSUKA YA LESO 19

Leso 20. Elisa sadisaka nkento ya kinzambi kubaka mafuta.

2 Bantotila 4 :1-7

I. PREPARATION SAMBU NA MONITEUR-

Kikuma ya Leso :

Beto tula Nzambi ntima kusadisa beto na konso kima beto ke na yo mfunu.

Verset ya Kulonguka :

Filipi 4:19 Nzambi na beto ta pesa beno bima yonso ya beno ke na yo mfunu, bonso kele kimvwama na yandi ya nene yina ya Yandi ke na yo na Yesu Kristo.

Bankunga ya kwenda nzila mosi ti leso :

Lomba na Nzambi Kaka
Nani Kele Ngolo ?

II. REVISION

Kuyindula diaka baleso me luta :

Beto me mona nde Nzambi bakaka moyo ya Elia, kansi Elisa yingaka yandi na kiprofete. Ngolo ya Nzambi vandaka na yandi bonso yo vandaka na Elia. III. KULONGA LESO YAI

Kuyantika :

Beto kele na mfunu ya bima mingi na luzingu yai. [Bana lenda tuba bima bonso lele, mada, masa, etc.] Kansi nki beto ta sala kana ntangu ya mpasi kwisa, ti bima ya beto ke na yo mfunu, yo suka ?

Elisa kutaka nkento ya vandaka na mpasi yina.
Malongi ya nene ya leso yai (developpement) na banti 4 :

20.1 Nkento ya mosi ya baprofete songaka Elisa mpasi na yandi : Bakala me fwa, ti yandi me bikala na badette. Kana yandi futa ve, bo zola baka bana na yandi zole kuvanda bampika.

Tangila bana baverse yai :

2 Bantotila 4 :1

4 :1 Kilumbu mosi nkento mosi kwisaka kudidila profete Elisa. Nkento yango vandaka mufwidi. Bakala na yandi vandaka muntu ya ndonga ya baprofete. Nkento tubilaka Elisa nde : “Mfumu, bakala na mono me fwaka. Nge zaba nde yandi vandaka kusamba Mfumu Nzambi ngolo. Kansi tala, ntangu yai muntu mosi ya beto fweti futa mfuka, yandi me kwisa kubaka bana na mono zole, nde yandi kumisa bo bampika sambu na mfuka yina.”

? Yula bana

Bana sala bageste to mwa-senete

Bana yimba ti kina

20.2 Elia yulaka nki yandi vandaka na yo. Yandi vutulaka nde, Kaka mulangi mosi ya fioti ya mafuta.

Tangila bana baverse yai :

2 Elisa yulaka yandi nde: “Nki mono lenda sala sambu na nge ? Songa mono nki nge ke na yo na nzo. » Nkento vutulaka nde : « Kima ve ata fioti, kaka mulangi ya fioti ya mafuta. »

? Yula bana

Bana sala bageste to mwa-senete

Bana yimba ti kina

20.3 Elia songaka yandi kudefa milangi mingi, ebuna kutula mafuta na yo. Ebuna yandi salaka mpidina, ti milangi yonso fulukaka.

Tangila bana baverse yai :

4 :3 Elisa nde: “Kwenda na bantu yina ke vandaka penepene na nge. Nge defa tumilangi mingi ya mpamba na kati. Baka yo mingi.

4 Ebuna kota na nzo ti bana na nge, kanga kielo. Ntangu yai, yantika kutula mafuta na

milangi yina, konso mulangi me fuluka, nge tula yo na lweka.”

5 Nkento yango kwendaka ka yandi. Ntangu yandi kumaka na nzo na yandi, yandi kotaka ti bana na yandi. Yandi kangaka kielo, ebuna yandi yantikaka kutula mafuta na tumilangi yina ya bana na yandi ke natila yandi.

6 Ntangu bo me fulusa milangi yonso, yandi yulaka kaka yankaka me bikala. Mwana na yandi mosi tubaka nde: “Yonso me mana.” Ntangu yai, mafuta mpi basikaka diaka ve.

? Yula bana

Bana sala bageste to mwa-senete

Bana yimba ti kina

20.4 Elisa songaka yandi kuteka mafuta sambu na kufuta badette, ebuna kuzinga na yina me bikala.

Tangila bana baverse yai :

4 :7 Nkento vutukaka na profete Elisa ti kusonga yandi mambu yina yonso. Elisa tubaka na yandi nde :”Kwenda kuteka mafuta yina, ebuna mbongo yina, nge ta futila mfuka yonso. Mbongo yina ta bikala, nge ta zingilaka ti bana na nge. »

? Yula bana

Bana sala bageste to mwa-senete

Bana yimba ti

>|< Kumanisa Malongi :

Mufwidi yina sosaka lusadisu ya Nzambi na nzila ya profete na Yandi. Yandi landaka yonso yandi songaka yandi kusala. Yo yina, Nzambi sadisaka yandi. Yandi manisaka badette ti yandi zwaka mafuta ya sadisaka yandi ti fami sambu bo kudia. Nzambi zaba konso besoin beto ke na yo. Yandi zola sadisa beto ntangu beto sosa Yandi.

Devoir sambu na bakristo :

Nki nge ti fami na nge ke na yo mfunu ? Devoir mono ke pesa beno bakristo, yo yai : Na mposo yai, sosa lusadisu ya Nzambi na yonso beno ke na yo mfunu, Yandi sadisa beno. Invitation sambu na bo ya me yamba Yesu ntete ve :

Mambu mosi ya beto yonso ke na yo mfunu kele ndolula ya masumu na beto. Beto ke na mfunu ya Mvulusi kuvutula beto na nzila ti kutula beto mbote diaka ti Nzambi. Kaka Yesu Kristo kele Mvulusi yina.

Keti nge me tula Yandi ntima ? Kana ve, keti nge ta sala yo bubu ?

NSUKA YA LESO 20

Leso 21. Nkento ya bwala Shunemi salaka chambre sambu Elisa kupema. Nzambi kangulaka divumu na yandi kubuta.

2 Bantotila 4 :8-17

I. PREPARATION SAMBU NA

MONITEUR- Kikuma ya Leso :

Beto sadila Mfumu Nzambi na yonso beto ke na yo. Beto tula Yandi ntima kuyika beto bima yonso ya kele mfunu.

Verset ya Kulonguka :

Matayo 6 :33 “Kansi beno landa kaka na kusosa Kimfumu ya Nzambi ti mambu yina ya Yandi ke zolaka. Ebuna Yandi ta yika beno bima yina yonso.” Bankunga ya kwenda nzila mosi ti leso :

Nani Kele Ngolo ?
Sosa Ntete

II. REVISION

Kuyindula diaka baleso me luta :

Na mposo me luta, beto monaka mpila profete Elisa sadisaka mufwidi mosi ya nkento, nkento ya nsukami. Kansi ata bantu ya mbongo lenda mpi konda bima ya mfunu. Bubuyai beto ta mona mpila Elisa sadisaka nkento ya mbongo, ti mpila yandi sadisaka Elisa.

III. KULONGA LESO YAI-

Kuyantika :

Mbala mingi beto yindula nde mbongo lenda sumba konso kima. Nki bima ya mbote mbongo lenda sumba ? [Bana vutula mvutu—madia, lele, velo, nzo, etc.] Nki bima ya mbote mbongo lenda sumba ve ? [Bana vutula mvutu—ngemba, kiese, muntu kuzola nge, etc.] Kuwa mbote bubuyai sambu na kuzaba mpila Nzambi pesaka kima mosi ya mbongo lenda sumba ve.

Malongi ya nene ya leso yai (developpement) na banti 4 :

21.1 Bu Elisa vandaka kuluta na bwala Shunemi, yandi vandaka kudia na nzo ya nkento mosi ya mbongo.

Tangila bana baverse yai :

2 Bantotila 4 :8 Kilumbu mosi Elisa kwendaka kuluta na bwala Shunemi. Na bwala yina vandaka na nkento mosi ya mvwama. Yandi bingaka Elisa na kwisa kudia na nzo na yandi. Ebuna katuka ntangu yina, konso ntangu kana Elisa vandaka kuluta pana, yandi vandaka kwenda kudia na nzo ya nkento yina.

? Yula bana

Bana sala bageste to mwa-senete

Bana yimba ti kina

21.2 Yandi ti bakala na yandi tungaka shambre sambu na kuyamba Elisa na kutambula na yandi.

Tangila bana baverse yai :

4 :9 Nkento tubilaka bakala na yandi nde : “Mono zaba nde muntu yai ke kwisaka kuluta awa konso ntangu kele muntu ya Nzambi.

10 Mono banza beto yidika mwa-shambre kuna na zulu ya ludi, beto tula mbeto, mesa, kiti ti mwinda, mpidina konso ntangu kana yandi kwisa kutala beto, yandi lenda lala muna. »

11 Kilumbu mosi, Elisa kwisaka diaka na bwala Shunemi. Yandi kumaka na nzo ya bantu yango, ebuna yandi kwendaka kukota na shambre na yandi na zulu ya ludi sambu na kulala.

? Yula bana

Bana sala bageste to mwa-senete

Bana yimba ti kina

21.3 Elisa sosaka nki mutindu kuvutula yandi matondo. Yandi lombaka kima ve, kansi nsadi na yandi Gehazi songaka nde yandi vandaka na mwana ve, ata bakala na yandi me nuna.

Tangila bana baverse yai :

4 :12 Yandi (Elisa) tubaka na muntu na yandi Gehazi nde : « Bingila mono nkento yina, munkwa-nzo. Gehazi kwendaka kubinga yandi, ebuna yandi kwisaka, kansi yandi bikaka kutelama mwa-ntama.

13 Ntangu yai, Elisa songaka Gehazi na kuyula yandi nde : « Nki nge zola nde beto sala nge sambu na mpasi yai mingi ya nge me mona sambu na beto ? Mbala ya nkaka nge ta zola nde beto kwenda kutubila nge na meso ya ntotila to mfumu ya basoda. » Nkento yina vutulaka nde : « Awa ya mono kele na kati ya bantu na mono, mono me konda ata kima ve.:

14 Elisa yulaka Gehazi nde :”Ebuna nki mono fweti sala sambu na nge ? Gehazi nde: “Kansi yandi ke na bana ve. Bakala na yandi mpi kele mununu.”

? Yula bana

Bana sala bageste to mwa-senete

Bana yimba ti kina

21.4 Elisa songaka nde yandi ta buta mwanabakala na mvula ke kwisa. Nkento monaka bonso yandi vandaka kusa, kansi na ngolo ya Nzambi, yo salamaka na mpila Elisa tubaka. Nzambi pesaka yandi mwana ya bakala—kado mosi ya ntalu ya mbongo lenda sumba ve.

Tangila bana baverse yai :

4 :15 Elisa nde: “Songa yandi nde yandi kota.” Nkento kwisaka kutelama na munoko ya shambre.

16 Elisa tubilaka yandi nde :”Na ngonda yai na mvula ke kwisa, nge ta simba mwana ya bakala

na maboko na nge.” Nkento nde : “Ve, mfumu, nge kele muntu ya Nambi, kukusa mono ve !”

17 Kansi nkento yango bakaka divumu, ebuna na ngonda yina na mvula yina landaka, yandi butaka mwana ya bakala, kaka mutindu Elisa tubaka.

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Nzambi kele na ngolo kupesa ata bima ya mbongo lenda sumba ve. Yandi kele na ngolo yonso. Yo yina, Nzambi pesaka nkento yai kado ya ntalu ya mbongo lenda sumba ve. Kansi ntete, nkento yina sosaka kimfumu na Yandi. Yandi sadilaka mbongo na yandi sambu na kusadisa profete Elisa na sika ya kubaka repos. Na nima, Nzambi sadisaka yandi kupesa yandi mwana. Yandi lenda sadisa beto mpi na mambu ya mbote, bu beto sosa kimfumu na Yandi ntete.

Devoir sambu na bakristo :

Beno bakristo, devoir mono ke pesa beno na mposo yai kele kutula ntima na Nzambi ti sosa kupesa Yandi kiesa na yonso beto sala. Yandi kele ngolo kusadisa beto na mambu ya mbote kana beto tula Yandi ntima.

Invitation sambu na bo ya me yamba Yesu ntete ve :

Keti nge me yamba Yesu Kristo na ntima na nge ? Yesu zola kupesa nge kima ya mbongo lenda sumba ve—mpulusu. Nge lenda futa ve sambu Nzambi lolula masumu na nge, kansi Yesu lenda sala yo kukonda mbongo kana nge tula Yandi ntima. Nge lenda futa ve sambu nge kota na zulu, kansi Yesu lenda nata nge kuna ti kangula kielo sambu na nge. Kaka balula ntima, tula kivuvu yonso na Yandi.

Kana nge me sala yo ntete ve, mono lomba nde nge ta sala yo bubu, sambu nge mpi kuma mwana ya Nzambi.

NSUKA YA LESO 21

Leso 22. Elisa tedimisaka mwana na lufwa.

2 Bantotila 4 :18-27

I. PREPARATION SAMBU NA MONITEUR-

Kikuma ya Leso :

Beto bokuta ve kana mambu ya mpasi kwisa, kansi beto tula ntima na Nzambi.

Verset ya Kulonguka :

Bankunga 9 :11 Bantu yina kuzaba Nge Mfumu Nzambi, bo ta tula Nge ntima. Nge ke buyaka ve muntu yina ke kwisa na Nge.

Bankunga ya kwenda nzila mosi ti leso :

Lomba na Nzambi Kaka Nzambi ta Kuwa Nge Vs. 1 & 2

II. REVISION

Kuyindula diaka baleso me luta :

Na mposo me luta, beto monaka mpila nkento ya Shunemi sadilaka Nzambi kuyamba profete Elisa, ti mpila Nzambi pesaka yandi mwana ya bakala, ata bakala na yandi me nuna.

III. KULONGA LESO YAI Kuyantika :

Na luzingu yai, mambu ya kiese ke kwisaka, kansi na nima na yo, mambu ya mpasi mpi lenda kwisa nswalu. Bubu beto ta mona nki nkento ya Shunemi salaka bu ntangu ya mpasi kwisaka. Malongi ya nene ya leso yai (developpement) na banti 4 :

22 :1 Mwana ya nkento ya Shunemi, yandi fwaka.

Tangila bana baverse yai :

2 Bantotila 4 :18

18 Mwana yina yelaka. Ebuna, kilumbu ...yandi kwendaka kulanda tata na yandi na bilanga, kisika ya yandi vandaka kusala ti bantu na yandi.

19 Na mbala mosi, yandi yantikaka kudidila tata na yandi : « Papa, ntu ! Papa, ntu mpasi ! » Tata na yandi tubilaka muntu na yandi nde : « Vutula yandi na mama na yandi. »

20 Yandi nataka mwana na mama na yandi. Mwana vandaka na makulu ya mama na yandi tii midi, ebuna yandi fwa.

? Yula bana

Bana sala bageste to mwa-senete

Bana yimba ti kina

22.2 Nkento tulaka mwana na zulu ya mbeto ya Elisa, ti kwendaka nswalu kubinga yandi.

Tangila bana baverse yai :

4 : 21 Mama na yandi tombulaka yandi na shambre ya Elisa, yandi tula yandi na mbeto...

22 Ntangu yai, yandi binga bakala na yandi, yandi tubila yandi nde : « Tinda muntu mosi awa ti mpunda, mono ke zola kwenda nswalu na profete Elisa. Mono ke kwisa kuvutuka mpi nswalu.»

24 Yandi yidikaka mpunda, ebuna yandi tubilaka muntu ya ksalu nde : “Tambusa mpunda nswalu. Kukanga ve na nzila kana mono me songa nge ve nde kanga.”

25 Mpidina nkento yango simbaka nzila, yandi kwendaka tii na ngumba ya Karnele kisika vandaka Elisa.

Ntangu yandi vandaka kaka mwa-ntama fioti, Elisa monaka yandi ke kwisa, yandi tubaka na

muntu na yandi Gehazi nde: “Tala, yina nkento ya bwala Shunemi ke kwisa.

26 Kwenda nswalu kukutana na yandi. Nge yula yandi nde :”Keti beno yonso kele mbote ti bakala na nge, ti mwana?” Gehazi salaka mpidina, ebuna nkento vutulaka nde: “E, beto yonso kele mbote.”

? Yula bana

Bana sala bageste to mwa-senete

Bana yimba ti kina

22.3 Yandi bokutaka ndambu nde mbala ya nkaka Elisa me kusa yandi. Ebuna Elisa bakisaka nde mwana me fwaka.

Tangila bana baverse yai :

4 :27 Kansi ntangu yandi kwisaka kukuma na Elisa kuna na zulu ya ngumba,tubilaka Elisa nde : “Mfumu, keti mono lombaka nge mwana ? Keti mono songaka nge ve nde kukusa mono ve ?

? Yula bana

Bana sala bageste to mwa-senete

Bana yimba ti kina

22.4 Ntete Elisa tindaka nsadi Gehazi kutula nti na yandi na zulu ya mwana, kansi mwana telamaka ve. Elisa landaka yandi, yandi lalaka na mwana yina ti sambaka Nzambi. Ebuna Nzambi vutulaka moyo na yandi. Ebuna nkento ya Shunemi bakaka mwana na yandi diaka.

Tangila bana baverse yai :

4 :29-37

29 Elisa tubaka na Gehazi nde : « Nswalu baka mwa-nti na mono ya kutambudila. Kwenda na Shunemi. Kana nge mona muntu na nzila, kupesa yandi mbote ve. Kana muntu kupesa

nge mbote, kundima ve. Kwenda tii na nzo, tula mwa-nti na mono yai na ilungi ya mwana.”

30 Kansi mama ya mwana tubilaka Elisa nde : « Na zina ya Mfumu Nzambi, Nzambi ya moyo, ti na zina ya nge, mono ke bika nge ve.” Mpidina Elisa kwendaka ti yandi.

31 Gehazi kwendaka na ntwala na bo. Yandi tulaka mwa-nti ya Elisa na ilungi ya mwana, kansi mwana tubaka ve, yandi nikanaka mpi ve. Ebuna Gehazi vutukaka na kusonga Elisa nde : “Mwana me telama ve.”

32-33 Ntangu Elisa kwisaka kukuma na nzo ti kukota na shambre, yandi monaka nde mwana me lala na mbeto, yandi me fwa. Yandi kangaka kielo, yandi sambaka Mfumu Nzambi, 34 Ebuna yandi lalaka na zulu ya mwana....nitu ya mwana yantikaka kubaka mwa-tiya.

35 Elisa telamaka, yandi yantikaka kutambula na kati ya shambre. Na nima, yandi kuditandulaka diaka na zulu ya mwana. Mwana salaka nsia mbala nsambwadi, ebuna yandi kangulaka meso.

36 Elisa bingaka Gehazi. Yandi songaka yandi na kwenda kubinga mama ya mwana. Ntangu nkento yina kotaka, Elisa tubaka na yandi nde :”Baka mwana na nge.”

37 Nkento bwaka na makulu ya Elisa, yandi fukama ilungi na ntoto. Ebuna yandi baka mwana na yandi, yandi basika.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Ntangu ya kiese kwisaka na nkento ya Shunemi. Yandi bakaka mwana. Kansi ata yandi zolaka Nzambi mingi, ntangu ya mpasi mpi kwisaka.

Yandi salaka mingi bonso beto ke sala. Yandi zolaka kutula ntima na Nzambi, kansi yandi zolaka kubokuta mpi ndambu. Kele ve konso ntangu ya Nzambi tedimisa muntu na lufwa, kansi kele konso ntangu ya Yandi ke sadisa bo ya tula Yandi ntima.

Devoir sambu na bakristo :

Beno bakristo, kana beno mona ntangu ya mpasi na mposo yai, devoir mono pesa nge kele kusosa lusadisya ya Nzambi ti kutula Yandi ntima kaka.

Invitation sambu na bo ya me yamba Yesu ntete ve :

Kana Yesu kwisa ve, lumbu mosi beto yonso ta fwa bonso mwana yina. Bible ke tuba nde na nsuka ya mambu yonso, Nzambi ta tedimisa beto yonso na lufwa. Ntete ta vanda beto ya me kwikila Yesu Kristo. Yandi ta tedimisa beto kupesa beto bakado mpi sambu beto zinga ti Yandi mvu ya mvu. Kiese mingi.

Na nima ta vanda bantu ya me balula ntima ve na Yesu. Yandi ta tedimisa bo na zuzema, kupesa bo ndola na masumu yonso bo me sala.

Nge ta vanda na nki groupe—bakwikidi, to bo ya me yamba Yesu ve ? Kana nge zaba ve nde kieleka nge me balula ntima, me tula kivuvu na Yesu, mono bondila nge kuzenga bubuyai sambu na Yandi.

NSUKA YA LESO 22

Leso 23. Elise katulaka poison na kati ya masa, baprofeti kudia.

2 Bantotila 4 :38-44

I. PREPARATION SAMBU NA

MONITEUR- Kikuma ya Leso :

Beto tula ntima na Nzambi kutanina beto na mambu ya madia.

Verset ya Kulonguka :

Matayo 6 :31-32 Beno kumona mpasi ve na kuyulaka nde : ‘Beto ke dia nki ? Beto ke nwa nki ? Beto ke lwata nki ? ... Tata na beno yina kele na zulu kuzaba nde beno ke na mfunu ya bima yina yonso.

Bankunga ya kwenda nzila mosi ti leso :

Nzambi Ta Kuwa Nge

II. REVISION

Kuyindula diaka baleso me luta :

Beto me mona nde Mpeve ya Nzambi vandaka na Profete Elisa. Yandi salaka bimpa na ngolo ya Nzambi. Yandi tedimisaka mwana na lufwa.

III. KULONGA LESO YAI

Kuyantika :

Ata baprofete ya Nzambi bonso Elisa monaka ntangu ya mpasi. Beto mona nde na nima yandi me tedimisa mwana na lufwa, ntangu ya nzala kwisaka mingi na ntoto na yandi. Yandi vandaka kulonga baprofete ya nkaka. Bo mingi vandaka kuzinga na diboko na yandi. Keti yandi ta vanda na mpila kupesa bo madia ?

Malongi ya nene ya lesu yai (developpement) na banti 4:

23 :1 Elisa songaka mosi na bo kulamba supu sambu na baprofete ya yandi vandaka kulonga. Yandi kwendaka na mfindi kulokuta matiti mutindu na mutindu sambu na kusala supu.

Tangila bana baverse yai :

2 Bantotila 4 :38 Kilumbu mosi, ntangu nzala vandaka mingi na ntoto yonso, Elisa vutukaka na bwala... Ntangu yandi vandaka kulonga ndonga ya baprofete, yandi songaka muntu na yandi nde : « Tula nzungu ya nene na tiya, sadila bo supu, bo dia.

39 Profete mosi ... kwendaka na mfinda na kubaka ndambu ya matiti. Yandi monaka nsinga mosi ya mfinda, ebuna yandi bakaka bambuma na yo...mingi. Yandi tulaka yo na nzungu yina vandaka supu, kukonda kuzaba nki bambuma yango.

? Yula bana

Bana sala bageste to mwa-senete

Bana yimba ti kina

23.2 Ntangu bo yantikaka kudia, bo bakisaka nde ndikila vandaka na kati. Bo monaka ve mpila ya kudia yo.

Tangila bana baverse yai :

4 :40 Bo yantikaka kudia supu. Ntangu yo yantika kudia supu, bo yantika kutuba nde : « Muntu ya Nzambi ! Ndikila kele na madia yai. » Bo monaka diaka ve mpila ya kudia yo.

? Yula bana

Bana sala bageste to mwa-senete

Bana yimba ti kina

23.3 Elisa tulaka ndambu fufu na kati, ebuna yo kumaka mbote. Bo kudiaka yo.

Tangila bana baverse yai :

4 :41 Ntangu yai, Elisa tubaka nde : « Beno pesa mono ndambu ya fufu. » Yandi baka yo, yandi losa yo

na nzungu, ebuna yandi tuba na muntu na yandi nde : « Pesa bo, bo dia. » Supu yina kumaka mbote na kudia.

? Yula bana

Bana sala bageste to mwa-senete

Bana yimba ti kina

23.4 Kilumbu ya nkaka, muntu pesaka bo ndambu ya mampa. Bo bantu mingi kudiaka, bo fulukaka, ti ndambu me bikala.

Tangila bana baverse yai :

4 :42 Kilumbu ya nkaka, muntu mosi...kwisaka kunatila Elisa mampa makumi zole (30) yina ya bo me sala na orze ya bo katulaka yantete na bilanga... Elisa songaka muntu na yandi nde, « Pesa yo na baprofete, bo dia. »

43 Muntu na yandi vutulaka nde : « Nki mutindu mono lenda pesa bima yai fioti na bantu nkama (100) ? Elisa nde : « Pesa bo, bo dia, sambu Mfumu Nzambi ke tuba nde bo ta dia, ebuna yankaka ta bikala.

44 Muntu na yandi kabilaka bo madia yango, ebuna bo yonso kudiaka, madia ya nkaka mpi bikalaka, kaka mutindu Mfumu Nzambi tubaka.

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Elisa ti baprofete ya yandi vandaka kulonga, bo monaka ntangu ya nzala, kansi mutindu na mutindu, Nzambi sadisaka sambu bo kudia na ntangu yina. Yandi zaba nde beto ke na mfunu ya masa ti madia. Yandi ke sadisaka bantu na Yandi.

Devoir sambu na bakristo :

Beno bakristo, nki beno sala bu ntangu ya nzala kwisa ? Devoir mono ke pesa beno kele nde beno bokuta ve ntangu yina, kansi beno lombamba lusadisya ya Nzambi.

Invitation sambu na bo ya me yamba Yesu ntete ve :

Nzala ya nitu kele ngolo, kansi Nzambi zola beto kuvanda na nzala ya mpeve.

Kana nge kele na nzala kuzaba Nzambi, Yandi ta vanda nswalu na kuwa nge kana nge binga zina na Yandi.

Kana nge kele na nzala kuzaba Nzambi, binga Yesu kukwisa kukota luzingu na nge. Balula ntima na Yandi. Yandi ta kitula nge mwana ya Nzambi.

NSUKA YA LESO 23

Leso 24. Elisa belulaka Namani, soda ya Syrie, ya maladi ya lepre.

2 Bantotila 5 :1-14

I. PREPARATION SAMBU NA MONITEUR-

Kikuma ya Leso :

Beto vanda na lulendo ve, kansi beto kudikulumuka na ntwala ya Nzambi. Beto ndima nde Yandi sala na mpila na Yandi, sambu Yandi kele Nzambi.

Verset ya Kulonguka :

Yakobo 4 :10 Beno kudikulumusa na meso ya Mfumu Nzambi, ebuna yandi ta tombula beno.

Bankunga ya kwenda nzila mosi ti leso :

Kudikulumusa na Meso ya Nzambi
Mo' Ta Kwisa na Nzambi na Lulendo Ve

II. REVISION

Kuyindula diaka baleso me luta :

Beto me mona bimpa mingi ya Elisa salaka na ngolo ya Mpeve ya Nzambi. Nge beno bambuka ? (Ee, yandi salaka sambu mafuta fioti kuma mingi, yandi songaka nkento nde yandi ta buta ata bakala na yandi me nuna ti yo salamaka, yandi tedimisaka mwana na lufwa, yandi kumisaka madia ya ndikila, yo kuma mbote. Bubuyai beto ta mona nde yandi sadisaka muntu ya nsi ya nkaka, muntu ya Israele ve.

III. KULONGA LESO YAI Kuyantika :

Mbala mingi, lulendo na beto ke sala na mpila ya ke kanga beto kubaka lusakumunu ya Nzambi. Bu beto yindula Namani bubuyai, yindula mambu yai ya lulendo.

Malongi ya nene ya leso yai (developpement) na banti 4 :

24.1 Namani vandaka muntu ya mbote ti soda ya nene, kansi yandi vandaka lepre. Ebuna 2 Mwana-sielo ya nkento songaka nkento ya Namani nde Elia lenda belula yandi.

Tangila bana baverse yai :

2 Bantotila 5 :1-4

1 Kuvandaka na mfumu mosi ya basoda ya nsi ya Siria, zina na yandi Namani.soda mosi ya ngolo, kansi yandi vandaka kubela maladi ya lepre.

2 Kilumbu mosi, bantu ya nkaka ya Siria kotaka na ntoto ya Israele sambu na kunwana ti kuyiba. Bo simbaka mwana-nkento mosi ya fioti ya Israele. Bo kwisaka kunata yandi bonso mpika...

3 Ntangu yai, mwana-nkento yango tubilaka mfumu na yandi ya nkento nde : « Mbote kana mfumu na mono Namani kwenda na profete yina ke vandaka na bwala Samaria. Yandi ta belula yandi kaka na maladi na yandi. »

4 Namani waka mambu yina... yandi kwendaka kusonga mufumu na yandi, Ntotila ya Siria.

? Yula bana

Bana sala bageste to mwa-senete

Bana yimba ti kina

24.2 Namani kwendaka ntete na Mfumu ya Israele, ebuna yandi monaka mpasi bonso Namani zolaka kunwana ti yandi.

Tangila bana baverse yai :

5 :5 Ntotila tubaka na yandi nde : « Kwenda na ntotila ya Israele. Natila yandi mukanda yai. »...

6 Mukanda yina ...vandaka kutuba nde: “Awa mono me tindila nge muntu na mono Namani. Mono ke zola nde nge belula yandi na maladi ya yandi ke na yo.”

7 Ntotila ya Israele na kutanga mukanda yina, yandi pasula-pasulaka bilele na yandi ti kutuba nde: “Keti mono kele Nzambi... ? Nki mutindu ntotila ya Siria fweti songa mono nde mono kubelula muntu yai ? Yo ke songa nde yandi ke sosila mono makambu ! »

? Yula bana

Bana sala bageste to mwa-senete

Bana yimba ti kina

24.3 Elisa waka mambu yina, ebuna yandi songaka Namani kuyobila mbala 7 na masa ya Yordani sambu yandi beluka.

Tangila bana baverse yai :

5 :8 Ntangu profete Elisa waka ... mambu yina, yandi tindaka yandi ndinga nde : « ...Tindila mono muntu yina, mpidina yandi ta zaba nde ke na profete awa na ntoto ya Israele.

9-10 Yo yina, Namani ...kwisaka...na nzo na yandi. Elisa songaka muntu na yandi na kwenda kutuba na Namani nde : « Kwenda na nzadi ya Yordani. Yobila mbala nsambwadi, ebuna maladi na nge yonso ta mana. Nitu na nge ta vanda bonso yo vandaka ntete.

? Yula bana

Bana sala bageste to mwa-senete

Bana yimba ti kina

24.4 Ntete, na lulendo Namani waka makasi ti yandi zolaka ve kulemfuka na ndinga ya Elisa. Kansi basielo na yandi bendaka yandi. Yo yina, yandi yobilaka mpila Elisa tubaka. Nzambi belulaka yandi, maladi ya lepre manaka.

Tangila bana baverse yai :

5 :11-12 Namani katukaka pana na makasi, ke kwenda kutuba nde : « A mono vandaka kuyindula nde profete yango ta kwisa yandi mosi...ebuna mono kubeluka ! Keti banzadi

(ya nsi na mono) me luta ve banzadi yonso ya Israele ? Keti mono lenda yobila kuna ve ti kubeluka ?

13 Kansi bantu na yandi kwisaka kutubila yandi nde: “Pardo mfumu, kana profete songaka nge mambu ya mpasi na kusala, nge zolaka kusala yo kaka. Sambu na nki nge zola yobila ve mutindu yandi me songa nge, sambu nge beluka?

14 Namani ndimaka. Yandi kwendaka na nzadi ya Yordani. Yandi kudikotisaka na masa mbala nsambwadi, mutindu muntu ya Nzambi songaka yandi, ebuna maladi na yandi yonso manaka. Nitu na yandi kumaka diaka mbote ti kitoko bonso mwana ya fioti.

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Ntete, lulenda zolaka kukanga Namani nzila ya kuguluka. Kansi ntangu Namani kudikulumusaka, Nzambi belulaka yandi mbala mosi, sambu yandi lemfukaka na ndinga ya profete ya Nzambi. Beto bantu ve lenda songa Nzambi nki kusala to nki mutindu kusala, sambu beto kele kaka bantu, kansi Yandi kele Nzambi.

Devoir sambu na bakristo :

Beno bakristo, devoir mono ke pesa beno na mposho yai kele beno sala lulendo ve, kansi beno lemfuka na konso mambu ya nding ya Nzambi. Nzambi ke sakumuna bo ta lemfuka na Yandi.

Invitation sambu na bo ya me yamba Yesu ntete ve :

Nzambi lombaka Namani kuyobila mbala nsambwadi na Yordani sambu yandi beluka. Yandi lombaka beto bantu ya masumu kukwisa na Yandi na nzila ya Yesu Kristo. Beto sala lulendo ve kuyindula nde beto lenda kwisa na Yandi na nzila

ya nkaka. Beto kwisa na nzila yandi me yidika. Kana nge me tula ntima na Yesu ntete ve, balula ntima ti tula kivuvu na Yandi bubuyai. NSUKA YA LESO 24

Leso 25. Elisa buyaka makabu, kansi nsadi na yandi Gehazi yumaka ntima. Yandi sosaka yo na nzila ya luvunu.

2 Bantotila 5 :15-27

I. PREPARATION SAMBU NA MONITEUR-

Kikuma ya Leso :

Beto keba ntima nde beto yuma ntima ve na bima ya bantu ya nkaka. Kuyuma ntima ke natila beto na nzila ya mbi ti ya luvunu.

Verset ya Kulonguka :

Kubasika 20: 17 Kuyuma ntima ve na....konso kima ya ngani.

Bankunga ya kwenda nzila mosi ti leso :

Bansiku Kumi (Nsiku nombre 10)
Mono Ta Mona Kiese, Vs. 1 &2

II. REVISION

Kuyindula diaka baleso me luta :

Beto bambuka nde Namani vandaka muntu ya Siria. Kansi mwana-nkento ya vandaka mpika na yandi songaka yandi mpila profete Elisa vandaka kubelula bantu ya maladi na yandi ya lepre.

Namani kwendaka na yandi, ebuna Elisa songaka yandi kusala nki ? (E, kuyobila mbala mosi na masa ya Yordani.)

Keti Namani zolaka nswalu kusala yo ? (Ikele ve. Yandi monaka Yordan masa ya mvindu.)

Kansi basielo na yandi bendaka yandi, ebuna yandi salaka yo. Nki salamaka ntangu yina ? (E, nitu na yandi kumaka mbote, mpusu kitoko bonso

mwana ya fioti. Matondo na Nzambi !) III.

KULONGA LESO YAI Kuyantika :

Histoire yai zolaka suka na kiese. Namani me guluka! Maladi ya lepre me mana ! Kuwa mbote kana yo ta suka na kiese to nki mutindu.

Malongi ya nene ya leso yai (developpement) na banti 4 :

25.1 Elisa buyaka makabu ya matondo ya Namani zolaka pesa yandi.

Tangila bana baverse yai :

2 Bantotila 5 :15 Namani ti bantu na yandi vutukaka na profete Elisa. Yandi tubilaka Elisa nde : « Ntangu yai, mono me zaba nde Nzambi ya nkaka kele ve na nsi-ntoto yonso, kaka Nzambi ya Israele. Yo yina, pardo mfumu, baka kado yai ya mono ke pesa nge. »

16 Elisa vutulaka nde : « Na zina ya Mfumu Nzambi... mono lenda ndima ata kima ve. » Namani bondilaka yandi ngolo na kubaka yo, kansi Elisa buyaka kaka.

? Yula bana

Bana sala bageste to mwa-senete

Bana yimba ti kina

25.2 Gehazi, sielo ya Elisa, yumaka ntima sambu na makabu ya Namani zolaka kupesa.

Tangila bana baverse yai :

5 :19c-20 Namani vandaka me kuma ntama mingi ve, ntangu Gehazi, muntu ya Elisa, kuditubilaka yandi mosi nde : « Mfumu na mono me bikisa muntu yina ya Siria mpidina kukonda kuzwa ata kima mosi ! Yandi zolaka kundima kado ya yandi zolaka kupesa yandi ! ...mono ke landa yandi ntinu. Mono kubaka konso kima. »

? Yula bana

Bana sala bageste to mwa-senete

Bana yimba ti kina

25.3 Gehazi landaka Namani ti kusaka yandi na zina ya Elisa. Yo yina, Namani pesaka yandi bakado.

Tangila bana baverse yai :

5 :21 Yo yina, Gehazi kwendaka kulanda Namani ntinu. Ntangu Namani monaka nde muntu kw kwisa kulanda yandi ntinu, yandi tulukakaka nswalu na pusupusu na yandi. Yandi ksendaka kuyula yandi nde: “Mambu kele?”

22 Gehazi vutulaka nde : “Ikele ve. Kansi mfumu na mono me tinda mono na kusonga nge nde sesepi yo yai kaka bantu zole ...me kwisa.....Yandi ke lomba nde nge tinda bo ...arza ti bilele zole ya fete.”

23 Namani nde : « Mambu ve, baka ata (mbala zole mpila nge me lomba)” ...ebuna Namani kangaka arza yango na basaki zole...,Na nima, yandi songaka bantu na yandi zole na kwenda kunata yo na ntwala ya Gehazi.

24 ...Gehazi bakaka bima yina vandaka na maboko ya bantu ya Namani, yandi kotisaka yo na nzo ya Elisa. Ebuna yandi bikisaka bantu ya Namani, bo kwendaka ka bo.

? Yula bana

Bana sala bageste to mwa-senete

Bana yimba ti kina

25.4 Gehazi tubaka luvunu na Elisa. Kansi Elisa zabaka yo. Yo yina, Nzambi pesaka Gehazi ndola. Maladi ya lepre ya me basika na Namani, yo simbaka yandi ti fami na yandi tii kuna.

Tangila bana baverse yai :

5 :25 Yandi kotaka na nzo, ebuna Elisa yulaka yandi nde : « Ebwe, nge me katuka wapi ? »

Gehazi vutulaka nde : « Mono kwendaka kisika ve, mfumu. »

26 Kansi Elisa nde : « Keti mono monaka beno ve na kiprofete na mono....Keti yai kele ntangu ya kubaka mbongo, bilele...

27 Ntangu yai, maladi ya Namani vandaka na yo, yo ke simba nge, ti bana na nge tii kuna ! » Ntangu Gehazi basikaka na nzo ya Elisa, nitu na yandi vandaka me fuluka na bamputa, yo kumaka mpembe gonso mvula ya neze.

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Ntima ya Gehazi vandaka kuyuma ntima sambu yandi zolaka bakado ya Namani zolaka pesa. Yo bendaka yandi kutuba luvunu mbala zole—na Namani, ti na Elisa. Nzambi pesaka yandi ndola. Nzambi me tula na bansiku kumi ya nene na Yandi nde beto kuyuma ntima ve ya konso kima ya ngani. Konso ntangu, yo twadisa beto na nzila ya mbi.

Devoir sambu na bakristo :

Beno bakristo, beno keba ntima sambu beno kuyuma ntima ve. Beno katula yo nswalu na ntima, sambu yo benda beno ve kuyiba, to kutuba luvunu, to kusala mambu ya nkaka ya mbi. Invitation sambu na bo ya me yamba Yesu ntete ve :

Beto yonso me fwa bansiku ya Nzambi. Beto yonso me yuma ntima. Beto me sala mambu mingi ya Nzambi ke zola ve. Konso ntangu beto sala masumu, beto ke tuba nde beto kele mayele kuluta Nzambi. Beto ke buya Yandi. Yai kele makambo ya nene. Masumu me fwaka kinduku na beto ti Nzambi.

Kansi Yesu Kristo, Mwana ya Nzambi, me baka masumu yonso na beto na zulu ya kulunsi. Yandi me fwa na sika na beto. Yandi mpi me telama na lufwa. Bubuyai, kana nge me balula ntima na Yesu

ntete ve, Yandi ke binga nge kukwisa na Yandi. Yandi me zila nde bayina kwisa na Yandi, Yandi ta buya bo ve. Keti nge ta kwenda na Yandi bubuyai?

NSUKA YA LESO 25

Leso 26. Elisa salaka na mpila nde disoka ya me denda kubasika na masa.

2 Bantotila 6 :1-7

I. PREPARATION SAMBU NA MONITEUR-

Kikuma ya Leso :

Beto tula ntima na Nzambi, sambu Yandi ke na ngolo na zulu ya bima yonso Yandi me sala.

Verset ya Kulonguka :

Luka 1 :37 Sambu Nzambi lunga sala mambu yonso.

Bankunga ya kwenda nzila mosi ti leso :

Mfumu ya Bamfumu Yonso

Nani Kele Ngolo?

II. REVISION

Kuyindula diaka baleso me luta

Na mposo me luta, beto monaka histoire ya mawa. Elisa buyaka kubaka makabu sambu na mpila yandi sadisaka Namani. Kansi nsadi ya Elisa, Gehazi, yandi yumaka ntima sambu na bima ya Namani zolaka kupesa. Yandi bakaka yo na nzila ya luvunu. Kansi Nzambi songaka Elisa nki yandi me sala, ti Nzambi pesaka yandi ngolo ya maladid ya lepre. Mawa mingi.

III. KULONGA LESO YAI Kuyantika :

Keti nge me kudyula, keti kele bima ya nkaka ya Nzambi lunga sala ve ? Beto zaba nde Nzambi lenda sala ve bima ya ke kwenda nzila mosi ve ti mpila Yandi kele. Yandi kele kieleka, yo yina Yandi lenda tuba luvunu ve. Yandi kele mbote, yo yina Yandi lenda sala mbi ve. Kansi Nzambi kele na ngolo yonso. Beto ta mona yo na histoire ya

bubu. Malongi ya nene ya leso yai (developpement) na banti 3 :

26.1 Ndonga ya baprofete ya Elisa vandaka kulonga kwenda kuzenga banti sambu bo tunga sika ya kulala penepene na masa ya Yordani.

Tangila bana baverse yai :

2 Bantotila 6 :1 Kilumbu mosi, ndonga ya baprofete yina ya Elisa vandaka kulonga, kwisaka kubokutila yandi nde : « Kisika yai ya beto ke kutakanaka kele fioti ...

2 Pesa beto nzila na kwenda na nzadi ya Yordani... beto ta tunga nzo yina ya beto ta kutanaka. » Elisa tubaka nde : « Mambu ve, beno kwenda. »

4 Bo kwendaka nzila mosi ti yandi tii na lweka ya nzadi ya Yordani, ebuna bo yantikaka kutunga nzo.

? Yula bana

Bana sala bageste to mwa-senete

Bana yimba ti kina

26.2 Bu bo vandaka kusala, disoka ya muntu mosi zengilaka, yo dindaka na masa. Muntu yina vandaka na mpasi, sambu yandi defaka disoka yina.

Tangila bana baverse yai :

5 Muntu mosi, ntangu yandi vandaka kuzenga nti, disoka ya yandi vandaka kuzengila. Yo bwaka na masa. Yandi tubaka na ndinga ya ngolo nde : « A mfumu, nki mono ta sala ? Disoka ya ngani ya kudefa ! »

? Yula bana

Bana sala bageste to mwa-senete

Bana yimba ti kina

26.3 Elisa losaka nti na masa na sika yo bwaka. Ebuna disoka basikaka na masa, ke denda. Ebuna yandi vutulaka yo na muntu yina.

Tangila bana baverse yai :

6 Elisa yulaka yandi nde : « Yo me bwila wapi ? » Yandi songaka yandi kisika. Elisa zengaka kitini ya nti. Yandi losaka yo na masa kisika yina bwaka disoka, ebuna disoka basikaka na zulu ya masa, ke denda.

7 Yandi tubaka na muntu yina nde : “Simba yo.” Muntu yina tandulaka diboko na yandi, yandi baka yo.

? Yula bana

Bana sala bageste to mwa-senete

Bana yimba ti kina

>< Kumanisa Malongi :

Na ngolo ya Nzambi, Elisa songaka disoka kusala kima ya beto ke mona ve konso lumbu. Nzambi

Leso 27. Armee ya bawanzio niungaka armee ya Israele.

2 Bantotila 6: 8-33

I. PREPARATION SAMBU NA MONITEUR-

Kikuma ya Leso :

Beto vanda na kikesa, sambu beto zaba nde bawanzio ya Nzambi kele kutanina bantu na Yandi.

Verset ya Kulonguka :

Bankunga 34 :8 Wanzio ya Nzambi me ziungaka bantu yina ke lemfukaka na Yandi. Yandi ke katulaka bo na kigonsa.

Nkunga ya kwenda nzila mosi ti leso :

Nzambi Ikele Nene, Vs 1 &2

II. REVISION

Kuyindula diaka baleso me luta :

salaka masa, ti Yandi salaka kibende ya disoka. Yandi salaka kibende ya disoko na mpila nde yo dinda na masa. Kansi kaka na ngolo ya Nzambi, yo dendaka, yo lalaka na zulu ya masa. Nzambi kele na ngolo na zulu ya bima yonso Yandi me sala—ata masa, ata mupepe, ata ntoto, ata bibende, ata konso kima ya Yandi me sala. Beto tula ntima na Yandi !

Devoir sambu na bakristo :

Beno bakristo, vanda na boma ve kutula ntima ya Nzambi. Yandi nkwa ngolo yonso. Invitation sambu na bo ya me yamba Yesu ntete ve :

Keti nge zaba Nzambi ti Mwana na Yandi, Yesu Kristo? Zaba mobte nde Yandi kele na ngolo kugulusa nge bubuyai ti kupesa nge moyo ya kimpeve, moyo ti Yandi mvu ya mvu. Kana nge na ntima kubika masumu ti kulanda Yandi, kwisa na Yandi bubuyai. Yandi ke vingila nge !

NSUKA YA LESO 26

Na leso me luta, beto me mona nde na ngolo ya Nzambi, Elisa salaka nde kisoka ya me dinda na masa, yo denda, yo monika. Nzambi kele ngolo! Yai raison mosi nde bantu na Yandi kuwa boma ve.

III. KULONGA LESO YAI Kuyantika :

Bubuyai beto ta mona raison ya nkaka nde beto bantu ya Nzambi kele na kikesa. Kuwa mbote sambu nge zaba yo kele nki.

Malongi ya nene ya leso yai (developpement) na banti 4 :

27.1 Elisa zabaka mambu yonso ya Mfumu ya Siria zolaka kusala. Yo tulaka yandi kisakasaka.

Tangila bana baverse yai :

2 Bantotila 6 :8-10 Ntotila ya Siria vandaka kunwana bitumba ti Israele...konso ntangu Elisa vandaka kutinda muntu na kusonga ntotila ya Israele nde: “Keba, kwenda ve

penepene na kisika yina sambu basoda ya Siria ke vingila beno kuna.”...

11 Ntotila ya Siria kumaka kisakasaka sambu mambu yina vandaka kubwa konso ntangu mpidina. Yandi bingaka bamfumu ya basoda na yandi, yandi yulaka bo nde: “Nani awa na beno ke teka-teka beto na ntotila ya Israele?”

12 Muntu mosi tubilaka yandi nde : « Mfumu, ata muntu mosi ve... kansi profete Elisa ke songaka ntotila ya Israele mambu yonso ya nge ke tubaka, ata ... na kati ya shambre.”

? Yula bana

Bana sala bageste to mwa-senete

Bana yimba ti kina 27.2

Basoda ya Siria ziungaka Israele.

Tangila bana baverse yai :

6 :13 Ebuna ntotila ya Siria tubaka nde: “Beno sosila mono yandi. Beto kanga yandi.” Bo kwisaka kusonga yandi nde Elisa kele na bwala Dotani,

14 ebuna yandi tindaka basoda mingi ..kuna. Bo kwisaka kukuma na bwala yina...bo ziungaka yo.

15 ...muntu ya Elisa telamaka, yandi...monaka nde bwala yonso, bo me ziunga yo na basoda ti bampunda ti bapusupusu. Ebuna yandi kwisaka kusonga Elisa nde : Mfumu, imene na beto ! Nki beto ta sala?”

? Yula bana

Bana sala bageste to mwa-senete

Bana yimba ti kina

27.3 Nzambi songaka bo nde bawanzio na Yandi me ziunga bo mpi, kuluta mingi.

Tangila bana baverse yai :

6 :16 Elisa vutulaka nde : « Kuwa boma ve. Bantu yai kele na beto, bo kele mingi kuluta bo.”

17 Ntangu yai Elisa sambaka Nzambi nde : «...kangula meso na yandi, yandi mona.”

Mfumu Nzambi kangulaka meso ya muntu ya Elisa. ...Yandi monaka ngumba me fuluka na bampunda ya tiya ti bapusupusu ya tiya, me ziunga Elisa.

? Yula bana

Bana sala bageste to mwa-senete

Bana yimba ti kina

27.4 Elisa sambaka, ebuna Nzambi bwilaka basoda ya Siria na meso-kufwa. Bo salaka bantu ya Israele ata mbi mosi ve, ti bo kwisaka diaka ve kuyangisa bo.

Tangila bana baverse yai :

6 : 18 Ntangu basoda ya Siria... kuyantika kwisa nepene, Elisa sambaka diaka Nzambi nde : « ...kumisa meso ya bantu yai yonso mpimpa. » Mfumu Nzambi salaka mpidina.

19 ...Elisa tubilaka bo nde : «...Beno landa mono, mono ta songa beno muntu ya beno ke sosa.” Yandi nataka bo na bwala Samaria.

20-21 ...Elisa sambaka Nzambi nde : « ...kangula meso na bo...” Mfumu Nzambi kangulaka meso na boNtotila ya Israele...yulaka Elisa nde: “Tata mono fwa bo?”

22 Yandi vutulaka nde: “Ve, nge fwa bo ve. ...Pesa bo madia ti masa...ebuna bo vutuka na mfumu na bo. »

23 ...Katuka ntangu yina bantu ya Siria kwisaka kukota diaka ve na ntoto ya Israele sambu na kuyiba-yiba.

? Yula bana

Bana sala bageste to mwa-

Bana yimba ti kina

>|< Kumanisa Malongi :

Ata basoda ya mbeni me ziunga bo, Elisa waka boma ve, sambu Nzambi songaka yandi nde bawanzio ya Nzambi vandaka mingi kunwana sambu na bo. Bible ke tuba nde banwanzio na Yandi kele kuziunga beto bantu ya zola Yandi sambu na kusadisa beto.

Devoir sambu na bakristo :

Bana ya Nzambi, kuwa boma ve. Mposo yai yonso tii kuna, tula ntima na Nzambi, Yandi kutanina nge.

Invitation sambu na bo ya me yamba Yesu ntete ve :

Kansi mbala ya nakaka bawanzio ya Nzambi kele kuziunga nge ve. Nge kele ntete ve mwana ya Nzambi, sambu nge me yamba ntete ve Yesu Kristo. Nzambi tindaka Mwana na Yandi sambu na kugulusa beto, sambu na kusukula beto na masumu, ti sambu na kumisa beto bantu na Yandi.

Kana nge kele kuyinga, o, kinga diaka ve. Kwenda na Yandi bubuyai sambu nge guluka.

NSUKA YA LESO 27

Leso 28. Nzambi tindaka makelele sambu bantu ya Israele kubaka madia.

2 Bantotila 7 :1-20

I. PREPARATION SAMBU NA MONITEUR-

Kuyidika na ntuala : Sosa bima mingi ya bana lenda bula sambu na kupesa makelele ya nene.

Kikuma ya Leso :

Beto vanda na boma ve na ntangu ya mpasi, sambu beto zaba nde Nzambi kele na bampila mingi kusadisa bantu na Yandi. Verset ya Kulonguka :

Bingana 28 :1 Muntu ya mbi ke tinaka ntangu bo ke kula yandi ve, kansi muntu ya mbote ke waka boma ve. Yandi kele bonso nkoi.

Bankunga ya kwenda nzila mosi ti lesu

Sika Yonso Mono Kwenda na Yesu

II. REVISION

Kuyindula diaka baleso me luta :

III. KULONGA LESO YAI

Kuyantika :

Malongi ya nene ya lesu yai (developpement) na banti 4 :

28.1 Bwala Samaria vandaka na mpasi mingi sambu madia vandaka kukonda. Elisa silaka bambuta ya Samaria nde na nima ya lumbu mosi, bo ta vanda na madia. Kansi soda-nsadisi ya mfumu, yandi kwikilaka yo ve.

Tangila bana baverse yai :

2 Bantotila 7 :1 Elisa vutulaka nde : « Beno wa mambu ya Mfumu Nzambi me tuba... : « Mbasi na ntangu yo yai, kitunga mosi ya fufu

ya kitoko ya ble, bo ta sumba yo na kibende mosi ya mbongo...kuna na zandu... »

2 Soda yina vandaka kusadisa ntotila konso ntangu tubilaka Elisa nde : « Ata kana Mfumu Nzambi kangulaka bafenetre ya zulu sambu na kutindila beto madia yango, mambu yai zolaka kusalama ve. » Elisa nde : « Nge ta mona yo... »

? Yula bana

Bana sala bageste to mwa-senete

Bana yimba ti kina

28.2 Na mpasi yonso sambu na madia, balepre 4 kwendaka kudipesa na mbeni Siria, kansi ntangu bo kumaka, bo monaka muntu ve.

Tangila bana baverse yai :

3 ...kuvandaka na bantu iya ke bela maladi ya lepre. Bo tubanaka bo na bo nde : « Nki mfunu ya kuingila awa tii lufwa na beto ?

4 ...Beto kwendeno na beto na camp ya basoda ya Siria. Kana bo zola kufwa beto, bo fwa beto. Kana bo zola kubika beto, bo bika beto.”

5 Ebuna ...bo kwendaka na camp ya basoda ya Siria, kansi ntangu bo kumaka penepene, bo monaka ata muntu ve.

? Yula bana

Bana sala bageste to mwa-senete

Bana yimba ti kina

28.3 Nzambi me sala na mpila nde basoda ya Siria kuwa makelele bonso armee ya nene vandaka kukwisa. Bo me wa boma, yo yina bo me tina.

Tangila bana baverse yai :

6 Mpamba ve, Mfumu Nzambi vandaka me wisa bantu ya Siria makelele bonso makelele ya basoda mingi ti bampunda ti bapusupusu.

Ebuna bantu ya Siria tubanaka bo na bo nde: “Ntotila ya Israele me futa bantotila ya (nkaka), ti basoda na bo na kwisa kunwanisa beto.”

7 Yo yina basoda ya Siria... tinaka. Bo bikisaka banzo na bo ya ntenta, bampunda na bo yonso ti camp na bo mutindu yina.

? Yula bana

Bana sala bageste to mwa-senete

Bana yimba ti kina

28.4 Bo kudiaka mbote na camp ya mbeni me bikisa. Bo kwendaka mpi na bimvwama mingi. Ntangu bantu ya Samaria waka yo, bo mpi kudiaka ti bakaka bima. Bo bakaka madia na kati ya lumbu mosi mosi Elisa me tuba. Tangila bana baverse yai :

8 Ntangu bantu yina iya ya maladi kumaka na ...camp, bo kwendaka kukota na nzo ya ntenta mosi, ebuna bo diaka, bo nwaka yonso ya bo vandaka kumona...Na nima, bo kotaka na nzo ya ntenta ya nkaka. Bo (bakaka) mpi bima yina vandaka muna, bo kwendaka kubumba yo.

10-11 ...bo vutukaka na bwala Samaria, ebuna bo bingaka bantu yina ke kengilaka munoko ya lumpangi...bantu yina mwangisaka nsangi yina...

16 Na mbala mosi, bantu ya Samaria basikaka na bwala. Bo kotaka na camp ya basoda ya Siria. Bo yantikaka kubaka-baka bima. Mutindu Mfumu Nzambi tubaka, bo sumbaka kitunga mosi ya fufu ya kitoko ya ble ...na kibende mosi ya mbongo.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Basoda ya Siria me ziungaka bantu ya Israele na bwala Samaria, tii ntangu madia na bo yonso me mana. Bo zolaka kufwa. Ntangu yina, Nzambi songaka profete Elisa nde me bikala lumbu mosi, bo ta dia mbote ti arze ta vanda mpi mingi. Nki mutindu mambu yina lenda salama ?

Na lumbu na nima, bantu iya ya maladi ya lepre yindulaka nde bo kwenda kudipesa na mbeni Siria, sambu ata bo sala yonso, bo ta fwa na nzala kaka. Kansi ntangu bo munaka na camp ya mbeni, muntu vandaka kuna ve. Bo me bika bima na bo yonso ya kubika.

Bo salaka yo sambu Nzami wisaka bo makelele. Na mabanza na bo, bo yindulaka yo vandaka armee ya basoda mingi ti bampunda ti bapusupusu. Na boma, bo yonso tinaka. Balepre yina kudiaka ti songaka bantu ya nkaka. Bo yonso fulukaka, kaka mutindu Nzambi tubaka. Nzambi kele na bampila mingi na kusadisa beto. Beto lenda binga Yandi na ntangu ya mpasi. Devoir sambu na bakristo :

O, beno bakristo, beto yindula mingi ve nki mutindu Nzambi ta sadisa beto. Ata beto mona mpila ve, Yandi kele na bampila mingi. Na mposo yai, beto binga Yandi kusadisa na konso mambu ya mpasi.

Invitation sambu na bo ya me yamba Yesu ntete ve :

Keti nge me tula Yesu ntima sambu Yandi gulusa nge ti kotisa nge na zulu, Yandi tanga nge na kati ya bana na yandi ? Mambu yai ya mpulusu, yo luta mfunu na bima yonso. Kana nge me balula ntima ntete ti, tula ntima na Yandi bubuyai. NSUKA YA LESO 28

Leso 29. Mfumu ya Israele vutulaka nkento ntoto na yandi.

2 Bantotila 8 :1-6

I. PREPARATION SAMBU NA MONITEUR-

Kikuma ya Leso :

Beto tula ntima nde Nzambi ta lunda beto bantu na Yandi na mambu yonso ya salama na luzingu na beto.

Verset ya Kulonguka :

Roma 8 :28a Beto zaba nde Nzambi ke salaka na mambu yonso na mpila nde yo vanda mbote sambu na bantu yina ke zolaka Yandi...

Nkunga ya kwenda nzila mosi ti leso :

Mfumu Zaba Nzila na Mono

II. REVISION

Kuyindula diaka baleso me luta :

Kana beno lenda bambuka baleso 21 ti 22 ya ngonda me luta, nkento mosi yidikilaka Elisa chambre sambu yandi kupema na kutambula na yandi. Kuvutula yandi matondo, Elisa tubaka nde Nzambi ta kangula divumu na yandi, yandi buta mwana ya bakala, ata bakala na yandi me nuna. Ntangu mwana yina yelaka, yandi bwaka na probleme ya ntu, yandi fwaka. Elisa salaka nki sambu na yandi ? Yandi sambaka Nzambi, Nzambi tedimisaka mwana yina, ti pesaka yandi moyo diaka.

III. KULONGA LESO YAI Kuyantika :

Na lesu yai, beto mona nkento yina diaka.

Bambuka nde Nzambi songaka Elisa nde ntangu ya nzala ta kwisa. Bantu kudiaka na camp ya basoda ya Siria. Bo kudiaka mbote, kansi yina vandaka ndambu bilumbu kaka. Na nima, ntangu ya nzala vandaka kulanda.

Malongi ya nene ya lesu yai (developpement) na banti 3 :

29.1 Nkento yina ya Elisa tedimisaka mwana na yandi na lufwa, Elisa songaka yandi kukwenda na nsi ya nkaka, sambu Nzambi ta tinda bamvula 7 ya nzala na ntoto ya Israele. Ebuna yandi salaka mpidina bamvula 7, na nima yandi vutukaka.

Tangila bana baverse yai :

2 Bantotila 8 :1 Kilumbu mosi, Elisa songaka nkento yina ya yandi vutulaka moyo ya mwana na yandi nde : « Mfumu Nzambi ke tinda nzala ya ngolo na ntoto ya Israele. Yo ta vanda bamvula 7. Ebuna nge ti fami..., beno katuka awa, beno kwenda kuvanda na ntoto ya nkaka. »

2 Nkento yina mpi salaka mutindu profete songaka yandi....

3a Na nima ya bamvula yin nsambwadi, yandi vutukaka na ntoto ya Israele...

? Yula bana

Bana sala bageste to mwa-senete

Bana yimba ti kina

29:2 Ntangu yandi vutukaka, yandi kwendaka na mfumu sambu yandi vutula ntoto na yandi. Yandi kotaka kaka ntangu Gehazi, nsadi ya Elisa, vandaka kubambukisa mfumu mambu yonso ya mbote ya Elisa me sala, mpi mpila yandi tedimisaka mwana ya nkento yai.

Tangila bana baverse yai :

3b ebuna yandi kwendaka na ntotila na kuyula mambu ya nzo na yandi ti bilanga na yandi.

4 Yandi kwisaka kukuta ntotila ke solula na Gehazi, muntu ya Elisa. Ntotila ke yula Gehazi na kusonga yandi mambu yonso ya kuyituka ya Elisa me salaka...

5 Ntangu Gehazi vandaka kutela ntotila mutindu Elisa tedimisaka mwana ya nkento mosi na lufwa, nkento yango mpi ke kwisa

kukuma na meso ya ntotila sambu na kuyula mambu ya nzo na yandi ti bilanga na yandi.

Gehazi tubilaka ntotila nde: “Mfumu, tala nkento yango ti mwana yina ya Elisa tedimisaka na lufwa, bo yai!”

? Yula bana

Bana sala bageste to mwa-senete

Bana yimba ti kina

29.3 Ntangu mfumu monaka nkento ti mwana na yandi ti waka histoire na yandi, yandi vutulaka ntoto na yandi. Yandi yikaka mpi mbongo ya nkaka.

Tangila bana baverse yai :

6 Ntotila yulaka nkento yina, ebuna yandi mpi tubaka kaka mutindu Gehazi tubaka. Ntangu yai, ntotila songaka muntu na yandi mosi nde: “Vutudila nkento yai bima na yandi yonso, ti ntalu ya bima yonso yina vandaka kubasika na bilanga na yandi, katuka mvula yina ya yandi katukaka tii bubu yai.”

? Yula bana

Bana sala bageste to mwa-senete

Bana yimba ti kina

>|< Kumanisa Malongi :

Nzambi lundaka nkento yina na mpila Elisa songaka yandi kukwenda kuzinga na nsi ya nkaka bamvula 7. Yandi lundaka yandi na kubenda mfumu kulomba Gehazi kusonga yandi mambu ya mbote Elisa me sala. Yandi lundaka yandi na kubenda yandi kusala yo kaka na ntangu yandi vandaka na nzila kukwisa na mfumu. Yandi lundaka yandi kupesa mfumu ntima ya mbote kaka kuvutula ntoto na yandi mpamba ve, kansi kuyika mpi bima ya nkaka. O, Nzambi kele na bampila mingi kulunda bantu na Yandi !

Devoir sambu na bakristo :

Bana bakristo, beto tula ntima nde Nzambi ta lunda beto mpi, na mambu yonso ya salama na luzingu na beto.

Invitation sambu na bo ya me yamba Yesu ntete ve :

Nzambi ke lundaka bantu na Yandi. Keti nge kele mwana na Yandi ? Muntu kele mwana ya Nzambi kaka kana yandi me tula ntima na Yesu Kristo, Mwana ya Nzambi. Na mukanda ya Yoane, beto tanga nde: "...bantu ya nkaka ndimaka Yandi (Yesu). Bo ndimaka Yandi mpi na ntima na bo. Ebuna (Nzambi) pesaka bo kiyeka na kukituka bana ya Nzambi" (1 :12).

Nzambi ta kitula nge mpi mwana na yandi kana nge ta tula ntima na Yesu Kristo.

NSUKA YA LESO 29

Leso 30. Mwana ti ntekolo ya Yozafati landaka Nzambi ve—kaka lufwa, mawa ti mpasi.

2 Bansangu 21, 22 :1-4

I. PREPARATION SAMBU NA MONITEUR-

Kikuma ya Leso :

Beto landa Yesu, sambu kubuya Yandi ke natila beto luzingu ya mawa.

Verset ya Kulonguka :

Bankunga 1 :6 Mfumu Nzambi ke talaka bantu ya mbote, kansi bantu ya mbi ke landaka nzila ya lufwa.

Bakunga ya kwenda nzila mosi ti leso :

Mawa, mawa kuvanda mwana-Satana Yezaya 53 :6

II. REVISION

Kuyindula diaka baleso me luta :

Beto me mona bampila mingi nde Nzambi lundaka mufwikidi ya nkento ya tulaka ntima na Nzambi. Kiese na bantu ya landa Mfumu Nzambi na beto ! III. KULONGA LESO YAI Kuyantika :

Kansi nki mutindu luzingu ya bantu ya landa Yandi ve ? Bubuyai beto ta landa luzingu ya bana ya Mfumu Yozafati.

Malongi ya nene ya lesu yai (developpement) na banti 4 :

30.1 Mbuta ya bana ya Yozafati zina ya Yorami yingaka tata. Kansi yandi mbi mingi. Yandi fwaka baleki na yandi yonso. Nkento na yandi, mwana ya Akabi, bendaka yandi na mbi.

Tangila bana baverse yai :

2 Bansangu 21:1 Ntangu Yozafati kufwaka, bo zikaka yandi na maziamu ya bantotila kuna na Bwala ya Davidi na kati ya Yeruzalemi.

Mwana na yandi Yorami bikaka kuyinga yandi na kimfumu.

2 Yorami... vandaka na bampangi sambanu ya babakala....

4 ...Yorami me kumisa kimfumu na yandi...fwaka bampangi na yandi yina yonso sambanu, ti bambuta ya nkaka ya Israele.

6 Yandi landaka bifu ya mbi ya bantotila ya Israele, mutindu vandaka bifu ya fami ya Akabi, sambu yandi kwelaka mwana ya ntotila Akabi. Yorami vandaka kusala masumu na meso ya Mfumu Nzambi.

? Yula bana

Bana sala bageste to mwa-senete

Bana yimba ti kina

30.2 Sambu na mpila Yandi silaka fami ya Davidi, Nzambi fwaka Yorami ve. Kansi Elia songaka ndola ya Nzambi ta pesa yandi—1) bambeni ta nwanisa yandi ti kufwa bana na yandi, 2) maladi ya misobo ta pesa yandi mpasi ti kufwa yandi.

Tangila bana baverse yai :

7 Kansi Mfumu Nzambi zolaka ve kufwa kimfumu ya Yuda, sambu Yandi silaka ntotila Davidi nde bana na yandi ta yalaka kaka na Yuda.

12 Kilumbu mosi, Yorami bakaka mukanda me katuka na profet Elia (ya yandi sonikaka na ntwala Nzambi me baka yandi), ke tuba nde : « Mfumu Nzambi...ke tuba nde nge me landa ve bifu ya mbote ya tata na nge Yozafati...

13 Kansi nge me landa mbandu ya bantotila ya Israele na kupusa bantu ya Yuda ti ya Yeruzalemi na kusamba banzambi ya luvunu, mutindu salaka fami ya Akabi. Nge me fwa mpi bampangi na nge, mpenza bayina lutaka nge na mfunu.

14 Yo yina, Mfumu Nzambi ke pesa nge ndola na bantu na nge, na bana na nge ti na bankento na nge. Nge ta fwa bima na nge yonso.

15 Nge mosi, maladi ya ngolo ta simba nge na misobo, tii kuna yo basika. »

? Yula bana

Bana sala bageste to mwa-senete

Bana yimba ti kina

30.3 Yandi fwaka na mpasi ya maladi yina. Bo zikaka yandi kansu buyaka yandi luzitu. Bantu waka ve mawa sambu na lufwa na yandi.

Tangila bana baverse yai :

18 Ebuna na nima, Mfumu Nzambi tindilaka Yorami maladi ya ngolo ya misobo.

19 ...ebuna na nima ya bamvula zole, misobo na yandi basikaka. Ntotila Yorami fwaka na mpasi mingi mpenza. Bantu na yandi yokaka ve mananasi sambu na kupesa yandi lukumu mutindu bo salaka na bankaka na yandi.

20Ntangu yandi fwaka, bantu monaka mawa ve. Bo zikaka yandi na Bwala ya Davidi na kati ya Yeruzalemi, kansu na maziamu ya bantotila ve.

? Yula bana

Bana sala bageste to mwa-senete

Bana yimba ti kina

30.4 Mwana na yandi Ahaziah yalaka kansu yandi mpi landaka nzila ya mbi ya Akabi.

Tangila bana baverse yai :

22 :1 (Basoda ya mbeni)...fwaka bana yonso ya babakala ya ntotila Yorami. Kaka Ahazia, mwana ya leki, bikalaka. Yo yina, bantu ya Yeruzalemi solaka yandi na kuyinga tata na yandi na kimfumu ya Yuda.

2-3 Ahazia landaka bifu ya mbi ya fami ya Akabi, sambu mama na yandi Atalia, yina vandaka mwana ya Akabi, yandi vandaka kupesa yandi malongi ya mbi.

4 Ahazia salaka masumu na meso ya Mfumu Nzambi, mutindu vandaka kusala fami ya Akabi, sambu na nima ya lufwa ya tata na yandi, bantu ya nkaka ya fami ya Akabi kumaka baconseye na yandi. Bo... bwisaka yandi.

? Yula bana

Bana sala bageste to mwa-senete

Bana yimba ti kina ><

Kumanisa Malongi :

Tata ya Yorami ti nkaka ya Ahazia vandaka Yozafati, ya landaka nzila ya Nzambi. Kansu Yorami ti mwana na yandi Ahazia, bo solaka kulanda na nzila ya nkaka. Nki mambu ya kiese na luzingu na bo ? Ata kima mosi ve. Nki kiese na bantu bo vandaka kuyala ? Ata mosi ve. Kaka lufwa. Muntu kufwa baleki na yandi ! Mawa ! Mawa ! O, bana, beto landa nzila ya Yesu. Bo ya buya yo ke sola nzila ya lufwa ti ya mawa.

Devoir sambu na bakristo :

Bana bakristo, beno me zenga kulanda Yesu. Tala nde beno ke landa Yandi mbote na mambu yonso na mposo ke kwisa.

Invitation sambu na bo ya me yamba Yesu ntete ve :

Kansu mbala ya nkaka nge me yamba Yesu ve. Kulanda yandi, luyantiku ya nzila yina kele kubalula ntima. Kana mpeve ya Nzambi ke bula na ntima na nge, yai ke songa nde Yandi ke binga nge. Yandi zola kuzabisa nge nde nge ke na mfunu na Yandi. Balula ntima na nge bubuyai sambu Yesu kotisa nge na nzila na Yandi.

NSUKA YA LESO 30

Leso 31. Mwana ya bamvula 7 kumaka mfumu ti yalaka mbote sambu yandi wilaka malongi ya Nzambi.

2 Bantotila 11:1-20, 12 :1-3 (2 Bansangu 22 :10-12 & 23:12-14 ke tuba kiteso mosi.) I.

PREPARATION SAMBU NA

MONITEUR- Kikuma ya Leso :

Beto wila malongi ya Nzambi, ebuna beto lenda sala kusalu ya mfunu ata beto kele kaka bana.

Verset ya Kulonguka :

Bingana 20:11 Mwana ke songaka nde yandi kele nani na mambu ya yandi ke salaka. Nge lenda zaba kana yandi kele mwana ya mbote to ve.

Bankunga ya kwenda nzila mosi ti lesu :

Kuwa Bible

Bana ya Fioti Yonso

II. REVISION

Kuyindula diaka baleso me luta :

Mfumu to ntotila ya nsuka ya beto me mona na sud, na kimfumu bo bingaka Yuda, yandi vandaka nani?

(Ee, Ahaziah, mwana ya Yozafati, mfumu ya mbote. Kansi Ahaziah salaka mbi kaka.) III.

KULONGA LESO YAI Kuyantika :

Beto me mona nde Ahaziah salaka mbi sambu mama na yandi pesaka yandi malongi ya mbi. Zina na yandi Mama Atalia, mwana ya Akabi. Keti beno ke bambuka yandi? Mfumu ya kuluta mbi. Mama Atalia sadilaka biteki ti sambaka Nzambi ve. Na nima mwana na yandi fwaka, Mama Atalia yai, yandi zolaka nde yandi mosi kuyala bonso mfumu. Yo yina, yandi fwaka bana na yandi yonso na mpila nde bo lenda ve kuyala. O, mawa mingi !

Kansi yandi nungaka ve na lukanu na yandi ya kumanisa fami yonso. Bubuyai beto ta mona mpila yo salamaka.

Malongi ya nene ya lesu yai (developpement) na banti 4 :

31.1 Mama Atalati sosaka kufwa bana yonso ya Ahaziah.

Tangila bana baverse yai :

2 Bantotila 11 :1

Ntangu Atalia, mama ya Ntotila Ahaziah, waka nde mwana na yandi Ahazia, bo me fwa yandi. Yandi zengaka nde yandi fweti fwa bantu yonso ya dikanda ya ntotila ya Yuda.

? Yula bana

Bana sala bageste to mwa-senete

Bana yimba ti kina

31.2 Mbuta ya nkento bumbaka mwana Yoashi na Nzo-Nzambi. Bamvula 6 yandi yelaka na kinsweki.

Tangila bana baverse yai :

11 :2 Kansi ntangu bo ke fwa bantu yango, nkento yai Yosheba tinisaka na kinsweki mwana mosi ya Ahazia, zina na yandi Yoashi. Yandi kwendaka kubumba yandi na shambre mosi na Nzo-Nzambi nzila mosi ti ndesi na yandi. Atalia vandaka kuzaba kima ve. Mutindu yo yina Yosheba gulusaka Yoashi na maboko ya Atalia.

3 Yosheba bumbaka mwana yina bamvula sambanu na kati ya Nzo-Nzambi, ntangu Nkento-Ntotila Atalia vandaka kuyala na Yuda.

4a Kansi na mvula ya nsambwadi...

? Yula bana

Bana sala bageste to mwa-senete

Bana yimba ti kina

31.3 Bu Yoashi me lungisa bamvula 7, NgangaNzambi Yoyada tulaka yandi mfumu.

Tangila bana baverse yai :

11 :4b Nganga-Nzambi Yoyada bingaka bantu yai na kwisa na Nzo-Nzambi...Ebuna yandi basisilaka bo Yoashi mwana ya Ahaziah 5 ti kutubila bo mambu yai :

8 Beno fweti kengila Ntotila Yoashi ...beno fweti vanda ti yandi konso kisika ya yandi zola kwenda....

11 Yandi tedimisaka basoda na ndambu ya este ya Nzo-Nzambi... Bamfumu ya basoda salaka mambu yonso ya nganga-Nzambi Yoyada songaka bo na kusala....sambu na kukengila ntotila. Bo vandaka ti bambele na bo ya bitumba na maboko.

12 Ntangu yai, Yoyada songaka bantu na kwisa kubasisa Yoashi. Yandi tulaka yandi mpu ya kimfumu, yandi pesaka yandi mukanda ya bansiku me tadila kimfumu, ebuna yandi tulaka yandi mafuta na ntu na kusonga nde yandi kele ntotila. Bantu yonso bulaka maboko to kutuba na ndinga ya ngolo nde: “Luzingu ya nda na ntotila !”

? Yula bana

Bana sala bageste to mwa-senete

Bana yimba ti kina

31.4 Yoashi wilaka conseye ya mbote ya Yoyasi pesaka yandi. Yo yina, yandi yalaka mbote ti Nzambi pesaka bo ngemba.

Nzambi Yoyada tulaka yandi mfumu.

Tangila bana baverse yai :

11 :13 Ntotila-nkento Atalia waka makelele ya basoda ti ya bantu ya nkaka, ebuna yandi kwendaka nswalu na Nzo-Nzambi, kisika vandaka bantu yango.

14 Ntangu yandi kumaka kuna, yandi ke mona ntotila ya nkaka me telama na kisika ya bantotila ke telama Bantu yonso ke tula milolo ya kiese, bantu ya kubula miziki ke bula bampungi....

17 Yoyada songaka Ntotila Yoashi ti bantu yonso na kuwakana na Mfumu Nzambi nde bo fweti vanda bantu ya (Yandi)....

18 Ntangu yai, bantu kwendaka na nzo ya nzambi Baale. Bo fwaka-fwaka yo....

19 ...(Basoda) bakaka Ntotila Yoashi, ebuna bo nataka yandi na nzo ya kimfumu.... Bantu yonso landaka bo. Ebuna Yoashi bakaka kiti ya kimfumu.

20 Bantu yonso vandaka kiese mingi. Bwala mpi kumaka pima na nima ya lufwa ya Atalia.

12 :1-2Na ntangu yina, Yoashi vandaka bamvula nsambwadi (7)....

3 Yoashi na luzingu na yandi yonso, yandi pesaka Mfumu Nzambi kiese na mambu ya yandi vandaka kusala, sambu Nganga-Nzambi Yoyada muntu vandaka kusonga yandi.

? Yula bana

Bana sala bageste to mwa-senete

Bana yimba ti kina

>|< Kumanisa Malongi : Yoashi kumaka ntotila ntangu yandi vandaka mwana ya bamvula 7 kaka. Kansi yandi yalaka mbote kuluta bamfumu mingi na age kuluta yandi. Yandi yalaka mbote sambu yandi wilaka Ndinga ya Nzambi na munoko ya Nganga-Nzambi Yoyada.

Devoir sambu na bakristo :

Beno bakristo, Nzambi lenda pesa beno mayele kusala mbote mpi kana beno wila Ndinga na Yandi. Beto kuwa yo, beto wila yo mposo yai. Invitation sambu na bo ya me yamba Yesu ntete ve :

Kana nge me kwikila Yesu Mwana ya Nzambi ntete ve, malongi ya ntete Nzambi zola nge kuwila, yo yai: Kuzaba nde Nzambi zolaka beto mingi, yo yina Yandi tindilaka beto Mwana mosi yina kele na

Yandi, na mpila nde konso muntu ya ta kwikila
Yandi, Yandi kufwa ve, kansi yandi kuvanda na
moyo ya mvula na mvula.

Keti nge ta kwikila Yandi bubuyai ?

NSUKA YA LESO 31

Leso 32. Yoashi yidikaka NzoNzambi.

2 Bansangu 24 :1-14 (Yo ke monika mpi na 2
Bantotila
12 :1-21.)

I. PREPARATION SAMBU NA MONITEUR-

Kuyidika na ntuala :

Kana mikobodi kele, bana lenda sala mwa-sanduku
ti munoko na zulu na yo. Nge ta songa yo na 32.3.
Kana beno sala offrande, bana tula offrande na bo
na kati. Pesa offrande na dibundu sambu na
kusadisa bo kutunga to kuyidika Nzo-Nzambi.

Kikuma ya Leso :

Beto landa conseye ya kinzambi.

Verset ya Kulonguka :

Bankunga 1 :1-2 Kiese na muntu yina ke ndimaka
ve ngindu ya bantu ya mbi, ke landaka ve banzila
ya bantu ya masumu, ke vandaka ve kisika mosi na
bantu yina ke sekaka Nzambi,

Kansi yandi ke monaka kiese na bansiku ya Mfumu
Nzambi,

Yandi ke yindulaka yo mpimpa ti mwini.

Bankunga ya kwenda nzila mosi ti leso :

Kuwa Bansongidila ya Mbote
Mfumu Zaba Nzila na Mono

II. REVISION

Kuyindula diaka baleso me luta :

Beto kele kuyindula bamfumu ya yalaka na
ntangu kimfumu ya Israele me kabana, me
kuma zole. Yo me kuma kimfumu ya Israele
na nord ti kimfumu ya Yuda na sud. Beno ta
bambuka nde yo kabanaka sambu, na nima
ya Mfumu Salomo, mwana na yandi
Rehoboami, yandi waka ve conseye ya
mbote. Na nord, kimfumu ya Israele
vandaka na bamfumu kaka mbi, mbi, mbi.
Na sud, na kimfumu ya Yuda, bamfumu ya
mbi vandaka ti ya mbote mpi vandaka. Nani
mosi ya mbote ? (Ee, Yosafati vandaka mosi
ya mbote.)

III. KULONGA LESO YAI

Kuyantika :

Ntangu yai, beto me kuma na Mfumu Yoashi. Nki
beno ke bambuka sambu na yandi ?

- Nki salamaka na yandi ntangu yandi
vandaka kaka mwana ya mvula mosi ?
(Mpangi na nkento Yosheba bumbaka yandi
sambu Atalia zolaka kufwa bana yonso ya
Mfumu Ahaziah.) Bo bumbaka yandi
wapi ?
(Na Nzo-Nzambi)
- Yandi yantikaka kuyala na nki age ?
(Bamvula 7)
- Nani pesaka Yoashi conseye ya mbote ?
(Nganga-Nzambi zina ya Yoyada)

Malongi ya nene ya lesu yai (developpement) na
banti 4 :

32.1 Yoashi vandaka kulanda malongi ya mbote ya
Yoyada. Yandi bakaka ngindu kuyidika
NzoNzambi, bisika Atalia me fwaka yo.

Tangila bana baverse yai :

2 Bansangu 24 :2 Na luzingu yonso ya
ngangaNzambi Yoyada, Yoashi pesaka Mfumu
Nzambi kiese na mambu ya yandi vandaka
kusala.

4 Na nima ya bilumbu fioti, ntotila Yoashi zengaka nde bo fweti yidika Nzo-Nzambi.

7 Sambu bantu ya Atalia, nkento yina ya mubulu, bo bebisaka Nzo-Nzambi, bo bakaka nkutu bima ya Nzo-Nzambi sambu na kusambila nzambi Baale.

? Yula bana

Bana sala bageste to mwa-senete

Bana yimba ti kina

32.2 Yandi songaka banganga-Nzambi kukwenda nswalu kulomba bantu kupesa mbongo sambu na kuyidika Nzo-Nzambi, kansi bo salaka yo ve.

Tangila bana baverse yai :

5 Yandi (Yoashi) bingaka banganga-Nzambi ti bantu ya dikanda ya Levi, yandi tindaka bo na babwala ya Yuda nde, « Beno kwenda kulomba-lomba mbongo ya bantu yonso ya Israele sambu na kuyidika Nzo-Nzambi konso mvula. Beno sasuka na kusala yo. » Kansi bantu ya Levi sukininaka na kwenda,

6 yo yina Yoashi bingaka Yoyada, yandi yulaka yandi nde : »Sambu na nki nge songaka ve bantu ya Levi na kwenda kufutisa bantu ya Yuda ti ya Yeruzalemi mbongo yina ya Moize tubaka nde bantu ya Israele fweti pesa sambu na Nzo-Nzambi ya ntenta ? »

? Yula bana

Bana sala bageste to mwa-senete

Bana yimba ti kina

32.3 Yoashi songaka bo kusala sanduku kutula na munoko ya Nzo-Nzambi sambu bantu kutula mbongo kuna.

Tangila bana baverse yai :

8 Ntangu yai Ntotila Yoashi songaka bantu ya Levi na kusala sanduku yina ya bo ta tula na munoko ya Nzo-Nzambi.

9 Na nima, bo tindaka ndinga na Yeruzalemi ti na ntoto ya mvimba nde bo fweti kwisa kupesa Mfumu Nzambi mbongo ya Moize muntu ya Nzambi zengilaka bo kuna na ntoto ya zelo na zelo.

10 Bambuta ti bantu kwisaka na kiese yonso kupesa mbongo ti kutula yo na sanduku, sanduku mpi zolaka kifuluka.

11 Konso lumbu bantu ya Levi vandaka kunaka sanduku na kalaki ya ntotila yina fweti tala yo. Kana sanduku me fuluka, kalaki ya ntotila muntu yina vandaka kutala bima ya mfumu ya banganga-Nzambi, bo katula mbongo, ebuna bo vutula sanduku na kifulu na yo. Mutindu yuo yina, bo bakaka mbong ndambu mingi.

? Yula bana

Bana sala bageste to mwa-senete

Bana yimba ti kina

32.4 Bo sadilaka mbongo yina kuyidika NzoNzambi ti kusala diaka babolo ya nkaka na sika ya yina ya Atalia me sadila kusambila Baale.

Tangila bana baverse yai :

12 Ntotila Yoashi ti nganga-Nzambi Yoyada vandaka kupesa mbongo yango na bantu yina vandaka kutala kisalu ya kuyidika Nzo-Nzambi. Bantu yai bakaka na kisalu bantu ya kupasulaka matadi ti basharpantie ti bantu ya kisalu ya bibende.

14 Ntangu kisalu manaka, bo pesaka wolo ti arza yina bikalaka na ntotila ti na Yoyada. Bo sadisilaka yo babolo ti bima ya nkaka ya NzoNzambi.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Yoashi salaka mbote na kimfumu na yandi sambu yandi waka conseye ya kinzambi ya Yoyada pesaka yandi. Yandi yidikaka diaka Nzo-Nzambi ti bantu yonso vandaka na kiese na yo. Devoir sambu na bakristo :

Bana bakristo, na mposo yai keti nge ta wa conseye ya kinzambi ? Keti nge ta wa yo na pasteur ? Na bibuti ? Na Bible?

Invitation sambu na bo ya me yamba Yesu ntete ve :

Conseye ya nene ya Bible ke songa beto kele kutula ntima na Yesu Kristo, Mwana ya Nzambi ya bikaka zulu, ya fwaka na zulu ya kulunsi na sika ya beto, ya telamaka na lufwa. Kana nge me balula ntima ntete ve, tula kivuvu na nge yonso na Yandi bubu. Yandi ta lolula mbi yonso ya nge. Yandi ta kitula nge mwana na Yandi, mukristo NSUKA YA LESO 32.

Leso 33. Na nima ya Yoyada, Yoashi landaka conseye ya mbi ti yo nataka mpasi.

2 Bansangu 24 :15-25

I. PREPARATION SAMBU NA MONITEUR-

Kikuma ya Leso :

Beto landa conseye ya kinzambi kansi beto buya conseye ya mbi.

Verset ya Kulonguka :

Bankunga 1 :1-2 Kiese na muntu yina ke ndimaka ve ngindu ya bantu ya mbi, ke landaka ve banzila ya bantu ya masumu, ke vandaka ve kisika mosi na bantu yina ke sekaka Nzambi,

Kansi yandi ke monaka kiese na bansiku ya Mfumu Nzambi,

Yandi ke yindulaka yo mpimpa ti mwini.

Bankunga ya kwenda nzila mosi ti leso :

Kuwa Bansongidila ya Mbote Mfumu Zaba Nzila na Mono

II. REVISION

Kuyindula diaka baleso me luta :

III. KULONGA LESO YAI

Kuyantika :

Beto me mona mpila nganga-Nzambi Yoyada pesaka Mfumu Yoashi conseye ya kinzambi. Yoashi landaka yo, ebuna yandi salaka mambu ya mbote. Yandi twadisaka bo kuyidika Nzo ya Nzambi. Nzambi vandaka na kiese na yandi, ti bantu mpi vandaka na kiese na yandi. Conseye ya mbote sadisaka yandi mingi.

Malongi ya nene ya leso yai (developpement) na banti 4 :

33.1 Na nima ya lufwa ya Yoyadi, Yoashi waka conseye ya bamfumu ya Yuda.

Tangila bana baverse yai :

2 Bansangu 24 :15 Nganaga-Nzambi Yoyada kumaka mununu mpenza. Yandi fwaka...

16 Bo zikaka yandi na maziamu ya bantotila... sambu yandi vandaka kusala ntangu yonso mambu ya mbote...

17 Na nima ya lufwa ya Yoyada, bambuta ya Yuda kwisaka kukuta Ntotila Yoashi sambu na kukumisa yandi ti kupesa yandi malongi. Ntotila mpi wilaka bo.

? Yula bana

Bana sala bageste to mwa-senete

Bana yimba ti kina

33.2 Na conseye ya mbi yina, bo bikisaka nzo ya Nzambi. Bo yantikaka kusambila

biteki, ebuna Nzambi wilaka bo makasi.

Tangila bana baverse yai : 18 Yo yina, bantu ya Israele bikisaka kusamba na nzo ya Mfumu Nzambi... Bo kwendaka kusamba biteki... Mfumu Nzambi wilaka bantu ya Yuda ti ya Yeruzalemi makasi sambu na mbi yai.

? Yula bana

Bana sala bageste to mwa-senete

Bana yimba ti kina

33.3 Na conseye ya mbi yina, bo buyaka bapofete ya Nzambi tindilaka bo. Zakaria, mwana ya Yoyada, bendaka bo kuvutuka na Nzambi, kansi bo fwaka yandi na matadi.

Tangila bana baverse yai :

19 Yandi tindilaka bo bapofete na kusonga bo na kwisa kuvutuka na Mfumu Nzambi, kansi ata muntu wilaka bo ve.

20 Ntangu yai, Mpeve ya Nzambi bwilaka Zakaria, mwana ya nganga-Nzambi Yoyada. Zakaria telamaka na meso ya bantu, yandi

tubaka nde : “Mfumu Nzambi ke yula beno nde sambu na nki beno ke fwa bansiku na Yandi ? Beno ta zwa kima ve. Beno me buya Yandi. Yandi mpi me buya beno !”

21 Bantu wilaka Zakaria makasi, ebuna ntotila pesaka bo nzila na kulosa yandi matadi na kati ya lupangu ya Nzo-Nzambi.

22 Yoashi vilaka mambote ya Yoyada tata ya Zakaria salaka yandi. Yandi fwaka Zakaria. Ntangu Zakaria zolaka kufwa, yandi tubaka na ndinga ya ngolo nde: “Mbote Mfumu Nzambi kumona mambu yai, yandi pesa nge ndola.”

? Yula bana

Bana sala bageste to mwa-senete

Bana yimba ti kina

33.4 Nzambi pesaka Yoashi bandola 3. 1) Mbeni Siria kwisaka ti bedisaka bo. 2) Yandi bwaka maladi. 3) Bansadi na yandi fwaka yandi.

Tangila bana baverse yai :

23 Ntangu musibu zolaka kuyantika, basoda ya nsi ya Siria kwisaka kunwanisa Yoashi. Bo kotaka na ntoto ya Yuda ti na bwala Yeruzalemi. Bo fwaka bambuta yonso, ebuna bima ya bo botulaka, bo tindaka yo na mfumu na bo na bwala Damasi.

24 Basoda ya Siria vandaka mingi ve, kansi Mfumu Nzambi pesaka bo nzila na kubedisa basoda ya Yuda yina vandaka mingi. Nzambi salaka mpidina sambu bantu ya Yuda vandaka me buya Yandi... Yai kele mutindu ya Nzambi pesaka Yoashi ndola.

25 Ntangu basoda ya Siria kwendaka, bo bikaka Yoashi na mpasi ya lufwa. Ebuna, bantu na yandi balukilaka yandi. Bo fwaka yandi na zulu ya mbeto sambu yandi fwaka mwana ya nganga-Nzambi Yoyada. Bo zikaka yandi... na maziamu ya bantotila ve.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Yoashi yantikaka bonso mfumu ya mbote, ya lusakumunu. Yandi salaka mbote na luyantiku sambu yandi landaka conseye ya mbote ya ngangaNzambi Yoyada.

Kansi yandi sukaka luzingu na yandi na nsoni, na mpasi, ti na mawa, sambu na nima ya lufwa ya Yoyada, yandi landaka conseye ya mbi.

Devoir sambu na bakristo :

Beto bakristo, beto tula ngolo kulanda conseye ya mbote bilumbu ya beto yonso. Tula ngolo kulanda conseye ya mbote mposo yai. Invitation sambu na bo ya me yamba Yesu ntete ve :

Na Bible beto mona nde diaka ti diaka, bantu vandaka kubebisa. Diaka ti diaka, bo landa ve luzolo ya Nzambi. Ata bo ya yantikaka mbote, bonso Yoashi, mbala mingi bo sukaka na mbi ti na mawa. O, beto kele bankwa-masumu ! O, beto kele na mfunu ya Ngulusi !

Nge mpi me sala mbi. Bible ke tuba nde beto yonso me sala masumu. Yesu Kristo, Mwana ya Nzambi, fwaka na sika na beto, bantu ya mbi. Yandi mpi telamaka na lufwa. Kana nge tula Yandi ntima, Yandi ta changer ntima ti luzingu na nge. Nzambi ta tanga mambote na Yandi na sika na nge. Nge ta kuma muntu mosi ya mpa, mwana ya Nzambi. O, kana nge me tula Yandi ntima ntete ve, kusingo diaka ve. Tula Yandi kivuvu bubuyai sambu Yandi gulusa nge.

NSUKA YA LESO 33

Leso 34. Yoakazi bingaka Nzambi na ntangu ya mpasi kansi vilaka Yandi na nima.

2 Bantotila 13 :1-13, 14 :24

I. PREPARATION SAMBU NA MONITEUR-

Kikuma ya Leso :

Beto sosa lusadisya ya Nzambi kaka na ntangu ya mpasi ve, kansi ntangu yonso.

Verset ya Kulonguka :

Bankunga 55 :17 Kansi mono, mono ke lomba Mfumu Nzambi Yandi sadisa mono. Yandi Muntu ta gulusa mono.

Nkunga ya kwenda nzila mosi ti lesa :

Nzambi Kuwa na Suka

II. REVISION

Kuyindula diaka baleso me luta :

Beto me vanda kulanda ndambu ya bamfumu na Kimfumu ya Yuda na sud. Ndambu ya bamfumu yai salaka mbote. Bonso Yoashi. Yandi yantikaka mbote ntangu yandi waka conseye ya nganga-Nzambi Yoyada. Kansi na nima ya lufwa ya Yoyada, yandi landaka conseye ya mbi. Yandi sambaka biteki ya Nzambi ndimaka ve.

III. KULONGA LESO YAI Kuyantika :

Bubuyai beto ke yindula diaka ndambu bamfumu na nord partie ya ntoto, na kimfumu bo bingaka Israele. Mawa mingi nde na kimfumu ya Israele, ata mfumu mosi ve pesaka Nzambi kiese. Malongi ya nene ya lesa yai (developpement) na banti 4 :

34.1 Na ntangu Yoashi vandaka mfumu na Yuda, Yoakasi vandaka mfumu na Israele. Yoakazi salaka mbi ti sambaka biteki ya Yeroboami, yo yina Nzambi pesaka mbeni Siria ngolo kuyangisa Israele.

Tangila bana baverse yai :

2 Bantotila 13 :1 Ntangu Yoashi ...me lungisa bamvula 23 na kimfumu na yandi na Yuda, Yoakazi mwana ya Yehu kumaka ntotila ya

Israele na bwala Samaria. Yandi yalaka kuna bamvula 17.

2 Yandi salaka masumu na meso ya Mfumu Nzambi bonso Ntotila Yeroboami ... ti kubenda bantu ya Israele na kusala masumu.

3 Yo yina Mfumu Nzambi wilaka bantu ya Israele makasi. Yandi vandaka kupesa bo mbala na mbala na maboko ya Ntotila... ya Siria...

? Yula bana

Bana sala bageste to mwa-senete

Bana yimba ti kina

34.2 Na ntangu ya mpasi, Yoakazi sosaka lusadisya ya Nzambi, ti Nzambi songaka mawa ti sadisaka yandi

Tangila bana baverse yai :

4 Kansi Ntotila Yoakazi sambaka Mfumu Nzambi, ebuna Mfumu Nzambi wilaka yandi mawa, sambu Yandi monaka mutindu bantotila ya Siria vandaka kumonisa bantu ya Israele mpasi.

5 Nzambi tindila bo muntu mosi yina katulaka bo na maboko ya bantu ya Siria, ebuna na nima, Israele kumaka diaka na ngemba...

? Yula bana

Bana sala bageste to mwa-senete

Bana yimba ti kina

34.3 Kansi na nima Nzambi sadisaka bo na mvita, bo landaka kaka kusamba biteki ya Yeroboami.

Tangila bana baverse yai :

6 Kansi ata mpidina, bo bikisaka ve na kusala masumu... ya Ntotila Yeroboami... nkutu ata kiteki ya Ashera, nzambi ya nkento, vandaka kaka ya kutelama na bwala Samaria.

? Yula bana

Bana sala bageste to mwa-senete

Bana yimba ti kina

34.4 Mwana na yandi Yoashi vandaka mbi, ti mwana na yandi Yeroboami 2 mpi. Bo yonso vilaka nde Nzambi sadisaka bo bu bo bingaka zina na Yandi.

Tangila bana baverse yai :

10 ...Yoashi mwana ya Yoakazi kumaka ntotila ya Israele. Yandi yalaka ...na bwala Samaria.

11 Yandi mpi salaka masumu na meso ya Mfumu Nzambi. Yandi landaka mbandu ya mbi ya Ntotila Yeroboami...

14 :23b-24 Yeroboami 2 mwana na Ntotila Yoashi ya Israele kumaka ntotila ya Israele na bwala Samaria...Yandi salaka masumu na meso ya Mfumu Nzambi. Yandi landaka mbandu ya mbi ya nkaka na yandi Yeroboami 1 yina bendaka bantu ya Israele na kusala masumu.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Mfumu Yoakazi bingaka Nzambi na ntangu ya mvita, ntangu ya boma. Ata yandi zolaka Nzambi ve, Nzambi wilaka yandi ti sadisaka yandi ti bantu ya Israele. Keti na nima, Yoakazi landaka Nzambi ? Ikele ve. Yandi kwendaka kusamba biteki ya mpamba-mpamba. Keti yandi bingaka Nzambi na konso mambu ? Ikele ve. Nzambi gulusaka moyo ya Yoakazi, kansi na nima, Yoakazi vilaka Nzambi. Mwana na yandi Yoashi landaka mbandu na yandi ya mbi, ti ntekolo na yandi, Yeroboam 2. Bo mpi vilaka Nzambi ya zolaka sadisa bo. O mawa na Israele sambu bo bingaka zina ya Nzambi kaka na ntangu ya mpasi. Yandi zolaka kusadisa bo konso lumbu, kansi bo zwaka ve lusadisu yina, sambu bo buyaka kubinga zina na Yandi.

Devoir sambu na bakristo :

O, bana bakristo, beto binga zina ya Nzambi konso lumbu. Konso ntangu Yandi zola sadisa beto.

Beto landa Yandi ya kieleka konso ntangu.

Invitation sambu na bo ya me yamba Yesu ntete ve :

Mbala ya nkaka nge zaba kubinga Nzambi ve. Kieleka, nge zaba Yandi ntete ve. Beto yonso vandaka kuvila nzila, kuyungana bonso mameme. Kansi Nzambi zola nge. Yandi ke sosa nge. Yandi zola kulolula masumu yonso ya nge, kutula nge na fami na Yandi ya mvu ya mvu. Binga zina na Yandi sesepiyai. Songa yandi nde nge zola bika nzila ya masumu, nge zola balula ntima, nge kwikila Yandi.

Yandi ta gulusa nge bubu yai.

NSUKA YA LESO 34

Leso 35. Israele nungaka Syria mbala tatu, bonso ndinga ya Nzambi na munoko ya profete Elisa.

2 Bantotila 13 :14-24

I. PREPARATION SAMBU NA MONITEUR-

Kikuma ya Leso :

Beto landa ndinga ya Nzambi mbote, sambu beto zaba nde Nzambi fweti lungisa yo yonso.

Verset ya Kulonguka :

Bankunga 93 :5a Mfumu, mambu yonso ya Nge tubaka, yo kele ya kieleka. Yo ke manaka ve....

Bankunga ya kwenda nzila mosi ti leso :

O Bible Kele Kieleka BI-BI-LA !

II. REVISION

Kuyindula diaka baleso me luta :

Beto ke landa histoire ya bantu ya Israele ya kukabana—bimfumu zole. Kimfumu mosi na sud parti ya ntoto, zina ya Yuda. Ndambu bamfumu na bo landaka Nzambi. Kimfumu ya nkaka na nord parti ya ntoto, zina ya Israele. Ata mfumu mosi na bo mbote. Ata bo landaka Nzambi ve, Yandi sadisaka bo ntangu bo bingaka zina na Yandi. Yandi tindilaka bo bapofete ya nene bonso Elie ti Elisa. Yandi lundaka bantu mosi-mosi ya landaka Nzambi ata bamfumu na bo vandaka mbi.

III. KULONGA LESO YAI

Kuyantika :

Bubuyai beto me kuma penepene na nsuka ya luzingu ya profete Elisa. Ti beto ta mona mpi mambote ya Nzambi salaka Israele na mawa na Yandi, ata bo landaka kaka kubuya Yandi.

Malongi ya nene ya leso yai (developpement) na banti 3 :

35.1 Yoashi Mfumu ya Israele kwisaka kumona Elisa bu profete zolaka kufwa.

Tangila bana baverse yai :

2 Bantotila 13 :14 Profete Elisa belaka maladi mosi ya lufwa. Ntangu yandi me fwa ntete ve, Yoashi ntotila ya Israele kwendaka kutala yandi....

? Yula bana

Bana sala bageste to mwa-senete

Bana yimba ti kina

35.2 Elisa songaka Yoashi ntete kulosa batolotolo, na nima kubula yo na ntoto. Yoashi bulaka yo mbala 3. Yai songaka nde bo ta nunga mbeni Siria mbala 3. Ebuna yandi fwaka. Tangila bana baverse yai : 15 Elisa songaka yandi nde : « Baka bunduki ti batolotolo. » Yoashi bakaka yo,

16-17 ebuna Elisa nde : « Kangula fenetre na ndambu ya Siria. » Yoashi kangulaka yo.

Profete nde : “Yidika tolotolo, benda bunduki.” Yoashi mpi salaka mpidina. Elisa tulaka maboko na yandi na zulu ya maboko ya Ntotila Yoashi, ebuna yandi songaka yandi nde :”Losa tolotolo.” ...Ntangu Yoashi me losa tolotolo imene, Elisa nde : « Yai tolotolo ke songa kununga ya Mfumu Nzambi. Yo kele tolotolo ya kubedisila basoda ya Siria.... »

18 Elisa tubaka diaka na Ntotila Yoashi nde : « Baka batolotolo yina me bika...Bula yo na ntoto.” Yandi bulaka yo na ntoto mbala tatu, ebuna yandi bikisaka.

19 Elisa ...nde : « Nge zolaka kubula mbala tanu to sambanu. Mpidina nge zolaka kubedisa basada ya Siria kimakulu. Kansi ntangu yai nge ta bedisa bo kaka mbala tatu. »

20 Elisa fwaka. Bo zika yandi.

20 Elisa fwaka. Bo zika yandi.

? Yula bana

Bana sala bageste to mwa-senete

Bana yimba ti kina

35.3 Mbeni Syria vandaka kaka kuyangisa Israele. Kansi mbala 3 Israele nungaka bo, mutindu Elisa profete ya Nzambi tubaka. Ndinga na yandi salamaka, ata na nima ya lufwa na yandi.

 Tangila bana baverse yai :

22 Ntangu yonso ya Yoakazi (tata ya Yoashi) vandaka ntotila ya Israele, Ntotila Azaele ya Siria vandaka kumonisa bantu ya Israele mpasi.

23 Kansi Mfumu Nzambi wilaka bantu ya Israele mawa. Yandi zolaka ve nde bo fwa, kansi Yandi sadisaka bo sambu na kuwakana ya Yandi wakanaka na Abrahami... Yandi vilaka bantu na Yandi ata fioti.

25 Mpidina ntotila Yoashi ya Israele bedisaka (Siria) mbala tatu. Ebuna yandi botulaka babwala yina ya (Siria) bakaka ntangu Yoakazi tata ya Yoashi vandaka ntotila.

 ? Yula bana Bana sala bageste to mwa-senete Bana yimba ti kina >|<

Kumanisa Malongi :

Na bilumbu yina, Bible ya mvimba vandaka kulunga ntete ve. Nzambi tubaka na munoko ya bapofete na Yandi. Nzambi keke kieleka ti kwikama. Yo yina, beto zaba nde konso mambu Yandi tuba, yo fweti salama kaka mpila Yandi tubaka yo.

Nzambi na munoko ya profete Elisa tubaka nde Israele ta nuna Siria mbala tatu. Yandi tubaka nde yo ta vanda mpidina sambu Yoashi bulaka batolotolo na ntoto mbala ikwa ? Mbala tatu.

Nzambi tubaka yo, ebuna yo salamaka kaka mpila Yandi me tuba. Ntangu basado ya Siria kwisaka diaka kuyangisa bantu ya Israele, bo bedisaka bo mbala tatu. Ndinga ya Nzambi keke sur !

 Devoir sambu na bakristo :

Bana bakristo, kana Ndinga ya Nzambi keke sur, beto fweti landa yo mbote. Bu nge tanga to kuwa ndinga ya Nzambi mposo yai, lomba Nzambi kusonga nge nki mutindu nge fweti lemfuka na ndinga na Yandi ya nge ke waka.

 Invitation sambu na bo ya me yamba Yesu ntete ve :

Ndinga ya Nzambi keke sur, ebuna yina Yandi tuba sambu na mpulusu, yo keke sur mpi. Yandi songa nde kaka Yesu lenda gulusa beto.

Bisalu 4 :12 « Bantu lenda guluka kaka na Yandi (Yesu), sambu Nzambi me pesaka bantu zina ya muntu ya nkaka ve awa na nsi-ntoto yina lenda gulusa bo. »

Keti nge zaba nde nge me guluka na Yandi ? Kana nge zaba ve mbote-mbote, kansi nge zola kuzaba, beto keke awa na nima ya ecodim konso mposo sambu na kusadisa nge.

NSUKA YA LESO 35

Leso 36. Nzambi pesaka Amasia (S-Y) na maboko ya bambeni sambu yandi salaka lulendo kulanda banzambi ya Edomi ti kubuya profete ya Nzambi.

2 Bansangu 25

I. PREPARATION SAMBU NA MONITEUR-

Kikuma ya Leso :

Beto sala lulendo ve kuyindula nde mabanza ya beto mosi luta yina ya Nzambi.

Verset ya Kulonguka :

Bingana 16 :18 Lulendo ke bwisaka muntu. Yo ke fwaka muntu.

Nkunga ya kwenda nzila mosi ti leso :

Mo' Ta Kwisa na Nzambi na Lulendo Ve

II. REVISION

Kuyindula diaka baleso me luta :

Beto vandaka kusolula Mfumu Yoashi ya Israele (songa kimfumu ya nord na carte géographique). Ntangu yai beto tula diaka na sud, na kimfumu ya Yuda.

III. KULONGA LESO YAI Kuyantika :

Malongi ya nene ya leso yai (developpement) na banti 4 :

36.1 Amasia yantikaka kuyala ndambu mbote, kansi yandi zolaka kunwana. Yandi kwendaka kunwana na Edomi, ti yandi nungaka.

Tangila bana baverse yai :

2 Bansangu 25:1 Amasia kumaka ntotila ...na Yeruzalemi.

2 Amasia salaka mambu yina ke pesaka Mfumu Nzambi kiese, kansi na kikesa mingi ve.

5 Ntangu yai, Amasia bingaka babakala yonso

...ya dikanda ya Yuda ti ya Benyamini....

Ntalu

na bo vandaka 300,000. Bo yonso me kuka na kuvanda basoda....

11 Amasia bakaka diaka kikesa, yandi kwendaka ti basoda na yandi na nseke ...ebuna kuna yandi fwaka basoda 10,000 ya Edomi....

? Yula bana

Bana sala bageste to mwa-senete

Bana yimba ti kina

36.2 Na nima kungunga, yandi kumaka lulendo. Yandi nataka banzambi ya Edomi kusamba yo. Yai yonso bendaka makasi ya Nzambi.

Tangila bana baverse yai :

14 Ntangu Amasia kwisaka kuvutuka na bitumba ya yandi nwanaka na bantu ya Edomi, yandi kwisaka mpi kunata biteki ya banzambi na bo. Yandi kumisaka yo banzambi na yandi. Yandi sambilaka yo. Yandi pesaka yo makabu...

15a Mfumu Nzambi wilaka yandi makasi...

? Yula bana

Bana sala bageste to mwa-senete

Bana yimba ti kina

36.3 Profete kwendaka kusonga Amasia mbi na yandi, kansi Amasia kaka sekaka yandi. Yo yina, Nzambi zengaka kumanisa Amasia.

Tangila bana baverse yai :

15b ...Yandi tindilaka yandi profete na kuyula yandi nde : “Sambu na nki nge me kudipesa na banzambi yina kukaka ve na kugulusa bantu na bo mosi na maboko na nge ?”

16 Kansi Amasia zengaka ndinga ya profete. Yandi yulaka yandi nde : “Nki ntangu mono

tulaka nge na kuvanda konseye na mono ?
Kanga munoko. Kana ve, mono ke fwa nge.”

? Yula bana

Bana sala bageste to mwa-senete

Bana yimba ti kina

36.4 Na lulendo, Amasia kwendaka kunwana na bampangi na bo Israele na nord. Israele bedisaka bo, yo yina Mfumu ya Israele bwisaka ndambu ya kibaka ya bwala ti yibaka ndambu bima ya Temple.

Tangila bana baverse yai :

17 Amasia ntotila ya Yuda ti bankonseye na yandi wakanaka nde bo fweti nwana bitumba na Israele. Yandi tindaka ndinga na Ntotila Yoashi, mwana ya Yoakasi...

18-19 Kansi Yoashi vutulaka nde :...Nge Amasia, sambu nge me bedisa bantu ya Edomi, yo yina nge me kuma lulendo....Sambu na nki nge ke kudisosila makambu ? Sambu na nki nge ke zola nde nge ti bantu na nge, beno mana na kufwa ?

20 Kansi Amasia waka ve ... Mfumu Nzambi zolaka nde...bambeni kubedisa bo, sambu yandi vandaka kusamba banzambi ya bantu ya Edomi.

22 Basoda ya Israele bedisaka basoda ya Yuda, ebuna basoda yonso ya Yuda tina-tinaka na babwala na bo.

23 Yoashi kangaka Amasia, ebuna yandi nataka yandi na Yeruzalemi. Kuna yandi fwaka kibaka ya lupangu ya bwala ...kiteso ya 200 m.

24 Yandi bakaka wolo yonso ti arza ...bima yonso ya ntalu ya Nzo-Nzambi ...ebuna yandi vutukaka ti yo na bwala Samaria nzila mosi ti bantu ya yandi kangaka.

27 Katuka ntangu ya Amasia buyaka Mfumu Nzambi, bantu sosaka mpila ya kufwa yandi... Kilumbu mosi yandi tinaka... kansi bo landaka yandi, bo fwaka yandi...

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Mfumu Amasia bwaka na mambu zole : Ntete, lulendo na yandi twadisaka yandi na banzila ya mbi.

Zole, Yandi waka ve konseye ya mbote ya baprofete pesaka yandi. Yandi buyaka nding ya Nzambi na munoko ya baprofete. Yandi yindulaka nde mabanza na yandi mosi vandaka kuluta mfunu na mabanza ya Nzambi. Nki lulendo! Yo nataka mpasi sambu na bantu ya Yuda ti na nsuka, lufwa sambu na Amasia.

Devoir sambu na bakristo :

Beno bakristo, kana beto tanga mambu mosi na ndinga ya Nzambi, kansi beto landa yo ve, beto lemfuka na yo ve, yai ke songa nde beto ke na lulendo bonso Amasia. Beto yindula nde mpila ya beto yindula kele mbote kuluta yina ya Nzambi me tuba. O, beno bika lulendo na mposo yai. Beno kwenda nswalu kusala yonso ya beno ke wa na Ndinga ya Nzambi.

Invitation sambu na bo ya me yamba Yesu ntete ve :

Lulendo ya kuluta nene kele kuyindula nde nge lenda kudiguluka, to kuyindula nde nge kele mbote, nge ke na mfunu ya kubalula ntima ve. Ndinga ya Nzambi ke tuba nde beto yonso me sala masumu (Roma 3 :23). Yesu tubaka nde Yandi vandaka nzila ya kuguluka (Yoane 6:14). Bika lulendo na nge ve kutwadisa nge na bilungi. Balula ntima bubuyai sambu nge baka moyo, nge yantika kulanda Yesu. Mono ta vanda na kiese na kumona nge na zulu !

NSUKA YA LESO 36

Leso 37. Israele ti Mbeni na Bo Nineve, Nzambi wilaka yonso zole mawa na ndinga ya profete Yonasi.

2 Bantotila 14 :23-29 , Mukanda ya Yonasi

I. PREPARATION SAMBU NA MONITEUR-

Kikuma ya Leso :

Beto songa nsangu ya mbote na bantu yonso, sambu Nzambi zola bantu yonso ti Yandi lenda wila bo mawa ata bo kele banka-mbi.

Verset ya Kulonguka :

Bankunga 100 :5a Mfumu Nzambi kele

mbote. Kuzola na Yandi ke manaka ve...

Bankunga ya kwenda nzila mosi ti lesa :

Benda Bampangi ya Nkaka, Beno Kwisa (verse ya nkunga, ‘Mono Kele na Nzo Kitoko) Kwenda Nord, Kwenda Sud

II. REVISION

Kuyindula diaka baleso me luta :

Beto me mona mpila Mfumu Amasia salaka na Kimfumu ya Yuda. Kansi konso ntangu, bamfumu zole vandaka kuyaka kaka ntangu mosi—Mfumu mosi na sud, na Yuda, ti mfumu ya nkaka na nord, na Israele. Bubuyai beto ta kwenda diaka na nord. Ntangu Amasia vandaka kuyala na Yuda, Yeroboam 2 vandaka kuyala na nord, na Israele. III.

KULONGA LESO YAI Kuyantika :

Keti bubuyai beto kele na batribu ya nkaka ya beto ke zola bo mingi ve ? Ya beto ke wakana ti bo ve ? To babwala ya mutindu yina ? To bafami ?

[Moniteur, pesa bana nzila kutuba ndambu bambandu, kana yo kele.]

Kana beto ke zola bo ve, nki mutindu Nzambi ke mona bo? Nki mutindu Yandi zola beto kuvanda ti bo ?

Malongi ya nene ya lesa yai (developpement) na banti 3 :

37.1 Yeroboam 2 landaka kaka na mbi ya Yeroboam 1, kusamba biteki.

Tangila bana baverse yai :

2 Bantotila 14 :23 Ntangu Amasia mwana ya Yoashi me lungisa bamvula kumi na tanu (15) na kimfumu na yandi na Yuda, Yeroboami 2, mwana ya Ntotila Yoashi ya Israele na bwala Samaria. Yandi yalaka bamvula makumi iya na mosi (41).

24 Yandi salaka masumu na meso ya Mfumu Nzambi. Yandi landaka mbandu ya mbi ya nkaka na yandi Yeroboami 1, mwana ya Nebati, yina bendaka bantu ya Israele na kusala masumu.

? Yula bana

Bana sala bageste to mwa-senete

Bana yimba ti kina

37.2 Nzambi wilaka Israele mawa. Yandi sadisaka Yeroboami 2 kuvutula ntoto ya bambeni me baka, bonso ndinga ya profete Yonasi.

Tangila bana baverse yai :

25 Kansi yandi botulaka ntoto yonso yina vandaka ntete na maboko ya bantu ya Israele, katuka bwala Amati kuna na ndambu ya norde, tii na dizanga ya Mungwa na ndambu ya sude, kaka mutindu Mfumu Nzambi, Nzambi ya Israele, tubaka na munoko ya muntu na Yandi profete Yonasi, mwana ya Amitaiii na bwala Gati-Efere.

26 Sambu Mfumu Nzambi monaka mutindu bantu ya Israele vandaka kumona mpasi ya ngolo na maboko ya bambeni na bo, ata muntu ya kusadisa bo kele ve.

27 Yo vandaka mpi ve ngindu ya Mfumu Nzambi na kufwa Israele kimakilu, yo yina Yandi gulusaka bo na ngolo ya Yeroboami 2 mwana ya Yoashi. ? Yula bana

Bana sala bageste to mwa-senete

Bana yimba ti kina

37.3 Nzambi mpi bingaka profete Yonasi kukwenda na mbeni ya nene na bo, bwala ya nene Ninive, kubinga bo kubalula ntima. Yandi wilaka bo mawa, sambu bo balulaka ntima.

[Moniteur, na nima beto manisa na luzingu ya bamfumu, beto ta vutuka kumona histoire ya Yonasi kuluta mbote diaka.]

Tangila bana baverse yai :

Yonasi 1:1-2 Mfumu Nzambi tubaka na Yonasi mwana ya Amitai nde: “Nge Yonasi, kanga bima, nge kwenda na Ninive, bwala yina ya nene-nene. Kwenda songa bantu ya bwala yina nde mbi na bo me kuma tii na meso na Mono.”

4:11 Ebuna Mono, keti mono lenda mona mawa ve sambu na Nivee, bwala yai ya nenenene, ke na bantu kuluta mil nkama mosi makumi zole (120,000) bayina me zaba ve kusola wapi....Nki mutindu Mono lenda wila bwala yai mawa ve?

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Nzambi zola bantu yonso. Yandi ke songa beto mawa na bampila mingi konso lumbu. Yandi zola kuwila bantu yonso mawa, kulolula bo ti kitula bo bana na Yandi, kana bo ta kaka vutuka na Yandi. Beto vanda nswalu kusonga nsangu ya mbote ya Yesu na bantu yonso. Na kati na yo, bantu ya nkaka ta balula ntima.

Devoir sambu na bakristo :

Keti nge lenda songa nsangu ya Yesu na muntu mosi na mposo yai ? Kaka songa bo nki Nzambi me sala na luzingu na nge. Bu Nzambi kangula nzila, keti nge ta songa nsangu yina ata na konso muntu ? Invitation sambu na bo ya me yamba Yesu ntete ve :

Kana nge me yamba Yesu Kristo ntete ve, Nzambi zola wila nge mpi mawa. Kana ntima na nge ke ndima nde nge me sala mbi, yai kele mbote. Bible ke tuba nde beto yonso me sala masumu (Rom. 2:23), beto yonso me yungana bonso mameme (Yezaya 53 :6). Kana nge zaba nde yai kele kieleka, kaka balula ntima. Ndima nde nge kele na mfunu ya Ngulusi, Yesu Kristo, Mwana ya Nzambi. Ndima nde Yandi fwaka sambu na masumu na NGE, ti Yandi nungaka lufwa. Yandi telamaka.

Binga Yandi na ntima na nge yonso. Yandi ta gulusa nge bubuyai kana nge kwikila Yandi.

NSUKA YA LESO 37

Leso 38. Lulendo bebisaka luyalu ya mbote ya Oziasi.

2 Bansangu 26 Yo ke monika mpi na 2 Bantotila 15:1-7.

I. PREPARATION SAMBU NA MONITEUR-

Kikuma ya Leso :

Beto tina lulendo, sambu beto bakisa nde Nzambi zola lulendo ve. Lulendo ke bendaka bantu kubuya ndinga ya Nzambi, sambu bo banza nde bo zaba kuluta mbote ti Yandi.

Verset ya Kulonguka :

2 Bansangu 26 :16 Ntotila Oziasi kumaka lulendo sambu na ngolo na yandi. Yo yina, yandi kubwaka. Yandi bikaka kulemfukila Mfumu Nzambi....

Bankunga ya kwenda nzila mosi ti leso :

O Lulendo Yambula
Kana Beno Ke Zolaka Mono

II. REVISION

Kuyindula diaka baleso me luta :

Beto me mona nde bamfumu mingi vandaka mbi kaka. Bo landaka Nzambi ve ata fioti. Ya nkaka yantikaka mbote, kansi na nima bo bikisaka nzila ya Nzambi. Beto lenda bambuka Yoashi ti

Amasia. III. KULONGA LESO YAI

Kuyantika :

Bubuyai beto ta mona diaka mfumu ya yantikaka mbote ti salaka mbote bamvula mingi, kansi na nima, lulendo simbaka yandi ti yandi bwaka. Beto ta yindula Mfumu Oziasi, mwana ya Mfumu Amasia.

Malongi ya nene ya leso yai (developpement) na banti 4 :

38.1 Mfumu Oziasi yingaka tata na yandi Amasia na Kimfumu ya Yuda. Yandi waka ndinga ya profete Zakaria, landaka Nzambi ti salaka mbote.

Yo yina, Nzambi sakumunaka yandi. (Moniteur ya bajeune ya niveau secondaire, NB : Yai kele ve Zakaria ya

sonikaka mukanda ya Zakaria penepene na nsuka ya Kuwakana ya Ntama na Bible. Yandi sonikaka na nima. Yai kele profete ya nkaka.]

Tangila bana baverse yai :

2-3 Bansangu 26 :1 Oziasi ...vandaka bamvula 16 ntangu bantu ya Yuda tulaka yandi ntotilaYandi yalaka bamvula 52....

5 Na luzingu yonso ya Zakaria, muntu yina vandaka kulonga yandi mambu ya Nzambi, Oziasi vandaka kudipesa kaka na kuzaba luzolo ya Mfumu Nzambi. Mambu na yandi yonso mpi bongaka.

? Yula bana

Bana sala bageste to mwa-senete

Bana yimba ti kina

38.2 Oziasi nungaka na bamvita. Yandi tungaka bisika mingi ti lukumu na yandi kwendaka ntama.

Tangila bana baverse yai :

6-7 Oziasi ...tungaka babwala....Nzambi nungisaka yandi na bitumba....

8 ...bantu...kwisaka kupesa Oziasi bakado. Yandi kumaka ngolo mingi. Lukumu na yandi panzanaka....

9-11 Oziasi tungisaka banzo ya nda...sambu na kukengilaka ntoto. Yandi timunaka mpi mabulu ya masa sambu yandi vandaka na bambisi mingi...(ti)bilanga ya vinu...(ti) basoda mingi me zaba kunwana bitumba....

? Yula bana

Bana sala bageste to mwa-senete

Bana yimba ti kina

38.3 Kansi, lulendo simbaka yandi. Ebuna yandi kwendaka kusala kisalu ya Nzambi pesaka kaka na banganga-Nzambi.

Tangila bana baverse yai :

16 Ntotila Oziasi kumaka lulendo sambu na ngolo na yandi, yo yina yandi kubwaka. Yandi bikaka kulemfukila Mfumu Nzambi, Nzambi... Nkutu kilumbu mosi yandi kotaka na kati ya nzo-Nzambi sambu na kuyoka makabu ya bima ya mananasi na zulu ya mesa-kimenga.

17 ...banganga -Nzambi ...ya kikesa mpenza makumi nana, bo landaka ntotila.

18 Bo telamaka na ntwala na yandi. Bo tubaka na yandi nde : « Mfumu, nge ke na nswa ve ya kupesa makabu ya bima ya mananasi nge mosi na Mfumu-Nzambi. Yo kele kiyeka ya banganga-Nzambi, bana ya Aron... Basika na kisika yai ya nsiku, sambu nge me sala masumu... »

? Yula bana

Bana sala bageste to mwa-senete

Bana yimba ti kina

38.4 Ntangu bo songaka yandi mbi yina, yandi wakaka ve kansi makasi fulusaka yandi. Yo yina, Nzambi pesaka yandi malady ya lepre tii nsuka ya moyo na yandi.

Tangila bana baverse yai :

19 Oziasi ...wilaka banganga-Nzambi makasi. Ebuna na mbala mosi, maladi ya lepre kusimbaka yandi na ilungi po pana na meso ya banganga-Nzambi.

20 ...Bo monaka nde ilungi na yandi me fuluka na bamputa. Bo basisaka yandi nswalu na Nzo-Nzambi. Yandi mosi Oziasi mpi monaka nde Mfumu Nzambi me pesa yandi ndola. Yandi sasukaka na kubasika nswalu.

21 Ntotila Oziasi vandaka kaka ya kubela tii kuna yandi fwaka. Yandi vandaka kubikala na

kingenga na nzo na yandi mosi...Mwana na yandi Yotami vandaka kuyala ntoto.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Oziasi yantikaka mbote, kulanda ndinga ya Nzambi. Yo yina, Nzambi bongisaka kimfumu na yandi.

Nzambi pesaka yandi ngolo mingi bonso Mfumu. Kansi ntangu yandi monaka ngolo yina, lulendo simbaka yandi, bonso yandi mosi me nungisa kimfumu na yandi. Yandi yantikaka kuyindula nde yandi lenda sala konso mambu yandi zolaka. Yandi vandaka diaka ve kubambuka nde Nzambi me pesa kisalu ya bamakabu ya maboko ya bangangaNzambi. Yandi zabaka yo, kansi yandi yindulaka nde mambu ve, mabanza na yandi mbote kuluta ndinga ya Nzambi. Na lulendo yina, Nzambi pesaka yandi maladi ya ngolo ti ya nsoni—maladi ya lepre. Yo simbaka yandi tii na lufwa na yandi. Yo pesaka yandi diaka ve kusala lulendo na meso ya Nzambi.

Devoir sambu na bakristo :

Beto bakristo, beto tina lulendo. Beto kudikulumusa sambu beto lenda kuwa ndinga ya Nzambi ti kulemfuka na yo. Mposo yai, sosa kukatula lulendo yonso na mabanza na nge. Invitation sambu na bo ya me yamba Yesu ntete ve :

Lulendo kuluta nene kele kuyindula nge beto kele mbote na Nzambi kukonda Yesu Kristo. Lulendo ya nene kele kumona nde beto ke na mfunu na Yandi ve. Beto kele bankwa-masumu, mbi na meso ya Nzambi. Beto me zinga bonso Nzambi ikele ve. Yo yina, beto me zwa makambu ti Yandi. Beto kele na kinduku, na kintwadi ti Yandi ve.

Kansi Nzambi zolaka beto, bantu ya mbi. Yandi tindaka Yesu Kristo, Mwana na Yandi mvu ya mvu.

Yesu bakaka masumu yonso na beto na zulu ya ntu
na Yandi ntangu Yandi fwaka na zulu ya kulunsi.
Nzambi tedimisaka Yesu na lufwa sambu na
kusonga nde kieleka, Yandi Tata Nzambi me ndima
lufwa ya Yesu na sika na beto.

Bible ke songa beto nde bubuyai, konso muntu ya ta
balula ntima ti tula kivuvu na Yesu Kristo, yandi ta
guluka. Keti nge bambuka ntangu ya nge
gulukaka? Kana keti-keti ikele, kuyamba Yandi
bubuyai. Yandi ta lolula nge.

NSUKA YA LESO 38

Leso 39. Na Israele, bapofete bingaka bamfumu kuvutuka na Nzambi, kansi bo kaka mbi.

2 Bantotila 15 :8-31, Mikanda ya Ozea ti Amosi

[Moniteur, NB: Atasio! Mfumu Ozea kele, profete Ozea kele muntu ya nkaka. Mfumu Ozea mbi, Profete Ozea mbote. Konso ntangu beto sadila zina zina, beto ta tuba mpi titre—Mfumu Ozea to Profete Ozea.]

I. PREPARATION SAMBU NA MONITEUR-

Kuyidika na ntwala : Longuka carte ya bamfumu na nsuka ya lesa yai. Yilama kusonga ti tendula yo na bana. Yilama na karte geografika ya Israele mpi.

Kikuma ya Leso :

Beto kuwa ntangu muntu kusonga beto mbi na beto. Beto simba mbi na beto ve, kansi beto vutuka na Nzambi.

Verset ya Kulonguka : Yezaya 55 :7

Muntu ya mbi kubika nzila na yandi ya mbi, muntu ya nku kubika bandinga na yandi ya nku, bo vutuka na Mfumu Nzambi, Yandi ta wila bo mawa.

Bo vutuka na Nzambi na beto, Yandi ke lembaka ve na kulolula.

Bankunga ya kwenda nzila mosi ti lesa :

Kuwa Bansongidila

Masumu na Mono Me Kwenda

Mikanda ya Kuwakana ya Mpa (Histoire ti bapofete ya tubaka kaka fioti)

II. REVISION

Kuyindula diaka baleso me luta : Na mposo me luta, beto monaka Oziasa na kimfumu ya Yuda na sud partie ya ntoto ya Israele. Yandi salaka mbote, kansi na nima, yandi fwaka nsiku ya Nzambi na lulendo, ebuna Nzambi pesaka yandi ndola ya maladi ya lepre.

III. KULONGA LESO YAI

Kuyantika : Mposo yai, beto vutuka kulanda Kimfumu ya Israele na nord partie ya ntoto na bo. [Moniteur, songa karte geografika.] Malongi ya nene ya lesa yai (developpement) na banti 4 :

39.1 Na Israele, bamfumu landaka kaka mbi. Zakaria—Shalumi—Menahemi—Pekaya—Peka—Osea. Bo yonso buyaka Nzambi ti sadilaka biteki ya mbi. [Moniteur, songa ti tendula bazina na karte ya bamfumu.]

Tangila bana baverse yai :

2 Bantotila 15 :8-9 ...Zakaria mwana ya Yeroboami 2 kumaka ntotila ya

Israele...yandi salaka masumu na meso ya Mfumu Nzambi bonso bankaka na yandi....

13 Shalumi ...kumaka ntotila ya Israele...

14, 18 Menahemi....bakaka kimfumu...Yandi salaka masumu na meso ya Mfumu Nzambi tii lufwa na yandi....

22, 24 Yandi fwaka...ebuna mwana na yandi Pekaya bikaka kuyinga yandi na kimfumu.... Yandi salaka masumu na meso ya Mfumu Nzambi na kulanda mbandu ya mbi ya Yeroboami 1....

25, 28 Peka bakaka kimfumu...Yandi salaka masumu na meso ya Mfumu Nzambi na kulanda mbandu ya mbi ya Yeroboami 1 (kubenda bantu kusamba biteki).

? Yula bana

Bana sala bageste to mwa-senete

Bana yimba ti kina

39.2 Na nlemvo ya Nzambi, bamfumu mingi yalaka kaka ntangu fioti. Mingi na bo yingaka tata na bo ve, kansi bo simbaka kimfumu ya kingolongolo. [Moniteur, songa diaka karte ya bamfumu ti tendula mambu yai.]

Tangila bana baverse yai :

Mbandu ya bo ya yalalaka kaka ntangu fioti—

2 Bantotila 15 :8 ...Zakaria ...yalaka na bwala

Samaria bangonda sambanu...

13 Shalumi...yalaka na bwala Samaria ngonda mosi kaka.

Mbandu ya bo ya simbaka kimfumu na kingolo-ngolo—

10 Shalumi...sosaka mpila ya kufwa Zakaria. Yandi fwaka yandi na bwala...ebuna yandi bakaka kimfumu na yandi.

14 Menahemi...kwendaka na bwala Samaria sambu na kufwa Shalumi...ebuna yandi bakaka kimfumu na yandi.

25.... Soda mosi (ya Mfumu Pekaya) zina na yandi Peka...wakanaka na bantu 50...bo fwaka Pekaya na kati ya nzo ya kimfumu na Samaria, ebuna Peka bakaka kimfumu na yandi.

30 Mfumu Ozea sosaka mpila ya kufwa ntotila Peka. Yandi fwaka yandi, ebuna yandi bakaka kimfumu na yandi.

? Yula bana

Bana sala bageste to mwa-senete

Bana yimba ti kina

39.3 Nzambi tindilaka bo baprofete bonso Amosi ti Profete Ozea, kansi bo waka ve. (Profete Ozea ti Mfumu ya mbi Ozea kele bantu zole ya nkaka.)

Tangila bana baverse yai :

Mukanda ya Amosi 1 :1 ...Amosi vandaka na kisalu ya kukebaka mameme...Nzambi kwisaka kumonika na yandi...

2 :6 Mfumu Nzambi ke tuba nde : « Bantu ya Israele me sala mbi mingi. Yo me lutana. Mono ta pesa bo ndola... »

12 Kansi beno (Israele) songaka baprofete nde : ‘Beni kutuba ve mambu ya Nzambi.’

Mukanda ya Profete Ozea 1 :2...”Kwenda nge kwela nkento yina ke salaka kindumba. Nge buta ti yandi bana-makangu...bantu ya ntoto yai me bikisa Mono Mfumu Nzambi na kwenda kusamba banzambi ya nkaka. Bo me kuma bonso nkento ya ndumba...”

13 :9 “Bantu ya Israele, imene na beno ! Zaba nde Mono muntu ta fwa beno ! Ebuna nani diaka muntu lenda sadisa beno ? »

? Yula bana

Bana sala bageste to mwa-senete

Bana yimba ti kina

39.4 Ndola yantikaka. Na ntangu ya Menahemi, Kimfumu ya Asiria yantikaka kubenda bantu ya Israele kufutula yandi mbongo. Na ntangu ya Peka, Asiria yantikaka kusimba babwala ya nkaka, kukwenda na bantu yina sambu bo kuma bampika na Asiria. Yai yonso sambu bo waka ve baprofete Nzambi tindilaka bo, kansi ndola mingi ya nkaka fweti kwisa.

Tangila bana baverse yai :

2 Bantotila 15: 19-20 ...ntotila ya nene ya nsi ya Asiria kwisaka kukota na ntoto ya Israele, ebuna Menahemi pesaka yandi ...arza...Na kubaka arza yai yonso, Menahemi futisaka mpaku na bamvwama ya Israele...

29 ...Ntangu Peka vandaka ntotila ya Israele...ntotila...ya Asiria botulaka babwala ...ti ntoto...bantu ya yandi kangaka, yandi nataka bo na kimpika na nsi ya Asiria.

? Yula bana

Bana sala bageste to mwa-senete

Bana yimba ti kina ><

Kumanisa Malongi :

Bamfumu ya Kimfumu ya Israele landaka kaka kusamba biteki mpi kusala mbi. Ata Nzambi tindilaka bo baprofete, bo waka ve ndinga ya Nzambi. Yo yina, Nzambi kangulaka nzila nde ndola na bo kuyantika.

Devoir sambu na bakristo :

Beto sala ntu-ngolo ve bonso Israele. Kana muntu ya Nzambi songa beto mbi na beto, beto kuwa, beto balula ntima.

Invitation sambu na bo ya me yamba Yesu ntete
ve :

Ndola ti lufwa ke kinga beto bantu ya masumu,
sambu beto me vila nzila ya Nzambi. Kansi
Nzambi zola beto. Yandi me pesa Mwana na Yandi
Yesu

sambu na kubaka ndola na beto. Kana muntu ndima
Yandi bonso Mvulusi ti Mfumu, Nzambi ta lolula
yandi. Yandi ta kuma mwana ya Nzambi. NSUKA
YA LESO 39

Bamfumu ya Israele (nord) na Leso Yai :



Nani ? Zina ya Mfumu ?

Kumaka mfumu nki mutindu ?

Yalaka ntangu ikwa ?

Zakaria Yingaka tata Bangonda 6

Shalumi Simbaka kimfumu Ngonda 1

Menahemi Simbaka kimfumu Bamvula 10

Pekaya Yingaka tata Bamvula 2

Peka Simbaka kimfumu Bamvula 20

Mfumu Ozea Simbaka kimfumu Bamvula 9

Kaka mbi, mbi, mbi

Leso 40. Ndola kubwaka na Kimfumu ya Israele. Ozea mfumu ya nsuka.

2 Bantotila 17 :1-23

I. PREPARATION SAMBU NA MONITEUR-

Kuyidika na ntwala : Sosa carte geografika ti carte ya bamfumu.

Kikuma ya Leso :

Beto bakisa nde Nzambi fweti pesa ndola na bo ya landa kaka masumu ti buya ndinga na Yandi ya ke binga bo kubalula ntima. Beto ndima nswalu masumu na beto ; beto vutuka na nzila ya Nzambi.

Verset ya Kulonguka :

Bingana 29 :1 Kana nge ke tula ntu-ngolo konso ntangu bo ke pesa nge ndongisila, kilumbu kele ntu na nge ta pasuka. Yo ta yilama diaka ve.

Bankunga ya kwenda nzila mosi ti leso :

Vutuka, Afrika, Afrika !

II. REVISION

Kuyindula diaka baleso me luta :

III. KULONGA LESO YAI

Kuyantika :

Malongi ya nene ya leso yai (developpement) na banti 4 :

40.1 Mfumu Ozea belaka na mvita ti Asiria. Yandi zwaka mpaku ya yandi fweti futisa bo.

Tangila bana baverse yai :

2 Bantotila 17 :1 ...Ozea kumaka mfumu ya Israele. Yandi yalaka bamvula 9 na bwala Samaria.

2 Yandi salaka masumu na meso ya Mfumu Nzambi...

3ntotila ya nene ya Asiria kwisaka kunwanisa yandi. Mfumu Ozea belaka, ebuna

yandi vandaka kufuta ntotila yina mpaku konso mvula.

? Yula bana

Bana sala bageste to mwa-senete

Bana yimba ti kina

40.2 Mfumu Ozea mekaka kubasika na mpaku mpi na kufwa mfumu ya Asiria. Yo yina, mfumu ya Asiria tulaka yandi na boloko.

Tangila bana baverse yai :

4 Kansi na nima, Mfumu Ozea sosaka mpila ya kufwa (mfumu ya Asiria)...yandi mpi buyaia na kufuta mpaku na (yandi). Ntangu (mfumu ya Asiria) waka mpidina, yandi kangaka Ozea. Yandi tulaka yandi na boloko.

? Yula bana

Bana sala bageste to mwa-senete

Bana yimba ti kina

40.3 Mfumu ya Asiria ziungaka Samaria bamvula 3. Na nima, yandi simbaka yo ti kumisaka bantu ya Israele bampika na yandi. Kimfumu ya Israele kufwaka. Kaka Kimfumu ya Yuda bikalaka. Date 722 Av.J-C.

Tangila bana baverse yai :

5 ...(Mfumu) ya nene ya Asiria kotaka na ntoto ya Israele ti basoda na yandi, yandi ziungaka bwala Samaria. Na nima ya bamvula 3,

6 ntangu Ozea me lungisa bamvula 9 na kimfumu na yandi, (mfumu) ya Asiria botulaka yandi. Yandi nataka bantu ya Israele na kimpika na nsi na yandi...

? Yula bana

Bana sala bageste to mwa-senete

Bana yimba ti kina

40.4 Ndolo yai yonso salamaka sambu bo salaka mbi mingi ti bo sambaka biteki ti landaka bampila na bo ya mbi. Bo waka mpi ve baprofete ya Nzambi tindilaka bo, kansi bo buyaka ndinga na Yandi.

Tangila bana baverse yai :

7 Mambu yina kubwaka sambu bantu ya Israele salaka masumu na meso ya Mfumu Nzambi...Bo sambaka banzambi ya nkaka

8-9 bo landaka mpi bikalulu ya bantu yina ya Mfumu Nzambi kulaka na ntwala na bo...Bo tungaka bisika na kusambila biteki na babwala na bo yonso...

13 Mfumu Nzambi tindaka baprofete na Yandi...na kusonga bantu ya Israele...nde :
« Beno bikisa banzila na beno ya mbi.
Beno landa bansiku ya Mono... »

14-17 Kansi bo lemfukaka ve. Bo vandaka ntungolo...Bo buyaka na kulanda malongi na Yandi...Bo sambaka biteki ya mpambampamba. Bo mosi mpi kumaka bantu ya mpamba-mpamba...bo vandaka kwenda na banganga-ngombo ti na banganga-nkisi...

18 Mfumu Nzambi wilaka bantu ya Israele makasi mpenza. Yandi tula bo natama na meso na Yandi. Bantu ya dikanda ya Yuda mpamba bantu bikalala.

? Yula bana

Bana sala bageste to mwa-senete

Bana yimba ti kina >|<

Kumanisa Malongi :

Ntangu mingi bamfumu ya Kimfumu ya Israele me twadisa na mpila ya mbi. Bo yonso, kaka mbi, mbi, mbi. Na mawa na Yandi, Nzambi me tindila bo baprofete-- Elia, Elisa, baprofete ya nene. Yandi me tindila bo baprofete ya sonikaka malongi na bo, bonso Amosi, Profete Ozea, ti Mishee. Malongi na

bo me kuma partie ya Bible na beto. Baprofete yai yonso bingaka bo kuvutuka na Nzambi. Bo buyaka diaka ti diaka. Na nsuka, Nzambi kangulaka nzila nde mbeni mosi kwisa kununga bo, kumanisa Kimfumu ya Israele. Na ndola ya Nzambi, bo kumaka bampika na nsi ya Asiria. Kaka Kimfumu ya Yuda vandaka kubikala, sambu ndambu bamfumu na bo vandaka mbote.

Devoir sambu na bakristo :

Beto bakristo, yindula. Kana muntu ya Nzambi songa nge nde nge me sala mbi, nge sala nki ? Kana nge kuwa ndinga ya Nzambi, ti yo songa nge nde mambu nge me sala, yo kele mbote ve, nge sala nki ? Keti nge balula ntima ti kuvutuka na Nzambi ? Keti nge lomba pardo ti bika mambu yina ya mbi ? Yai kele mpila Nzambi zola beto kusala. Yandi fweti pesa ndola na bantu ya landa nzila na Yandi ve, kansi Yandi ta lolula bo ya balula ntima ti bika masumu na bo.

Invitation sambu na bo ya me yamba Yesu ntete ve :

Nki mutindu Nzambi lenda lolula bantu ya me sala mbi? Yandi lenda lolula bo sambu Mwana na Yandi Yesu Kristo pesaka menga na Yandi bonso makabu ya futaka mfuka ya masumu na beto yonso. Yandi lenda lolula beto bantu ya mbi sambu Mwana na Yandi Yesu Kristo telamaka na lufwa.

Yandi ke lomba kaka nde nge kwikila ndinga na Yandi nde nge kele nkwa-masumu, nge balula ntima, nge vanda na ntima kubika nzila ya masumu. Mpidina Nzambi ta pesa nge ntima ya mpa ya zola bansiku na Yandi. Yandi ta lolula nge. Kaka Yesu lenda sala yo. Kwisa na Yandi bubuyai.

NSUKA YA LESO 40

Leso 41. Kimfumu ya Kukabana- Revisio

Nsaka—Sola na kati ya bantu zole

[Moniteur, nge lenda kaka tuba bazina ya bantu, to nge lenda Sonika zina na kati ya bitini ya papier. Kana na papier, pesa bitini zole na bana zole, bo telama na ntuala ya classe.]

Nani tulaka biteki na nord ti na sud, ebuna yandi twadisaka bamfumu yonso na nima kusala masumu ? Yeroboami to Roboami ? (Ee, Yeroboami.)

Nani tubaka na bantu na mpila ya ngolo, ebuna kimfumu kabanaka?

Salomo to Roboami ? (Ee, Roboami.)

Nani bingaka Nzambi na ntangu ya mvita, kansi bingaka Yandi ve lumbu na lumbu ?

Abiya to Yeroboami ? (Ee, Abiya)

Nani Mfumu ya Israele ya kuluta mbi, nkento na yandi Yezebele mpi kuluta mbi ?

Akabi to Shalumi ? (Ee, Akabi)

Nani Mfumu ya Yuda tindaka balongi ya ndinga ya Nzambi ? Akabi to Yozafati ? (Ee, Yozafati)

Nani profete ya Nzambi tesaka baprote ya kiteki Baale, ebuna Nzambi tindaka tiya na makabu na yandi ? Mishe to Elia ? (Ee, Elia)

Nani profete tedimisaka mwana na lufwa ? Elisa to Amosi ? (Ee, Elisa)

Nani profete ya Nzambi songaka yandi kukwela nkento ya ndumba ?

Profete Ozea to Elia ? (Ee, Ozea)

Nani nkento ya mfumu yumaka ntima sambu na kilanga ya vinu ya Naboti ?

Yezebele to Atalia ? (Ee, Yezebele)

Nani mfumu yalaka kaka ngonda mosi ?

Shalumi to Akabi ? (Ee, Shalumi)

Nani mfumu ya nsuka ya Kimfumu ya Israele ?

Mfumu Ozea to Mfumu Yeroboami ? (Ee, Mfumu Ozea)

Mfumu ya nki nsi nungaka Kimfumu ya Israele ti kumisaka bo bampika na yandi ? Chine to Asiria ? (Ee, Asiria)
Eksplikasio—Bimfumu Zole

[Moniteur, kana bana to bantu ya nkaka kele kulunga ya zaba kutanga mbote, konso muntu lenda tanga paragafe mosi. Kana ve, bantu zole lenda sala yon a tour—muntu mosi tanga paragafe mosi, muntu ya zola paragafe ya ke landa, muntu ya ntete paragafe ya nkaka, etc.]

Bampika na Ezipte –Mukanda ya Kubasika

Ntangu bantu ya Israele vandaka bampika na Ezipte, Yandi kumisaka bo mingi. Bo kumaka dikanda ya nene. Yandi twadisaka bo kubasika na Ezipte. Moize twadisaka bo, ti Nzambi pesaka yandi bansiku na Yandi.

Kukota nsi Nzambi me sila bo—Mukanda ya Yozue

Yandi silaka bo nde Yandi ta pesa bo nsi na bo mosi. Yandi twadisaka bo na nsi ya Kanana. Bantu kuna me sala mbi mingi, yo yina Nzambi zolaka kula bo. Yandi sadilaka bantu ya Israele kusala yo. Yozue twadisaka bo, ebuna bo nungaka bantu ya Kanana. Kansi yonso ve. Ndambu bantu ya Kanana bikalaka ti biteki na bo. Nzambi songaka bo nde kana bo landa bansiku na Yandi, Yandi ta sakumuna bo.

Bazuze kuyala ti bo vila nzila—Mukanda ya Bazuze

Na nima ya Yozue, bambeni vandaka kuyangisa bo ndambundambu. Nzambi bingaka bazuzi kutwadisa bo mpi kukula bambeni na bo. Biteki ya me bikala na ntoto vandaka kubenda bo konso ntangu kubika nzila ya Nzambi.

Bamfumu kuyala bo—Mukanda ya 1 & 2 Samuele

Nzambi Yandi mosi zolaka kuyala bo, kansi bo zolaka muntu kuvanda mfumu. Bo zolaka kuvanda bonso bansi ya nkaka. Nzambi vandaka na yo kiese ve, kansi Yandi kangulaka nzila nde bo tula mfumu. Mfumu ya ntete vandaka Saule. Yandi yantikaka mbote, kansi yandi salaka mbi na nima. Nzambi kulaka yandi ti tulaka Davidi. Davidi sosaka Nzambi na ntima yonso ti ndimaka nswalu kana yandi me sala mbi.

Mwana ya Davidi Salomo yingaka yandi. Yandi lombaka Nzambi mayele kuyala mbote ti Nzambi kumisaka yandi mayele, mvwama ti ya lukumu. Kansi yandi landaka nsiku ya Nzambi ve na mambu ya bankento. Bu yandi nungaka, bo bendaka yandi kusamba biteki.

Salomo Mfumu ya Nene, n anima Kimfumu Kukabana—Mukanda ya 1 Bantotila

Mwana ya Salomo Roboami yingaka yandi. Bantu lombaka yandi nde yandi kuwa bo, kansi yandi landaka conseye ya mbi ti buyaka bo. Na bilumbu na yandi, kimfumu kabanaka. Na kati ya batribu 12, kumi na nord kwendaka na Mfumu Yeroboami. Bo kumaka Kimfumu ya Israele. Kaka zole na sud kangamaka na Roboami. Bo kumaka Kimfumu ya Yuda.

[Moniteur, songa carte geografika ya ke songa bimfumu yai zole.]

Kimfumu ya Kukabana—Mikanda ya 2 Bantotila, 2 Bansangu

Na baleso yai beto me landa bamfumu ya Israele na nord ti ya Yuda na sud, na Kimfumu ya Kukabana. Bamfumu yonso na Israele, kaka mbi, mbi, mbi. Na luyantiku, Yeroboami tulaka biteki na babwala zole sambu bantu vanda ve na mabanza kukwenda na Yeruzalemi sambu na kusamba na temple of Nzambi. Na mpila yina, yandi twadisaka Israele kusala masumu. Bo yonso landaka na nzila na yandi. Nzambi tindilaka bo bapofete kubinga bo kuvutuka na Yandi, kansi bo waka ve ata fioti. Na nsuka, na bilumbu ya Mfumu Ozea, Nzambi pesaka bo ndola. Yandi kangulaka nzila nde bambeni kubaka capital na bo, Samaria, ti kumisa bo bampika na nsi ya Asiria. Bo buyaka kuwa Nzambi, ebuna ntangu yina, Kimfumu ya Israele vandaka diaka ve. Date vandaka 722 na ntwala ya Yesu. Kaka Kimfumu ya Yuda me bikala.

Yai ke songa nki ?

Na yai yonso, Nzambi ke songa beto nde beto kele bankamasumu. Beto kele nswalu kubika nzila na Yandi. Bantu me sala yo diaka ti diaka. Beto kele na mfunu ya Mvulusi.

Nzambi silaka bantu ya Israele mambu zole—Mosi, ntoto, ti ya zole, Mvulusi. Na nima ya ntangu, Nzambi sadilaka nkento mosi na kati na bo kubuta Mvulusi Yesu Kristo. Kansi Yesu vandaka ve kaka sambu na dikanda mosi. Yandi bakaka masumu ya beto yonso na zulu na Yandi. Yandi silaka moyo mvu ya mvu na bantu ya makanda yonso ya ta ndima Yandi. Keti nge me ndima Yandi ? Kana ve, nki ntangu nge ta balula ntima ? Bubuyai ?

NSUKA YA REVISIO

MONITEUR, ATASIO !

Nge me defa mukanda yai na Centre des Matériels de MCE-“Ministères pour Chaque Enfant.” Mabundu mingi ya nkaka ke kinga kusadila mukanda yai kulonga mpi bana na bo. Beto lomba nge kuvutula yo le plus vite possible sambu yo sadisa bantu ya nkaka.

Nsangu ya mbote! Bu nge vutula yo, beto lenda defisa nge mukanda ya nkaka. Mukanda ya ke landa na serie yai kele mukanda ya profete Yonasi. Na nima nge manisa kulonga yo, nge lenda vutuka na kulanda bamfumu ya Kimfumu ya Yuda. Lomba mikanda yai ntangu nge vutula mukanda yai na Centre des Matériels. Nzambi sakumuna nge!

BANKUNGA YA BANA TA YIMBA TI BALESO YAI :

[Moniteur, na kati ya konso lesa, beto me pesa batitre ya bankunga ya kwenda nzila mosi ti kikuma ya lesa yina. Awa nge ta mona bandinga sambu na bankunga yina yonso, na ordre alfabetike.]

BANA YA FIOTI YONSO

Bana ya fioti yonso ya kwikila na
Yesu
Lenda kukota zulu na nzila na Yandi
Sambu kana mwana ndima
Yesu na ntima na yandi
Mwana yina me kuma
Mukwikidi na Yesu !

Ya nana, kuyiba ve
Mpangi na nge (3x)
Nsiku ya nana kulanda

Ya uvwa, kutuba luvunu ve (3x)
Nsiku ya uvwa kulanda Ya kumi,
yuma ntima ve Na bima ya mpangi
(3x) Nsiku ya kumi kulanda !

BANSIKU KUMI KULANDA

Nzambi kupesaka
Bansiku kumi (3x) Ya
beto fweti kulanda.

BANZAMBI YA NKAKA
Banzaaa-mbi ya nkaka
Bantu me sala yo
Nge kaka ke Nzambi

Ntete, kusamba kaka
Yandi, Nzambi (3x)
Nsiku ya ntete kulanda

Ya salaka beto !
Ya salaka beto ! (O Yesu) répéter

Ya zole, sala biteki
Ve, Ve, Ve ! (3x)
Nsiku ya zole kulanda

**BENDA BAMPANGI YA NKAKA (Mono Kele
na Nzo
Kitoko) Benda bampangi
ya nkaka Beno kwisa !
Benda bampangi ya nkaka
Beno kwisa ! Benda
bampangi ya nkaka Beno
kwisa !
Kwisa na Yesu ! (O Nzambi)**

Ya tatu, zitisa zina
ya Nzambi (3x)
Nsiku ya tatu
kulanda

Mvutu:
Mfumu, 0 Mfumu, mono ta tonda Nge
(O Nzambi)
Mfumu, 0 Mfumu, mono ta tonda Nge
(O Nzambi)
Mfumu, 0 Mfumu, mono ta tonda Nge Kuna
na zulu !

Ya iya, zitisa
Kilumbu kupema (3x)
Nsiku ya iya kulanda

Ya tanu, zitisa
Tata ti mama (3x)
Nsiku ya tanu kulanda

Sambanu, Kufwa muntu
Ve, ve, ve ! (3x)
Nsiku ya sambanu kulanda

BETO BAKRISTO, SADISANA
Beto bakristo sadisana
Beto bakristo sadisana
Beto bakristo sadisana
Yo kele mbote.

Nswambadi, Kusala bizumba
ve (3x) Nsiku ya nswambwadi
kulanda

BI-BI-LA !
Bii-bi-la !

Mukanda ya
Nzambi! Mono
kwikila yonso
na
Bii-ii-bi-la !

Bii-bi-la !
Mukanda
Kitoko
Mo' zola
mingi
kuwa yo
Bii-bi-la !

Bii-bi-la !
Beto ta tanga yo !
Lomba, ebuna lemfuka na
Bii-ii-bi-la !

Ee, MFUMU, Ee
Ee, Mfumu, ee
Na yonso ya Nge tuba
Ee, Mfumu, ee
Mono zola lemfuka

Mvutu :
Bu mo' tanga Bibila
Mono kaka ta ndima
Ye mono ta tuba ee,
Mfumu, ee !

KANA BENO KE ZOLAKA
MONO
(Yoane 14 :15)
Kana beno ke zolaka Mono
(3x) Beno ta lemfuka.(3x)
Benota lemfuka.

Kana beno ke zolaka Mono (3x) Beno
ta landaka bansiku na Mono (3x) Beno
ata lemfuka.

KANA NGE ME VULUSWA
Kana nge me vuluswa XX
Tubila bampangi XX
Nsangu X XX Ya Yesu X XX

Kana nge me vuluswa XX Tubila
bampangi XX 'Buna bo ta zaba Yesu
mpi.

KILUMBU YAI NZAMBI ME SALA
Kilumbu yai (Kilumbu yai)
Nzambi me sala (Nzambi'i me sa'la)
Beto bantu (Beto bantu)
Fweti yangalala (Fweti yangalala)

Kilumbu yai Nzambi me sala !
Beto bantu fweti yangalala Kilumbu yai
(Kilumbu yai) Nzambi me sala !

KONSO LUMBU KIESE KELE
Na lumingu kiese kele
Kintete ke mbote
Kizole ngemba ya Nzambi Ke fuluka
ntima.
Kitatu mpi kiiya, mo' landa na mwini,
Kitanu ke bonso zulu, mpi
Mposo ke mbote !

Konso lumbu mono samba
Mvulusi na mono. Konso
lumbu Yandi kuwa, mpi Ya'
sadisa mono.

Mvutu :
O, nkembo, nkembo, nkembo !
O nkembo na Yesu !
O Aleluya na Yesu !
Kiese konso lumbu !

KUDIKULUMUSA NA MESO YA NZAMBI
Kudikulumusa na meso ya Nzambi
(Kudikulumusa na meso ya Nzambi)
Kudikulumusa na meso ya Nzambi
(Kudikulumusa na meso ya Nzambi)

Ye Yandi ta nangula nge (Lumbu na lumbu)
Ye Yandi ta nangula nge !

KUMISA NZAMBI
(Ton: Kumbaya)
Kumisa Nzambi na kiese (3x)
Aleluya ! Na kiese !

KUSALA MBOTE NA KIMVUKA

Nge sadisa mono
 Mono, mpi, sadisa nge
 Kusala mbote
 na kimvuka Ke
 sadisa beto
 yonso !

KUWA BANDONGISILA

Kuwa }
 bansongidila }
 Ya mbote.
 3X }
 Bansongidila }
 ya kinzambi. }

Kuwa
 bansongidila Ya
 mpamba-
 mpamba ve.
 3X Ya bantu
 kele kusonga
 nge.
 (Yimba Verse ya ntete diaka ti suka
 na yo.)

KWENDA NORD, KWENDA
SUD

Kwenda nord
 Kwenda sud
 Kwenda na gauche et droite
 Beto kwenda
 Beto kwenda
 Na nsangu ya mbote

Na bandombe
 Na mindele
 Na makanda yonso
 Beto kwenda
 Beto kwenda
 Na nsangu ya
 Yesu.

LOMBA NA NZAMBI KAKA

(Ton : Yesu Ke Zola Mono)
 Beto fweti Iombila
 Na Nzambi, Yandi
 kaka Ata muntu

mosi ve Ya nkaka lenda sadisa
 !

MVUTU:

Lomba na Nzambi ! Na
 Nzambi kaka
 Lomba na Nzambi Na zina ya
 Yesu !

MAWA, MAWA

Mawa, mawa, kuvanda mwana-Satana
 (repeter)
 Kiese, kiese, kuvanda mwana ya Nzambi
 (repeter) O, wale-e, O, wale-e
 !

MAZONO, BUBU, MVU YA MVU

Mazono, bubu mvu ya mvu, Yesu
 mutindu mosi ! Bantu yonso kulenda
 changer, kansi Yesu ve.
 Nkembo kwa yandi ! Nkembo kwa Yandi ! Bantu
 yonso kulenda changer, kansi Yesu ve.

MFUMU YA BAMFUMU YONSO

Mfumu ya bamfumu yonso, Nkembo !
 Aleluya ! Mfumu ya bamfumu yonso,
 Nkembo ! Aleluya !

Yesu, Mfumu ya ngemba ! Nkembo !
 Aleluya !
 Yesu, Mfumu ya ngemba ! Nkembo !
 Aleluya !

MFUMU ZABA NZILA NA MONO Mfumu

zaba nzila na mono
 Mono fweti Ianda kaka
 Mfumu zaba nz'ila na mono
 Mono fweti Ianda kaka

Ngolo bubu Yandi ta pesa
 Ye yonso ya mfunu mbasi
 Mfumu zaba nzila na mono Mono
 fweti Ianda kaka !

MONO ME SILA
KULANDA YESU Mono
me sila kulanda Yesu
(3X) Kuvutuka, yo lunga
ve.

Ata mono
mosi (3X)
Ee, mono
ta landa
Kuvutuka,
yo lunga
ve.

MONO TA MONA KIESE
Mono ta mona kiese (3x)
Na yonso Nzambi me pesa

Mo' ta yuma
ntima ve (3x) Na
bima ya bantu ya
nkaka.

Mo' ta yuma
ntima ve (3x) Na
sika ya bantu ya
nkaka

Nzambi na mono
zaba (3x) Nki
mo' ke na mfunu
na yo.

Nzambi na mono
zaba (3x) Nki
kele mbote na
mono.

MO' TA KWISA NA NZAMBI
NA LULENDO VE

Mo' ta kwisa na Nzambi na lulendo
ve

Mo' ta kwisa na lulendo ve
Mo' ta kudikumumusa na ntwala
n'Yandi Mo' ta kwisa na
lulendo ve.

Mvutu :
Sambu
Yandi kele

Nzambi Mo' ke Nzambi
ve.
Kele Yandi me salaka mono !

NANI KELE NGOLO ?
Nani kele ngolo ?
Nzambi ikele ngolo
Kuluta bantu yonso.

NZAMBI IKELE NENE
Nzambi ikele nene
Yandi yala na zulu
Yandi ke ngolo yonso
Nzambi ikele nene !
Nzambi ikele nene !

Nzambi na mono ta pesa
Bima yonso ya kele ya mfunu,
Yandi ta tula bawanzio na lweka
Na lweka na kukeba mono (Na lwee-ka) Na
lweka na kukeba mono !

NZAMBI KUWA NA SUKA
Nzambi na mono ta kuwa
Konso ntangu mono samba Ata n'
suka, Ata mpimpa, Nzambi ata
kuwa !

Mvutu:
Nzambi kuwa na-a su-uka
Nzambi kuwa na mi-idi Nzambi
kuwa na nkokila Konso ntangu beto
samba !

NZAMBI TA KUWA NGE
Nzambi ta kuwa nge (3X) Na
zina ya Yesu !

Yandi ta sadisa (3X) Na
zina ya Yesu !

Zitisa Yandi ! (3X) Na
zina ya Yesu !

Matondo na Nzambi (3X) Na zina
ya Yesu !

O, BIBLE KELE KIELEKA

O, Bible kele kieleka, kieleka,
kieleka, O, Bible kele kieleka
Yo ke luvunu ve !

O, Bible kele kitoko,
kitoko, kitoko, O, Bible
kele kitoko Mo' zola yo
mingi !

O LULENDO YAMBULA (O
Luvunu Yambula) O lulendo, o
lulendo, o lulendo yambula !
(O lulendo) (yimba diaka) Repeter

SAKUMUNA BANTU YA
NKAKA

Ton: Mono Kele na Nzo
Kitoko Sakumuna bantu
ya nkaka Kuzodila bo
mbote ! Sakumuna
bantu ya nkaka
Kuzodila bo mbote !
Sakumuna bantu ya
nkaka Kuzodila bo
mbote !
Yesu me songa beto (O Nzambi !)

Mfumu,
o
mfumu,
O
sadisa
mono.
Mfumu
, o
mfumu,
O
sadisa
mono.
Mfumu
, o
mfumu,
O
sadisa
mono.
Sambu Yesu me songa beto !

Sosa ntete Kimfumu ya Zulu, Ye
lunungu na Yandi Bima yonso
Yandi ta yika na nge ! Alelu,
Aleluya !

Muntu kuzinga ve na madia kaka
Kansi na ndinga Nzambi ! Sosa
ntete mambu ya kele mfunu
Alelu, Aleluya !

SIKA YONSO MONO KWENDA NA YESU
Sika yonso mono kwenda na Yesu
Mono landa Yandi na nzila yonso
Kana Yandi kele ve, ntantu kele,
Kana Yesu kele, mono tita ve.

Mvutu -- Na diboko n'Yandi,
boma kele ve !
Nzila yonso mono kwenda na Yesu.

VUTUKA, AFRIKA! VUTUKA !
Vutuka, Afrika! Vutuka !
Vutuka na Nzambi nge me vila
Beto bika bampeve yonso, biteki yonso, Beto
vutuka n'andi ya salaka beto !
Beto vutuka n'andi ya salaka beto !

YEZAYA 53:6
Beto yonso, beto vandaka
kuyungana bonso mameme, Konso
muntu na nzila na yandi, Mawa na
beto !

Ebuna Mfumu Nzambi tulaka
Mbi na beto yonso na zulu na
ntu na Yandi, Yandi Mesia
Kiese na beto ! (wa-la-la-la
!) Kiese na beto !

SOSA NTETE

